

**JOHANNIS FREIND, M. D.**

Coll. Med. Lond. & Societ. Reg. Socii,

**COMMENTARII**

**N O V E M**

**D E**

**F E B R I B U S,**

**A D**

**H I P P O C R A T I S**

**D E**

**MORBIS POPULARIBUS**

Libros PRIMUM, & TERTIUM  
Accomodati.

*Edit. Noviss. Cum Indicib. Necessar.*



**LUGDUNI BATAVORUM,**

**Apud JOH. ARN. LANGERAK, 1734.**





RICARDO FREWIN, M. D.

OXONIENSI,

JOHANNES FREIND

S. P. D.



UM in otio jucundissimo, Domicilio-  
que & ingeniis & literis florente, com-  
munia utriusque nostrum studia colere-  
mus, perſepe inter nos (quod Tu pro-  
be, Vir Amiciffime, meminifti) uti de univerſa  
Medicinæ ratione, ita præcipuè de Veterum in  
hac re ſcriptorum præſtantia, collocuti ſumus.  
Qui quidem non in ſua modò arte verſatiſſimi,  
ſed omni doctrinæ genere eruditi atque exculti  
fuiſſe videbantur; & tum intelligendi, tum  
ſcribendi Authores graviffimi ac magiſtri ex-  
titiffè. Ii autem cùm omnia præclare dixerint,  
hoc tamen in argumento, in quo medicum exer-  
citatiſſimum eſſe oportet, potiſſimùm elabora-  
runt, ut morborum Hiftorias accurate descri-  
berent, ſignorumque diſcrimen omne & ipſi di-  
ligenter notarent, & aliis diſerte diſtincteque  
explicarent. Quare ii demum, qui diuturno uſu  
atque obſervatione morbis medendis operam de-  
derunt, hæc Veterum monumenta & intelli-  
gunt facillime, & maxime admirantur.

*In hoc scriptiois genere excellere satis nosti, principem inter Latinos, Celsum, virum haud mediocris ingenii; quem si quis ex Rhetorum Scholis profectum, & dicendi potius quàm medendi artificem putaverit, nã is in re Medicã parum se esse intelligentem arguit: qui enim artem hanc nostram penitus callent, illum non sermonis elegantia magis, quàm curandi peritia insignem sentiunt. Vellem quidem Cælium Aurelianum libros suos non eã loquendi barbarie inquinasse, quæ medicinæ studiosos fere à legendo deterreat; nam, præterquam quòd multa Veterum scripta, quæ haud alibi uspiam extant, ei tanquam conservatori debeamus, in notis morborum enarrandis discernendisque & copiosus est & accuratus; inque opere suo disponendo non ordinem solum, sed iudicium adhibuit: certe, cùm Latine scribere præ se tulerit, si linguæ Romanæ vim tenuisset, iure inter primos haberetur. Græcorum viam eandem insistentium, licet ætate fere ex ultimis unum, (inter Ætii scilicet atque Pauli tempora interjectum) hac tamen in laude haud infimum posueris, Alexandrum Trallianum; qui, si ei, utpote longe lateque peregrinato, verba quædam extranea condonaveris, sermone satis brevi ac luculento, quemadmodum de se ipse pollicetur\*, usus esse videbitur: fortasse quædam in eo Empirica, quædam etiam superstitiosa, ne dicam Magica, reprehendes; sed*

*ut-*



utcumque in Remediis tradendis fuerit longior, quippe qui emeritus atque admodum senex experimenta, quæ multo usu atque exercitatione didicisset, in commentarios redegerit, ea tamen, quæ ad morbos internoscendos pertinent, & diligenter persecutus est, & dilucide enarravit. Nescio an in hoc numero recensendus sit, de re quidem Medica optime meritus, Galenus: nam ille, cum pleraque veterum, Hippocratis præsertim, more quodam professorio (ornato illo quidem, subtili licet, tamen minime jejuno) auditoribus suis exponere instituerit, non eo ad scribendum animo videtur accessisse, ut hunc de morbis pertractandis locum uno aliquo opere absolveret: tamen in his, quæ apud illum dispersa atque confusa habentur, Sylvam reliquit, unde maxima ex parte volumina sua satis operose contexuerunt, primum Oribasius, mox deinde Ætius, & tandem, utrisque junior, Paulus. Horum verò sive diligentiam, sive subtilitatem longe superavit, licet in doctorum manibus rarior sit, Vir & peracuti ingenii & in arte medica haud inexercitatus, Aretæus: qui, nullius scrip-  
 tia compilans, morbi cujusque tam acuti, quam diuturni signa primus literis prodidit; eaque stylo concinno & enucleato imprimis, utpote Hippocratis elegantia tinctus, ita diserte ac vivide descripsit, ut eum jam prope audeas perfectum scriptorem dicere. Nam plane perfectum, & cui nihil admodum desit, omnium, quotquot

*secuti sunt, parentem unicum, Hippocratem facile dixeris; eundem & perbreve, & perornatum. Horum in monumentis illa, quæ antiquissimis quibuscunque in suo genere Authoribus fere propria est, elucet scribendi divina quædam cum simplicitate conjuncta vis; quam posterorum plerique ita non attigere, ut ne perspexerint quidem. Itaque intelligentium omnium judicio inter scriptores Medicos eundem, quem Poëtas inter Homerus & Virgilius, aut inter Oratores Cicero & Demosthenes, locum obtinent.*

*Quare cum in veterum Medicorum scriptis versati, quantò sæpius & diligentius ea pervolvimus, tantò magis eorum præstantiam suspiceremus, tantò vehementiore legendi studio ac delectatione teneremur, (quo potissimum experimento verissimum fit de optimis quavis in scientia scriptoribus judicium) mirari inter nos solebamus, quæ nobis adeò placuerint, illa à multis neglecta esse, imo & præ Recentiorum quorundam libris omnino videri contemnenda, utpote ad medicinæ studiosos parum opis allatura. Quasi verò iis, quorum laus est non modò fundamenta artis nostræ jecisse, sed ex ædificasse id opus quod instituerant, ædificandi rationem nullam tenerent; iique, è quorum fontibus cuncta medentium gens suam, quæcunque sit, hausit scientiam, ipsi interim nihil scirent.*

*Enimvero ex ipsis Recentioribus, qui accuratissime morborum enarrationem tradiderunt,*



runt, veterum fere vestigia persecuti sunt; quemadmodum magno cum judicio fecit, in hoc scribendi genere facile princeps, & si unum excipias Celsum, author Latinus maxime, Lommius. Cæterorum, qui hos viæ duces atque authores relinquere, novamque & à priscis minime tritam semitam inire voluerunt, alii argumentum ipsum, de quo scribunt, haud satis percipiunt; alii id, quod usu affecuti sunt, literis tamen illustrare nesciunt: ita ut iis vel medendi facultatem, vel scribendi defuisse plane intelligas. Nec aliam causam reperio, cur in infinito pene scriptorum numero, qui his duobus proximis seculis hunc de morbis locum attigerunt, tanta sit bene scribentium paucitas; nisi quod veterum scripta minus versaverint, stylumque vel ad nullam, vel ad Recentiorum quorundam normam effinxerint. Ad quæ sane exempla quicumque se nimium studiose componit, multa inde vitia, tum in scribendo, tum in judicando contrahet; priscamque illam scriptiōis Medicæ sanitatem haud unquam assequetur.

Neque enim sermonem solummodo inquinatum, & verborum quasi monstra Recentiores intulere; sed morborum explicationem omnem ita commentis Philosophicis referere, ut fabulas potius Medicas, quàm Historias concinnasse videantur. Hinc fit, ut, si medendi scientiam spectes, vel futilia tradant præcepta, vel etiam, quod legentibus magis fraudi est,

vitiosa: quippe quæ ut plurimum ad ipsorum Hypotheses, ita quippe loqui amant, accommodata sunt & conficta. Multos, qui hoc vitio insigniter laborant, facile esset recensere: unus omnium instar sit, prægrandis libri author, Sylvius De le Boe, quem quidem ut unicum, qui Febrium rationem rectè tradiderit, scriptorum deprædicat Etmullerus. Quid tamen ex Sylvii lectione ad nos fructus redundavit, quàm ut, quæ juvenes fortasse satis avide arripuimus, nunc dediscenda, perdendaque esse fateamur? Scilicet omnibus Medicinæ studia colentibus id fere accidit incommodi, ut longum tempus in hoc vel illo Authore legendo sæpe conteramus, priusquam id satis odoratifimus, nos frustra legisse. Ex hac eadem vel tolerabilius scriptorum penuria fit, ut post renatas literas, licet innumerabiles fere rei Medicæ excolendæ incubuerint Scriptores, curandi tamen artem non æquis passibus proVectam esse jure queramur.

Sed neque suam Recentioribus laudem detrabere velim; qui quidem in duabus rebus, ad medendi facultatem maxime pertinentibus, feliciter versati sunt: nam & Artem Anatomicam subtilissime excoluerunt, inventisque compluribus locupletarunt; & Medicamentorum vim omnem varietatemque incredibili industria persecuti sunt. Tamen his ipsis etiam in rebus est forte, quod requiras; neque enim adhuc, post quam

Har-



Harveus id jam tunc meditans fato cesserit, repertus est scriptor, qui satis aperuerit, quantum Medicinæ inservire possint (Et certe plurimum possunt) rationes ex Anatomix fontibus depromptæ: neque ingens illa Remediorum sylva ita disposita est atque distincta, ut non medicum aliquando implicitum teneat, ipsaque in medendo officiat suppellectilis medicæ copia. Quam multi cum ita uberem viderint, Et semel hisce medicamentorum formulis sese satis instruxerint, protinus ad morbi genus omne pellendum sibi videntur idonei accedere: cum tamen longe aliud sit in materia medica exercitatum esse, aliud mederi.

Quantum interim Veteres artis nostræ Auctores in scribendo excelluerint, baud alias clarius patet, quàm ex his, quos quasi munusculum aliquod ad Tejam mitto, Epidemiorum libris: in quibus presse licet, ita plene explicatur Februm Historia, ut sint qui, brevi hoc commentariolo paululum immutato inque diffusius volumen traducto, magnum sibi nomen quæsi verint: ita tamen pure atque luculenter, ut nihil hic affectatum, nihil abstrusum, nihil à communi sensu longius remotum invenias. Scripsit nimirum Hippocrates non inani famæ inbians, sed humani generis utilitati consulens: non tam eum ut admirentur legentes, quàm ut intelligant. Tantum absuit ab obscura multorum diligentia, ut scriptor ille simplicitatis amantiſſimus, quæ ad

signa februm curationemque pertinent satis habens edifferere, de morbi causis, quæ fortasse nos latent latebuntque semper, ne verbum quidem fecerit. Itaque sermone eleganti admodum atque ad rei naturam appposito (quamvis contracto plurimum ac conciso) usus, variam Cæli temperiem exposuit, februmque tum diversitatem & multiplicem seriem, tum quendam inter se nexum & quasi conspirationem notavit; deinde vias quibus eæ abigi solent, recensuit; ultimo in loco, ut melius dirigi posset medentis iudicium, ægrotantium historias subjunxit. Observationes\* quidem particulares in lucem datas non ita magnam, se iudice, afferre utilitatem existimat Sydenhamus: quam tamen sententiam à Te ita parum probari scio, ut facile animadvertas consummatam illam & fixam medendi methodum, pro quo ille tantopere contendit, ex hac ipsa casuum, ut ajunt, Singularium accurata consideratione fuisse constructam. Certe ægrotantium Historiæ sigillatim enarratæ, si cum fide & iudicio pertractentur, id commodi habent, ut minutissima quæque morbi discrimina, quibus inter noscendi maxime perspicitur medici acumen, ob oculos nobis dilucide ponant, certamque medendi rationem quasi digito commonstrent. Has summa arte designavit Hippocrates; & iis tantum, in quibus totius rei cardo vertebatur,

im-

\* Præf. Morb. Acut.



*immutatus, morbi formam & lineamenta in aegroto quolibet iis coloribus expressit, ut, quamquam ipse de curandi via conticescat, qualis demum ea debeat esse via, intelligenti haud difficiliter appareat.*

*Vides, ut simplex omnino ac perspicua sit illa, quam Hippocrates secutus est, scribendi ratio: perpendamus paululum, quam demum tenuerint, qui se omnem de febribus doctrinam expolivisse jactitant, Recentiores. Quorum hoc esse vitium commune advertis, quod ita suo ingenio indulgent; ita commentitiam quandam philosophiam sectantur, ut ad quamcumque sunt Hypothesin quasi tempestate delati, ad eam tanquam ad saxum adhærescant; ad eam tum Signorum omnium tum Remediorum rationem detorqueant. Itaque apud eos causam Febrium deductam legimus, ab humorum putredine; ab Archæi accensione; à sanguinis Fermentatione, ebullitione, effervescentia; à sulphuris & nitri incendio; à turbatâ sanguinis mixtione, & spirituum ἀταξία; à succi Pancreatici acore; à globulis rubris in motum excitatis; à spirituum vitalium expansione; à miasmate quodam deleterio, quod spiritus animales contaminat, inque eorum Systemate delitescit. Horum ego nihil quicquam me intelligere posse planè profiteor, neque Tu credo intelligis. Etiam ipse Sydenhamus, Vir in Philosophando perperus, dum rebus se philo-*

*philosophicis immiscet, in quandam quasi obscuritatis latebram delapsus esse videtur; neque enim satis assequor, quid illa velint, maligna aura, humorum despumatio, sanguinis commotio ob materiam quandam Heterogeneam, succorum specifica exaltatio, sive specificatio, neque fortasse ipse assecutus est. At, inquis, condonanda est hæc in Causis febrium tradendis obscuritas, de quibus forte nulla ratio institui potest, nisi commentitia & obscura. Fateor; neque suas iis Hypotheses inviderem, modò intra hos limites consisterent, & in curatione morborum explicanda sibi temperarent. Sed in hac etiam re similiter peccant; itaque si, quonam modo tractari oporteat febres, quæ siveris, hæc oraculorum more prolata reportabis; mineram morbi esse eradicandam; confusionem Archæi esse sedandam, quod unice facit Mercurius Diaphoreticus; deflagrationem rite esse peragendam, suppressendam flammam, sulphur extinguendum, in quod quidem præ cæteris valet Diaceltateßon: particulas salino-sulphureas sudoriferis excutiendas esse; Aciditatem medicamentis Aromaticis saleque volatili præditis corrigendam; Vapores noxios, quibus spiritus suffocantur, eliminandos; Antidotum fermento venenato, pro varia veneni indole, esse adhibendum. Vellem, qui Febrium originem Microscopiis dete-*  
xit,



xit, curationem aliquando oculis subjiceret. Indignor fere hisce fabulis, seu potius ineptiis enumerandis immorari: vides certe, Vir optime, tecumque omnes, qui quidem sapiunt, facile sentiunt, quem exitum habitura sit eorum de Febris aut explicantis, aut sanandis commentatio, qui ita in ipso limine delirant.

Pergant hi Novatores ab antiquorum vestigiis abhorreere, seque majorem inventionis & ingenii gloriam habituros putent, si vetustatem contemnere, & cum oratore Antonio ne nosse quidem Græcos videantur. Nos eorum castra, quorum sub signis Tirones militavimus, ne te mere deferamus; præsertim cum majorum nostrorum, qui in hac Iulula inclaruerint, Medicorum omnium ubicunque terrarum & gentium celeberrimorum memoriam recolamus. Horum enim ut erat quisque suæ artis scientissimus, ita maxime solebat Veterum exemplaria respicere, & sese ad eorum tum medendi tum scribendi normam diligentius conformare. Hinc ex ævi sui obscuritate emerferunt, quasi nova orbis nostri lamina, Linacrus & Cajus; qui, Græcis & Latinis literis eruditi, ad perlegenda Veterum monumenta viam nobis aperuerunt, artemque Medicam jacentem tum & prope intermortuam instauraverunt denuo, & scriptis illustrarunt. Id Galeno, rem Anatomicam tractanti, debet Harveus, id Hippocrati,

Fe-

Febrium Historiam *explicanti*, Sydenhamus, quòd, dum ab illo descriptas corporis humani partes percurrimus, eas oculis ipsis usurpare; dum ab hoc enarratos morborum processus legimus, ipsis ægrotis præsentibus assidere videamur. Eadem etiam & nobis tenenda est via, si antecessorum exemplis adjuti atque accensi, aut famæ nostræ, aut nostratium saluti consulere avemus.

Quare Tu, Vir Integerrime ac Doctissime, qui apud Academicos multa jamdiu cum laude versaris, ab iisque meritò coleris, pro eâ, qua vales, gratia atque authoritate, Juvenes & Medicinæ & Tui studiosos hortabere, ne, ut fieri solet, ad ediscendum grande aliquod & universale rei Medicæ corpus præpropere sese applicent, sed Artis suæ magistris optimis & principibus statim assuescant; nec prius sitim suam rivis expleri sinant, quàm fontes ipsos degustaverint. His adjumentis instructi Academici, magnum olim ornamentum nostro apud Londinenses Collegio allaturi sunt. In quo id jam à Præside eruditissimo & celeberrimis Sociis strenue agitur, ut recalescere possint antiquæ laudis studia, & suus utilissimæ scientiæ honos constare. Dum hæc præclara meditantur Viri, in omni doctrinæ genere exercitati, eorum consiliis haudquaquam obesse videor, si possim forte meis hisce conatibus ad eadem studia Juniorum animos commovere. Tu, Ami-



*Amice Charissime, inceptis meis, ut soles, fa-  
vebis, eaque, ut potes, plurimum adjuvabis,  
& Hippocratis & humaniorum literarum,  
&, si id adficere liceat, mei, ut & ego vicis-  
sim Tui, amantissimus.*

*Hæc ego, occupatior paulò quàm par est ei  
qui legentibus satisfacere velit, fortasse sp. ipsi.  
Si cui interim ad rem Medicam usui futura  
sint, hoc quicquid erit commodi inde profectum  
esse lubens agnoscam, quò l. intra Aed. s. Chri-  
sti parietes, domestica lectus exempla, Vete-  
rum scriptis perlegendis tempus maxime impen-  
derim: studiorumque rationem, quam jam  
optimam esse expertus didici, feliciter à primis  
tenuerim. Quare id temporis, quod in illa  
politioris literaturæ arce Tecum una suavissime  
traduxi, nunquam sine voluptate maxima in  
memoriam revoco. Quam cogitationem & Tibi  
esse scio pariter jucundam, licet istis à mœni-  
bus propius cùm absis, hanc oblectandi animi  
viam minus requiras.*

*Jamque vale, & Matris serva  
communis amorem.*

Dabam Cal.  
Dec. 1716.

Librum

**L**ibrum hunc cui Titulus, HIPPOCRATIS de Morbis Popularibus Liber Primus, & Tertius, cum Novem Commentariis: dignissimum censemus qui in publicum prodeat.

JOHANNES BATEMAN,

Præses.

RICHARDUS BLACKMORE,  
GUIL. GIBBONS,  
SALUSBURY CADE,  
RICHARDUS MEAD,

} Censores.

Datum ex Ædibus Collegii  
nostri Decemb. 7<sup>mo</sup>  
1716.

H I P-



## HIPPOCRATIS

DE

MORBIS VULGARIBUS  
LIBER PRIMUS.

## SECTIO PRIMA.

*Status Primus.*

i. **I**N Thaso ad autumnum, circiter Æquinoctium & sub Vergiliarum occasum, pluviae multae, continentes, & leves fuerunt, non secus ac spirantibus austris. Hyems austrina, quae flatus aquilonares parvos, & justo majores siccitates habuit: atque etiam in totum veri similis fuit. Ver autem austrinum, frigidum, parvas habens pluvias. Aestas ut plurimum nubila, in qua ab imbribus cessatio fuit. Anniversarii venti, (qui Etesiae dicuntur) parum, tenuiter, disjunctim, segregatimque spiravere. Existente igitur toto nos ambientis aeris statu austrino & ad magnas siccitates vergente, ante ver quidem quod superior status subcontrarius & aquilonius factus fuerit, paucis febres ardentes contigerunt,

runt, eæque valde mites & facillimè consistentes, quæ neque sanguinis ex naribus profusionem nisi paucis, neque mortem attulerunt. Multis verò aurium tumores subnascebantur, qui in alteram partem vergebant, plerisque etiam in utramque, iisque febre vacuis & in erectum stantibus nec decumbentibus, etsi nonnullis paulisper incallescere. Omnibus absque noxâ extincti sunt, neque cuiquam, verut ii, qui alias sui ortus causas habent, suppurationem fecerunt. Horum autem ea fuit natura, ut molles & laxi essent, magni, diffusi aut sparsi, sine inflammatione & dolore, omnibusque sensim & sine ullâ significatione evanescerent. Fiebant ista quidem adolescentibus, juvenibus, ætate florentibus, atque horum plurimis, qui in palæstrâ & gymnasiis exercebantur; mulieribus verò paucis contingebant. Multis tussis aridæ & inanes, quibus cum tussi nihil educebatur, nec ita multò post voces raucescebant. Quibusdam verò ex temporis intervallo inflammationes cum dolore in alterum testem erumpebant, quibusdam etiam in utrosque. Alii quidem febribus corripiebantur, nonnulli verò sine febre persistebant. Atque adeò hæc ipsa plurimis gravia & molesta fuere. De reliquo autem quod ad ea attinet, quæ ad Chirurgiam spectant, in his inculpatè habebant.



2. Ante verò æstatis initium, & per ipsam æstatem, atque etiam ad hyemem, eorum multi, qui jam longo intervallo consumpti erant, tabefacti decubuerunt, siquidem & multis de tabe in dubium venientibus, ipsa tunc est confirmata. Est ubi etiam eos, qui naturâ erant ad tabem promptè comparatâ, tum primùm occupavit. Ex his multi atque etiam plurimi interierunt. Atque haut scio, si quis ex decumbentibus etiam modico tempore superfuit. Celerius verò interierunt, quàm talia transigi soleant, præsertim cùm alios & diuturniores & cum febribus conjunctos pertulerunt, nec interierunt, de quibus paulò pòst scribetur. Solus namque & eorum, qui tunc viguerunt, maximus Morbus, multos tabes ipsa peremit.

3. Eorum autem plurimis hujusmodi affectus aderant, febres horroris sensu insignes, assiduæ & acutæ, in totum quidem non desinentes, sed quæ erant ex semiter-tianarum genere, uno die leviores, altero verò insuper ingravescentes, omninoque vehementius incrementum. Sudores autem perpetui, non tamen per totum corpus diffusi, extremorum refrigeratio multa, quæ vix quidem incalescebant. Alvi conturbatæ biliosa, pauca, sincera, tenuia, mordacia egresserunt, crebroque assurrexerunt. Urinæ

tenues, crudæ, decolores atque paucae, aut crassitudinem & paucum quod desideret habentes, neque probè consistentes, sed in quibus ea, quæ subsidebant, cruda & intempestiva erant. Tussiendo verò pauca, densa, concocta rejiciebant, & quæ paulatim, ac non nisi ægrè educerentur. Qui autem violentissimè conflictabantur, iis ne parva quidem concoctio adfuit, sed perpetuò cruda expuebant. Horum etiam plurimis fauces statim & ad extremum usque rubore & inflammatione affectæ doluerunt, fluxionibusque parvis, tenuibus & acribus tentati, cito consumpti maleque vexati sunt, perpetuò cibos omnes averfabantur, neque siti capiebantur, multique circa mortem delirabant. Atque ista quidem tabidis contigerunt.

4. Jam verò ad æstatem & autumnum febres multæ, assiduæ, neque violentæ prehendebant, istaque diu laborantibus, non his, qui cætera molestè habebant, contigerunt. Alvi plurimis valde placidè conturbatæ sunt, nihilque effatu dignæ noxiæ attulerunt; urinæque plurimis boni quidem coloris & puræ aderant, sed tenues, & quæ tandem judicationis tempore concoquebantur. Hi non admodum tussiculosi erant, neque ea quæ tussi rejiciuntur negotium exhibebant, neque cibum non averfa-

bantur



bantur modò, verum etiam exhibendi illius facilem faciebant copiam. In summâ igitur, afficiebantur qui tabescebant, non quomodo cæteri tabidi solent; sed febribus cum horroris sensu correpti parum insudabant, interdum alii vagas quodammodo & errabundas accessiones habebant, neque in totum febres desinebant, sed quæ in speciem tertianarum insultus facerent. Inter eos autem, quibus erant brevissimi morbi, ii ad vigesimum diem judicatione solvebantur; plerisque verò ad quadragesimum, nonnullis etiam ad octogesimum. Est ubi ne sic quidem, sed errabundè & nullâ observatâ judicatione quibusdam desinerent. Horum quoque plurimis, quæ non longo post intervallo remiserant febres reversiones fecerunt, iisdemque dierum ambitibus post ipsas reversiones judicabantur, earumque nonnullæ ægros ita produxerunt, ut sub hyemem affligerentur. Ex his autem omnibus, qui in hac status conditione descripti sunt, solis tabidis lethalia contigerunt; in aliis verò febribus nequaquam obvenere.

## SECTIO SECUNDA.

### *Status Secundus.*

5. **A**NTE Autumnum in Thaso tempestates non tempestivæ, sed cum multis

austris & aquilonibus repentinæ & humidæ prorupêre. Taliaque ad Vergiliarum occasum usque, sub Vergiliis ipsas extitere. Hyems autem aquilonia, aquæ multæ, vehementes, magnæ, nives, hisque intermixta ut plurimum aeris serenitas. Atque ista omnia contingebant, nec certè admodum inopportuna erant frigora. Jam verò post brumale solstitium, eoque tempore quo spirare incipit Favonius, extremæ hyemis frigora magna fuere, aquilones multi, nives & pluvix continenter multæ, cœlumque cum ventorum turbine nimbosum & nubilum, eaque ipsa non remiserunt, sed se ad æquinoctium extenderrunt. Ver autem frigidum, aquilonium, pluviosum nubilumque, neque admodum æstuans æstas fuit. Ventianniversarii continenter spiravêre, statimque ad Arcturum perflantibus Aquilonibus aquæ admodum multæ. Existente igitur anno toto humido, frigido & aquilonio, ad hyemem quidem ut plurimum bene valuerunt, ante ver autem plerique omnes molestè & graviter vitam traduxerunt.

6. Primùm itaque lippitudines fluentes, cum dolore, humentes & crudæ obortæ sunt, fordes in oculis concretæ (quas lemiæ vocant) parvæ, nec sine difficultate multis erumpebant, quæ cùm plurimis revertissent, tandem ad autumnum reliquerunt.

Jam



Jam verò per æstatem & autumnum, ex intestinorum lævitate & torminibus, continuâque & inani egerendi cupiditate laborarunt, alvique fluidæ, biliosa, tenuia multa cruda & mordacia, nonnunquam etiam aquosa dejecerunt. Plerisque etiam circumflui non sine dolore humorum affluxus contingere, biliosi, aquosi, strigmentosi, purulenti, & qui urinæ difficultatem facerent, non ex proprio aliquo renum vitio, sed quod istis alia in aliorum vicem succederent. Vomitiones pituitosæ, biliosæ, & crudorum ciborum eductiones, ac sudores aderant, atque omnibus undiquaque difflebat humiditas multa. Multis autem hæc fiebant, qui erecti & stantes à febribus erant vacui, plerisque etiam febre correptis, de quibus mox scribetur. In quibus verò descripta omnia deprehendebantur, ii non sine labore tabidi evadebant. Jam quidem ad autumnum & sub hyemem febres erant assidue, atque eorum paucis quibusdam ardentes, diurnæ, nocturnæ, semitertianæ, tertianæ exquisitæ, quartanæ, erraticæ.

7. Atque enumeratarum febrium singulæ multis oboriebantur, ardentes verò omnino paucis, iique ex ægrotantibus minimum laborarunt. Nam neque sanguis ex naribus nisi paucus admodum, iisque paucis profluxit, neque delirârunt, cæteraque om-

nia placidè tulere. Horum plurimis bene admodum constituto & composito judicationis ordine, febris ardens cum intermissione in septendecim diebus solvebatur, atque haud scio an quisquam tunc ex hac ipsa interierit, aut ad phrenitim devenerit. At verò tertianæ plures quidem quam ardentes & laboriosiores fuerunt, atque in his omnibus rite & ordine à primo insultu ad quater-nos circuitus processere, in septem verò absolutè judicabantur, neque horum cuiquam reverterunt. Quartanæ autem multis per initia certo & rato quartanæ tenore cœperunt, quibusdam verò non paucis ex aliis febribus & morbis secessus in quartanas fiebant, longæque his pro consuetudine, atque etiam interdum longiores contingebant. Sed & quotidianæ nocturnæque & errantes multæ diuque plerisque perseveravere, tum erectis, tum decumbentibus; horumque plurimos febres sub Vergilias & in hyemem usque comitabantur. Multos autem statim ab initio præcipueque pueros convulsiones cum febre tentabant, quæ etiam febribus succedebant, erantque hæc plurimis diuturna quidem, innoxia tamen, nisi si quibus cætera omnia perniciem adferrent.

8. At verò continuæ quidem omnino febres erant nihilque intermittebant, sed omnes invadebant earum febrium more, quæ  
ad



ad tertianarum naturam propius accederent; uno quidem die leviores, altero verò vehementiores, omnium quæ tunc contingerent violentissimæ, longissimæ & laboriosissimæ; per initia leves & in totum perpetuò incrementis diebus judicatoriis insultus habebant, & in deterius procedebant. Quæ etiam cum parvam allevassent, celeriter rursus ex intermissione vehementiùs invadebant, & diebus judicatoriis magnâ ex parte deterius affligebant. In his omnibus rigores incompositè & errabundè contingebant, paucissimi-que & minimi, verùm in cæteris febribus majores, ut & sudores multi, his verò perpauci nihilque allevantes, sed contra noxiam afferentes. His magna extremorum perfri-ctio, quæ vix etiam recalescerent. Neque penitus pervigiles erant, maximè verò hi etiam vicissim sopore gravabantur. Alvi omnibus quidem conturbatæ erant malèque affectæ, istis verò multò pessimè. Horum autem plurimis urinæ aut tenues erant crudæque & decolores, aliquantoque post intervallo nonnihil concoctæ, non sine judicatoriis signis, aut crassitudine quidem præditæ, verùm turbidæ, nihil consistentes aut subsidentes, neque concoctæ, aut paucæ, vitiosæ, crudæ, subsidentes, & in summâ pessimæ omnes. Tussis quidem febres comitabantur, sed neque quam utilitatem aut

noxiam tunc tussis attulerit, licet scribere. Diuturna itaque & difficilia hæc erant, valdeque incompositè & errabundè atque citra solutionem horum plurima, tum his qui exitialiter valdè, tum his qui nequaquam ita se haberent, permanebant. Si quibus enim aliquantulum intermitterent, in iis celeriter reversiones faciebant. Est ubi quibusdam iisque paucis, ad octogesimum diem cum brevissimè judicatione solverentur, nonnullis repeterent, ut etiam in hyemem eorum plurimi ægrotarent. Plerosque verò omnes absque judicatione deserebant. Hæc autem tum his qui superstites erant, tum iis qui moriebantur ex æquo contigerunt.

9. Cumque multa eaque varia esset in morbis judicationis cessatio, maximum sanè & pessimum signum plerosque omnes ad extremum usque profecutum est, quod cibos omnes averfarentur, iique maximè qui cætera quoque exitialiter haberent. In his verò febribus non admodum inopportune siticulosi erant. Longo autem progressu temporis, cum & labores multi malaque corporis extenuatio fieret, his humorum secessus aut viribus superiores, aut minores quam ut prodesse quicquam, succedebant, sed qui confestim intrò recurrerent & in deterius contenderent. Atque his aderant intestinorum tormina, crebræ & inanes egerendi



rendi cupidines , intestinorum lævores & alvi fluentes, nonnullis etiam aqua intercutem cum ejusmodi enumeratis calibus, aut sine his contingebat: Stomachi fastidia. Ex his verò quicquid violenter urgebat, aut statim è medio tollebat, aut prorsus nihil conferebat. Papulæ parvæ, quæ nec satis pro dignitate morborum excretioni respondebant, sed contrà celeriter disparebant, aut aurium tumores oboriebantur qui sensim, & sine ullâ significatione evanescebant. Nonnullis ad articulos præcipueque ad coxendicem decumbebant, paucis decretoriè desinebant, sed celeriter rursus pristinum habitum assequebantur.

10. Ex quovis autem hominum genere interibant quidem, atque ex his plurimi pueri jam à lacte depulsi, iique quibus ætas paulum processerat, octennes aut decennes, nec dum etiam puberes. Atque ista quidem his non sine superiùs descriptis, multis verò superiora absque his contingebant. Quibus autem ad urinæ difficultatem res tota se converterat, in eamque humorum secessus fierent, iis hoc unum utile omniumque efficacissimum signum fuit, quod etiam plerosque omnes ab imminente maximo discrimine vindicavit. Accidit verò plurimis urinæ difficultatem potissimumque his ætatibus fieri, itemque aliis multis, qui etiam in morbis  
erecti

erecti obambulabant. Hic quoque subita quædam & magna omnium mutatio aderat. Alvus namque si contigisset fusas fuisse, cæ confestim pessimè cogeantur, & ad omnes cibos alacres erant, posteaque placidæ febres tentabant. Verùm quæ ad urinæ difficultatem spectabant, ea his diuturna & molesta fuere, urinæque copiosæ, crassæ, & variantes & rubræ, partimque cum dolore purulentæ. Atque hi omnes superstites evasere, neque eorum quenquam interiisse cognovi.

II. In quibus verò casibus nullum periculum suspectum est, eorum quæ exeunt maturaciones omnes, num undique tempestivè procedant, considerandæ sunt. In quibus etiam num abscessus bono sint, aut cum judicatione fiant videndum est. Concoctiones judicationem brevi fore, & certam salubritatem portendunt. Cruda verò & incocta, quæque in malos abscessus vertunt, aut judicationis cessationem, aut dolorem, aut diuturnitatem, aut mortem, aut eorundem reversiones significant. Horum autem quodcunque maximè futurum sit, ex aliis considerandum. Summâ curâ anniti oportet, ut præterita enarres, præsentia cognoscas, & futura prædicas. Duoque ista elaboranda sunt, ut in morbis commodes, aut ne quid offendas. Artem tria  
ista

ista circumscribunt, morbus, æger, & medicus, qui artis est administer, ægrumque oportet unà cum medico morbo relictari.

12. Capitis & cervicis dolores & gravitates si febres comitentur, aut sine iis accendant, phrenitide quidem laborantibus ad convulsionem definunt, præsertim ubi æruginosa vomitione refuderint: Sed & eorum nonnulli celeriter intereunt. Qui febribus ardentibus aliisve conflictantur cum cervicis dolore & temporum gravitate, si tenebriosa caligo oculis obversatur, præcordiorumque contentio sine doloris sensu affuerit, iis sanguis è naribus profunditur. Qui verò toto capite gravitatem sentiunt, cum oris ventriculi morfu, & stomachi fastidio, iibiliosa & pituitosa vomitione rejiciunt. Quibus in casibus plerumque pueris convulsionem maximè fiunt. Eadem etiam mulieribus contingunt, prætereaque obscœnorum locorum dolores. Grandioribus autem natu, & quos jam calor defecit, partium resolutiones, aut insanix, aut cæcitates.

### *Status Tertius.*

13. **P**Aulò ante Arcturum, sub ipsoque Arcturo, imbres copiosi & magni spirantibus Aquilonibus in Thaso fuerunt. Circa



Circa Æquinoctium autem & ad Vergilias usque, parvæ & modicæ pluviae austrinæ. Hyems aquilonibus perflata julto majores siccitates, frigidos ventos, & magnas nives habuit. Ad æquinoctium autem maxima frigora. Ver aquilonium, exsuperantes siccitates, modicæ pluviae & frigida. Circa æstivum solstitium aquæ paucae, frigora magna ad Canem usque. Post Canem verò ad Arcturum usque, per calidam æstatem æstus magni, qui non per intervala aut sensim fierent, sed tum perpetui, tum vehementes. Non pluebat, anniversarii venti spiravere. Ad Arcturum autem pluviae austrinæ ad æquinoctium usque. In hac temporis conditione ad hyemem partium resolutiones cœperunt multosque invaserunt, ex quibus nonnulli celeriter interierunt, mirè quippè vulgariter grassabatur hic morbus, cætera verò integrè degebant. Febres autem ardentes ante ver cœperunt, & ad æquinoctium usque & ad æstatem perseveraverunt. Quos itaque statim sub ipsa veris & æstatis primordia morbus invasit, plerique omnes superstites evaserunt, paucique interierunt. Cùm verò autumnus esset pluviaeque impeterent, lethales erant, pluresque peribant.

14. Inerant verò in febribus ardentibus affectiones hujusmodi, ut qui benè & largiter

ter sanguinem è naribus profudissent, ii vel ex eo maximè servari viderentur, neque ullum, cui modò sanguis bene profluxisset, hoc in statu mortuum videre licuit. Philiscus siquidem & Epaminon ac Silenus, quòd his quarto die & quinto de naribus parùm stillaverit, mortem obierunt. Plerique igitur omnes ægri appetente judicatione rigore corripiebantur, iique potissimùm qui sanguinem è naribus non protudissent, atque hi insuper novo suborto rigore exsudarunt. Quosdam etiam sexto die morbus regius prehendit, verùm istos per vesicam expurgatio, aut commota alvus, aut larga sanguinis è naribus profusio sublevavit, quale quid Heraclidæ, qui apud Aristocyden decumbebat, contigit, quippe qui largum è naribus sanguinem profudit, & alvum conturbatam habuit, & per vesicam perpuratus est. Vigesimo autem die judicatione est liberatus, non quomodò Phanagoræ famulus, qui, cùm ipsi nihil horum quicquam evenisset, periit. Plurimis sanguis è naribus erumpebat, præcipuè tamen adolescentibus & ætate florentibus, atque eorum bona pars periit, qui sanguinem è naribus non profuderunt. Ætate autem provectioribus, res sese in morbum arquatum vertebat, aut iis alvi commotæ, aut intestinorum difficultates aderant, quale quid Bio-

Bioni, qui ad Silenum decumbebat, contigit. Æstate etiam intestinorum difficultates populariter vagatæ sunt, & quidam eorum qui morbis conflictabantur, quibus etiam sanguis è naribus eruperat, hunc exitum habuerunt, ut in difficultatem intestinorum inciderent, quale quid Eratonis puero & Myllo accidit, qui post multam sanguinis è naribus profusionem, in difficultatem intestinorum delapsi sunt & periculo exempti.

15. Copiosus igitur præcipueque hic humor fluitabat. Siquidem nonnullis impendente judicatione sanguis è naribus non profluxit, sed ad aures enati tumores disparuerunt. Quibus evanescentibus ad sinistri lateris inanitatem summamque coxendicem gravitas decubuit, doloribusque post judicationem abortis, atque urinis tenuibus prodeuntibus, paucum è naribus sanguinem profundere cœperunt. Ac circiter quartum & vigesimum diem Antiphonti Critobuli filio, humores in sanguinis è naribus profluvium secesserunt, quod ubi desiit, integro circa quadragesimum diem iudicio est absolutus. Mulieres præterea multæ ægrotarunt, minùs tamen quam viri, nec ita multæ obierunt. Plurimæ autem difficulter partum ediderunt, atque à partu insuper laborarunt, ipsæque potissimum obierunt, non secus



fecus ac Telebuli filia, quæ sexto à partu die interiit. In febribus itaque plurimis menses apparuerunt, nonnullis etiam sanguis ex naribus profluxit, multisque virginibus id tum primùm contigit. Est ubi etiam sanguis è naribus, quibusdam verò menstruæ purgationes erumperent, quale quid in Dai-tharlis filiâ virgine tum primùm apparuit, cum largâ sanguinis è naribus profusione. Atque haud scio, quibus horum quicquam rite evenerit, an ex iis quæquam perierit. In quas verò prægnantes morbus forte incidit, hæ omnes, quod sciam, abortionibus periclitatæ sunt. Plurimis verò urinæ bene quidem coloratæ, tenues autem & pauca habentes subsidia, cum dejectionibus tenuibus & biliosis. Plerisque verò alioqui judicatis, morbus in intestinorum tormina desiit, quale quid Xenophani, & Critiæ accidit. Urinæ etiam quibusdam dilutæ, multæ, liquidæ, tenues post judicationem fuerunt, in quibus cùm reliqua etiam probè judicata forent, multa subsedere. Atque hoc quidem recensere æquum videtur, in quibus fuere: Bion qui apud Silenum decumbebat, Cratia quæ cum Xenophane versabatur, Aretonis puer, & Mnesistrati uxor. Qui omnes postea in difficultatem intestinorum delapsi sunt. An verò idcirco id contigerit, quòd urinæ

dilutæ prodierunt, animadversione dignum est.

16. Multi circa Arcturum undecimo die judicatione absoluti sunt, neque his, quæ ob justam causam fieri solent morborum reversiones, recurrerunt. Sub hoc tempus autem sopore opprimebantur, atqui inter hos plures pueri, qui omnium vel maximè morte exempti sunt. Ad æquinoctium verò & ad Vergilias usque, & sub hyemem, febres ardentes accidebant. Quinetiam tunc plurimi perpetuò cum febribus delirio corripiebantur, atque ex his plerique omnes moriebantur, æstate autem pauci tales evadebant. Invadentes itaque febres ardentes, quibus præsens immineret pernicies, satis indicabant. Nempè statim ab initio febris acuta cum modico insuper rigore prehendebat, vigiles erant, impotentes animi, siti-bundi, æstuatione & corporis incontinenti jactatione conflictabantur, cum parvo tenuique sudore circa frontem & claviculas oborto, nullo tamen per totum corpus diffuso, multum deliri erant, timore & omni mœrore confecti, ac velut animum despondentes, extrema paulatim frigus concipiebant, pedes summi, maximeque manuum summitates, diebus paribus accessiones contingebant. Plerisque verò omnibus maximi labores die quarto aderant, sudoresque longissimè

gissimè subfrigidi nec extrema ampliùs recalescebant, sed livida & frigida permanebant, neque ampliùs succiebant. Urinæ his erant nigræ, tenues & paucæ, alvique resistenterunt, ac ne his quidem, quibus hæc acciderent, sanguis è naribus profluxit, sed paucus stillavit, neque horum cuiquam res ad recidivam devenit, verùm sexto die cum sudore perierunt. Phreniticis autem contigerunt quidem descripta non omnia, sed his terè undecimo die, quibusdam etiam vigesimo, judicatione solvebantur. Quos statim ab initio circa tertium aut quartum diem phrenitis non prehenderat, sed primo tempore moderate se habebant, iis circa septimum diem morbus ad vehementiam devenit.

17. Magnus itaque fuit morborum numerus, atque ex ægris præcipuè interibant adolescentes, juvenes, ætate florentes, qui-que erant glabro corpore, cute subalbidâ. extenso & nigro capillitio, & nigris oculis, otiosè & segniter vitam degentes, voce altâ, exili, asperâ, balbi, iræ præcipitis & acerbæ, plurimæque hujusce generis mulieres peribant. At verò hoc in statu ex quatuor maximè signis servabantur ii, quibus aut ex naribus bene sanguis profluxisset; aut urina multa, in quâ quod desidebat copiosum & laudabile erat, per vesicam processisset;



quique aut per alvum turbulenta, biliosa, tempestivè demitterent; aut in difficultatem intestinorum delaberentur. Multisque usu venit ut non ab uno ex descriptis signis judicarentur, sed ut plurimi per omnia percurrerent, & graviùs habere viderentur. Sed hi omnes, quibus ista contingerent, incolumes evaserunt. Mulieribus item & virgunculis evenerunt paulò antè memorata signa omnia. Decernebat autem, si quibus aut horum quippiam optimè fieret, aut liberaliter muliebria apparerent, nullaque (quod sciam) ex his quibus horum quid optimè factum esset, interiit. Philonis namque filia, cùm liberaliter ex naribus sanguis effluxisset, quòd septimo die intempestiviùs cœnâisset, mortem obiit.

18. Quibus invitis per febres acutas atque adeò ardentes lachrymæ effluunt, in his, dum cætera exitialiter non se habeant, sanguinis ex naribus profluvium expectandum est. In his siquidem, qui malè habent, non sanguinis eruptionem, verùm mortem portendunt. Quibus febre judicatoriè desinente, tumores ad aures in febribus cum dolore suborti, neque conquiescunt, neque suppurantur, eos, biliosum alvi profluvium, aut intestinorum difficultas, aut quod in urinis crassis subsidet, liberat, quale quid Hermippo Clazomenio evenit.

Quod

Quod verò ad judicia attinet, ea, ut satis perspicere licet, aut sunt inter se similia aut dissimilia. Velut in duobus fratribus apparuit, qui ad theatrum Epigenis habitabant, quibus, cum eadem simul horâ morbus coepisset, ætate provectiori sexto die, juniore verò septimo decrevit; reversus utrique eadem simul horâ, dies quinque intermisit, atque ex reversione uterque simul in totum die decimo septimo est judicatione liberatus. Plurimis autem quinto die decrevit, septem intermisit & post reditum die quinto judicatio facta est. Quibusdam etiam septimo die decrevit, diebus septem intermisit, & ex recidivâ die tertio judicatio facta est. Nonnullis quoque morbus die septimo judicatus est, cumque diebus tribus intermisisset, septimo decrevit. Aliquibus die sexto morbus decrevit, atque ubi dies sex intermisisset, tribus diebusprehendit, quos etiam ubi uno die reliquisset, altero rursusprehendit & judicatus est, quemadmodum Evagonti Daitharsis filio contigit. Aliis sexto die decrevit; septem intermisit, & ex repetitione die quarto judicatus est, quale quid Aglaidæ filiæ usu venit. Plurimi igitur eorum qui tunc ægrotârunt hunc habuerunt morbi tenorem, atque haud scio an eorum cuiquam qui superfuerunt ritè factæ morborum reversiones non recurrerent,

omnesque, quod sciam, servabantur, quibus hoc recidivæ genus contigit, neque hoc modo ægrotantium cuiquam morbum rursus repetivisse memini. Moriebantur autem plurimi ex his morbis sexto die, velut Epaminondas, Silenus, & Philiscus Antagoræ filius.

19. Quibus tubercula ad aures enascebantur, ea die vigesimo decernebant. Sedata autem sunt iis omnibus, quibus non suppurrunt, ad vesicam tamen sese converterunt. Cratistonacti, qui ad Heraclium decumbebat, & Seymni fullonis ancillæ suppurrunt, & perierunt. Nonnullis verò morbus die septimo decrevit, novem intermisit diebus, reversus est, & ex recidivâ quarto die judicatus est. Phanocritus, qui apud Gnathonem pictorem decumbebat, septimo die judicatione est absolutus. Sub hyemem vero circa brumale solstitium ad æquinoctium usque, febres ardentes & phrenitides perdurabant, multique peribant. Judicationes tamen variè ceciderunt, plurimisque quinto ab initio die morbus decrevit, quarto intermisit, repetiit, & ex recidivâ quinto die judicatio facta est, omnino diebus quatuordecim. Atque hunc in modum pueris plurimis, quinetiam natu grandioribus, judicatio facta est. Nonnullis verò undecimo die morbus decrevit, decimo



mo quarto repetiit, perfectéque vigesimo judicatus est. Quòd si qui vigesimo novo insuper rigore corripenterentur, iis quadragesimo die morbus decrevit. Plerique autem omnes sub primam judicationem denuo rigebant. Quinetiam quidam per exordia sub iudicium ipsum novo rigore correpti, adhuc in iplis morborum reversionibus unà cum judicatione riguerunt. Vere autem rigebant omnino pauci, æstate plures, per autumnum adhuc plures, sub hyemem longè plurimi. At sanguinis è naribus profluvia cessarunt.

## SECTIO TERTIA.

20. **Q**Uænam in his, quæ ad morbos spectant, dignotio facienda sit facile discemus, ex communi omnium & cujusque propriâ naturâ, ex morbo & ægroto, ex his, quæ offeruntur, & eo, qui offert. Nam & ex his melius vel gravius se habent. Præterea ex universali ac particulari aëris conditione, & regionis cujusque, ex consuetudine, victus ratione, vitæ genere, ex cujusque ætate, ægri sermonibus, moribus, silentio, imaginationibus, somnis, vigiliis, ex insomniis, quæ qualia & quando obveniant videndum est, vellicationibus, pruritibus, lachrymis, ex

accessionibus, dejectionibus, urinis, sputis, vomitionibus. Videndæ sunt etiam quæcunque fiunt morborum vicissitudines, & ex quibus in quos succedant, & quinam abscessus perniciem aut solutionem portendant. Sed & sudor, rigor, perfrectio, tussis, ster-  
 nutationes, singultus, spiritus, eructationes, flatus silentes, strepitum cientes, sanguinis eruptiones, ora venarum ex ano sanguinem fundere solita, ( Græci hæmorrhoidas dicunt. ) Atque ex his quæ per hæc contingunt consideranda sunt.

21. Februm hæc quidem sunt continuæ, quæ quidem interdumprehendunt, noctu intermittunt, aut noctuprehendunt, interdum intermittunt. Sunt & semitertianæ, tertianæ, quartanæ, quintanæ, septimanæ & nonanæ. In febre autem continuâ morbi sunt valde præcipites, maximi & gravissimi, præcipuèque lethales. At omnium est tutissima quartana, placidissima & longissima. Non enim solum per se ipsa talis est, verum etiam ab aliis magnis morbis vindicat. In eâ verò quæ semitertiana dicitur, tum morbi acuti accidunt, tum etiam præter cæteras ista præcipuè lethalis est. Quinetiam tabes & quicunque alii morbi longi affligunt, in hac potissimum detinent. Nocturna non admodum lethalis est, longa tamen. Diurna longior, nonnullis autem ad tabem vergit.

git. Septimana longa est, non tamen lethalis. Nonana hâc adhuc longior, sed non lethalis. Tertianæ exacta celerem habet judicationem, neque lethalis est. Quintana autem omnium est pessima. Hæc nempe ante tabem, aut jam contabescantibus ubi supervenerit, perimit.

22. Insunt autem in singulis hisce febribus, tum continuis, tum intermittentibus, formæ, constitutiones, & accessiones hujusmodi. Videlicet quidem continua quibusdam, ubi incepit, floret & viget maximè, & in gravius tendit, circa judicium verò in ipsoque judicio extenuatur. Nonnullis verò leniter ac latenter incipit, increfcit autem in dies exacerbaturque, sed sub judicium in ipsoque judicio abunde emicat. Est ubi ex moderatis initiis augescit & exacerbatur, & simulatque aliquantisper vigorem acceperit, ad judicium usque sub ipsumque judicium rursus se remittit. Atque hæc in omnem febrem, omnemque morbum cadere solent. Ex his autem bene subductâ ratione victum offerre necesse est. Jam quoque multa alia præcipua signa his sunt cognata, de quibus partim aliquando scriptum est, partim verò scribetur. Quæ tecum animo reputanti, perpendendum considerandumque quodnam præceps periculum & mortem portendat, aut quodnam supersti-



tem ægrum fore indicet, & cuinam admo-  
vendus cibus, necne, & quando, & quan-  
tus, & quinam cibus futurus sit.

23. Quæ diebus paribus invasiones ha-  
bent, ea diebus paribus decernunt. Quo-  
rum verò accessiones imparibus diebus fiunt,  
ea imparibus judicantur. Circuitum autem  
qui diebus paribus judicant, primus est de-  
cretorius quartus, sextus, octavus, deci-  
mus, decimus quartus, vigesimus octavus,  
trigesimus, trigesimus quartus, quadrage-  
simus octavus, sexagesimus, octogesimus,  
& centesimus. Circuituum verò qui die-  
bus imparibus judicant, primus est tertius,  
quintus, septimus, nonus, undecimus,  
decimus septimus, primus & vigesimus,  
septimus & vigesimus, & trigesimus primus.  
Considerandum autem est quòd si quid ali-  
ter extra hos præscriptos dies decernat, re-  
cidivas fore perniciemque portendi. Ani-  
mumque advertere & nôsse oportet, his in  
temporibus futuras judicationes ad salutem  
aut perniciem tendere, vel momenta in me-  
lius aut deterius facere. Prætereaque vi-  
dendum est, quibusnam circuitibus febres  
errantes, quartanæ, quintanæ, septimanæ,  
nonanæ, judicationes subeant.

## ÆGROTI QUATUORDECIM.

*Primus.*

24. **P**Hiliscus, qui propter mœnia habitabat, primo die decubuit, eumque febris acutaprehendit, cum sudoribus & nocte laboriosâ. Postridie ingravescentibus omnibus, ex alvi dilutione meliusculè habuit, cum nocte quictâ. Die tertio, mane & ad meridiem usque, liber à febre esse visus est, ad vesperam verò febris acuta invasit cum sudore & siti, lingua inaruit, nigrum lotium reddidit, nox gravis & molesta fuit, non dormivit prorsusque deliravit. Quarto, graviora evaserunt omnia, urinæ nigræ, nox facilior fuit, & urinæ melius coloratæ. Quinto, circa meridiem parum idque sincerum è naribus stillavit, urinæ variæ, in quibus sublimia quædam innatantia rotunda, genitali semini similia, dispersa inerant, neque residebant. Huic suppositâ glande, flatuosa pauca prodierunt, nox gravis fuit, somni parvi, verba cum delirio, extrema undiquaque frigida, quæ nec etiam ad calorem ampliùs revocari poterant, urinam nigram reddidit, aliquantulum dormivit, sub diem vox defecit, sudor frigidus obortus est, summitates livescebant. Die sexto.

sexto circa meridiem obiit. Spiratio huic perpetuò quasi intro revocanti & ingeminanti rara & magna fuit; lien in gibbositatem rotundam sublatus est, & ad finem usque sudores frigidi perseverârunt. Accessiones diebus paribus invaserunt.

## ÆGER SECUNDUS.

25. **S**ilenum, qui in Platamone habitabat, juxta Eualcidis ædes, ex laboribus, computationibus, & exercitationibus intempestivis, ignis, hoc est, febris vehementissima præhendit. Cœpit autem ex lumbis laborare, & capitis gravitate teneri, cum cervicis distensione. Primo die ex alvo biliosa, sincera, spumantia, abunde saturata & affatim colorata multa prodière. Urinæ nigræ, in quibus nigra subsidebant, sitibundus erat, lingua insuper arida, nocte nihil dormivit. Altero die, febris acuta fuit, dejectiones plures, tenuiores, spumantes, urinæ nigræ, nox inquietas & gravis, aliquantulum deliravit. Tertio, omnia graviora evasere, præcordiorum contentio utrimque ad umbilicum promissa, submollis, dejectiones tenues, nigricantes, urinæ turbidæ, nigræ, nox insomnis, verba multa, risus, cantus, continere se non potuit. Quarto, eadem affligebant omnia. Quinto, per alvum



vum secessere sincera, biliosa, lævia, pingua, urinæ tenues, pellucidæ, paulum ad intelligentiam rediit. Sexto, circa caput tenuis & paucus sudor obortus est cum extremorum frigore & livore, multa corporis incontinentia & jactatio, nihil demisit alvus, urinæ reslitterant, febris acuta. Septimo, voce defectus est, corporis summa non amplius ad calorem revocari poterant, nihil minxit. Octavo, sudor frigidus per omnia membra diffusus est, cum pustulis rubentibus, rotundis, parvis, varis non absimilibus, quæ permanebant, neque abscessum faciebant. Alvus verò parum concitata, stercora tenuia, crudis similia, multa non sine labore demisit, urina cum dolore mordax reddebatur, corporis summa paulisper ad calorem reducebantur, somni exigui erant ac veluti sopores, vox defecit, urinæ tenues & perspicuæ. Nono eadem fere omnia. Decimo potum non capiebat, sopore detinebatur, somni autem exigui erant. Ab alvo similia prodibant, minxit affatim subcrassum in matellâ depositum. Quod subsederat, hordei tosti non exactè moliti crassioribus frustulis simile erat, album, summa corporis iterum frigida. Undecimo die, obiit. Huic per exordia ad extremum usque spiratio magna & rara fuit, & continens præcordiorum palpitatione.

pitatio. Ætatis annum agebat ferè vigesimum.

## ÆGER TERTIUS.

26. **H**erophontem febris acutaprehendit, alvus circa initia pauca, & cujusmodi in crebrâ & inani egerendi voluntate solent, demisit, deinde verò tenuia, biliosa & copiosa. Somnum nullum capiebat, urinæ nigrae & terues erant. Quinto die, mane surditas obvenit, exasperata sunt omnia, lien sublatus intumuit, cum præcordiorum contentione, ex alvo pauca & nigra percurrerant, desipuit. Sexto, delirabat, sub noctem sudor obortus est, frigus, delirium perseverabat. Septimo, corporis summa perfrixerunt, siticulosus fuit, deliravit, sub noctem ad mentem rediit, dormivit. Octavo, febricitavit, lien imminuebatur, prorsus ad intelligentiam rediit. Ad inguen doluit, primumque ei tumor subortus est, quâ lieni è directo respondebat, deinde dolor ad utramque tibiâ transiit, nox facilis, urinæ melius coloratæ, in quibus quædam alba subsidebant. Die nono, sudore oborto morbus decrevit, intermisit. Quinto post reversus est die, simulque lien in tumorem sublatus est, febris acuta, rursusque surditas. Tertio post recidivam die imminuebatur

nuebatur lienis tumor, minorque surditas erat, dolor crura invasit, noctu sudore oborto ad decimum septimum diem judicatus est, neque in morbi reversione deliravit.

## ÆGER QUARTUS.

27. **P**hilini uxorem in Thaso, quæ filiam pepererat, cùm ex naturæ præscripto purgationes procederent, cæteraque leviter haberet, decimo quarto post partum die, ignis, hoc est, febris vehementissima, cum rigoreprehendit. Huic circa exordia oris ventriculi dolor contigit & præcordiorum dextrorum, locorum muliebrium dolores, purgatio defecit. Ex subdito autem pefso ista quidem allevata sunt, capitis verò & cervicis lumborumque dolores perseverabant, somni non aderant, extrema frigida, sitibunda erat, alvus adusta pauca demittebat. Urinæ tenues, & per initia decolores. Sexto die ad noctem multum deliravit, rursusque ad intelligentiam rediit. Septimo siticulosa, dejectiones biliosæ, in plenum & affatim coloratæ. Octavo, novo rigore suborto febris acutaprehendit, convulsiones multæ non sine dolore, multum deliravit. Glande subditâ ad desidendum exsurrexit, multaque prodierunt cum bilioso



bilioso affluxu. Somnum capere non poterat. Nono convulsiones, decimo aliquantulum mente constabat, undecimo dormivit, omnia in memoriam subierunt, sed statim rursus deliravit. Convulsa autem urinam confestim multam reddidit, raro ab iis qui assidebant admonita, crassam, albam (quale quid in subsidentibus urinis visitur, quæ longo intervallo in matulâ depositæ & reservatæ returbantur) eaque non subsidebat, sed colore & crassitudine veterini generis urinas referebat. Atque istiusmodi fuerunt urinæ, quas videre licuit. Ad decimum quartum diem totum corpus palpitationes occupârunt, multum loquebatur, aliquantulum mente constabat, sed confestim rursus desipuit. Circa decimum septimum voce defecta est, vigesimo obiit.

## ÆGER QUINTUS.

28. **E** Picratis uxor, quæ apud Archigenen decumbebat, cum jam partus instaret, vehementi rigore correpta est, nec (ut aiebant) incaluit, & posttridie eadem adfuerunt. Tertio die filiam peperit, cæteraque omnia rite atque ordine processerunt. Altero a partu die eam febris acutaprehendit, cum oris ventriculi & locorum muliebrium dolore. Quæ quidem omnia

nia ex subdito pefso allevata funt, fed tum capitis, tum cervicis ac lumborum dolor invafit, neque fomni ulli aderant. Ex alvo pauca, biliofa, tenuia & fincera dimifit, cum urinistenuibus & nigricantibus. Sexto poftquam febris corripuit die, fub noctem deliravit. Septimo, exasperata funt omnia, cum pervigilio defipuit, fitibunda fuit, ex alvo biliofa omnia abundeque colorata fecelferunt. Octavo, rurfus fuborto rigore liberalius quievit. Nono, iisdem perfeverantibus; decimo moleftus crurum rurfusque oris ventriculi dolor invafit cum capitis gravitate & absque delirio, aliquantò plus dormivit, alvus fubftitit. Undecimo, meliùs coloratas urinas cum copiofo feditamento reddidit, leviùs habuit. Decimo quarto, fuborto novo rigore febris acutaprehendit. Decimo quinto, biliofa, flava, fubfrequentia vomitione refufa funt, ex fudore febris reliquit. Sub noctem febris acuta, urinæ craffæ, quæ album habebant feditamentum. Quibus decimo fexto ad noctem ingravefcantibus, moleftè habuit, non dormivit, deliravit. Decimo octavo, fitibunda fuit, lingua retorrida, non dormivit, multum deliravit, crurum dolor infestavit. Advigefimum, mane parvo fuborto rigore fopore tenuit, placidè dormivit, biliofa pauca, nigra vomuit, fub noctem furditas oborta

C

eft

est. Circiter verò vigesimum primum, sinistrum latus undique gravitas cum dolore occupavit, parvâ insuper subortâ tussi; urinæ crassæ, turbulentæ, subrubræ, quæ depositæ non subsederunt. Cætera verò levius habuit, neque à febre immunis fuit. Statim per exordia faucium dolor & rubor adfuit, columella contracta fuit, fluxio acris, mordax & falsa ad extremum perseveravit. Ad vigesimum septimum diem, febre libera, urinæ cum sedimento aderant, latus aliquantulum doluit. Ad trigesimum verò quartum febris corripuit, alvum biliosa conturbârunt. Quadragesimo, pauca biliosa vomuit. Octogesimo, judicatione prorsus est absoluta & febre liberata:

## ÆGER SEXTUS.

29. **C**Leonactidem, qui supra Heraclium decumbebat, ignis, hoc est, febris vehemens, vago & incerto quodam ordineprehendit. Capitis & lateris sinistri circa initia dolor adfuit, cæterorumque membrorum perinde ac ex lassitudine labores. Februm accessiones aliæ subinde absque ullo ordine, & nunc quidem sudores, nunc verò minimè. Februm insultus ut plurimum diebus decretoriis ferè invadebant. Ad vigesimum quartum diem extremæ manus



nus frigescebant, vomitione refusa sunt biliosa, flava, subfrequentia, non longè verò post, virulenta, quibus omnibus levatus est. Circiter trigesimum, sanguis fluere ex utraque nare cœpit, idque inconstanter paulatim ad judicationem usque, sed nec cibum averfabatur, nec siticulosus toto tempore fuit, neque verò insomniâ torquebatur, urinæ tenues, non tamen decolores erant. Ad quadragesimum verò, subrubra minxit, cum sedimento multo rubro, leviùs habuit. Post quæ variè se habuerunt urinæ, ut quæ interdum sedimentum haberent, interdum verò nequaquam. Sexagesimo, urinis sedimentum multum, album & læve adfuit, remissa sunt omnia, febris intermisit. Urinæ verò iterum tenues quidem, boni coloris tamen. Die septuagesimo à febre liber fuit, quæ dies decem intermisit. Octogesimo, rigore oborto febris acutaprehendit, sudor multus, urinis sedimentum rubrum, læve adfuit. Quibus perfecta judicatio successit.

## ÆGER SEPTIMUS.

30. **M**Etonem ignis, hoc est, febris vehemens,prehendit cum lumborum gravitate & dolore. Postridie ex liberaliore aquæ potu alvus rectè demisit. Tertio,

capitis gravitas tenuit, dejectiones tenues, biliosæ, aliquantulum rubentes prodierunt. Quarto, exasperata sunt omnia, bis ex nare dextrâ sanguis paulatim effluxit, nox laboriosa, dejectiones eædem, quæ die tertio, urinæ nigricantes, quæ sublime quiddam in medio innatans, subnigrum divulsum, nec subsistens habebant. Quinto die ex nare sinistra liberaliter sanguis sincerus effluxit, sudore oborto judicatus est. Post judicationem autem cum pervigilio præter rationem loquebatur, urinæ tenues & nigricantes erant. Post capitis perfusiones quievit, mente constitit. Huic morbus non revertit, verum etiam post judicationem crebrò sanguis è naribus erupit.

## ÆGER OCTAVUS.

31. **E**Rasimum, qui ad Bootæ torrentem habitabat, febris à cœnâ vehemens corripuit, noctem turbulentam transegit. Primus dies quietus fuit, nox laboriosa. Postridie, ingravescentibus omnibus sub noctem deliravit. Tertio die, laboriosè habuit, multum deliravit. Quarto, gravissimè, per noctem verò nihil dormivit, somnia aderant & ratiocinationes, deinde deteriora, magna & imprimis animadvertenda, timor & magna corporis incontinentia.

Quin-

Quinto, manè compositus erat, omninoque ad intelligentiam redierat. Ad meridiem verò valdè insanivit, neque se cohibere poterat, summa corporis frigida & liventia, urinæ crudæ, sub solis occasum defunctus est. Huic ad extremum usque febres cum sudore aderant, præcordiorum tumor & contentio non sine dolore. Urinæ verò nigræ, sublimia quædam in medio innatantia rotunda habebant, neque subsidebant, & ex alvo stercora demissa sunt. Sitis continua non magna tamen. Convulsiones cum sudore sub mortem multæ.

### ÆGER NONUS.

32. **I**N Thaso, Critoni erecto & obambulantem pes vehementer dolore ex pollice cœpit, eodem die decubuit cum horrore & stomachi fastidio aliquantulum incallescens, sub noctem desipuit. Postridie per totum pedem & ad talum tumor subruber & contentus, pustulæ parvæ nigræ, febris acuta, insaniâ correptus est. Ex alvo merè biliosa plurima processerunt. Postridie, ex quo laborare cœperat, mortuus est.

### ÆGER DECIMUS.

33. **C**Lazomenius qui ad Phrynichidæ puteum decumbebat, igne, h. e. ve-



hementissimâ febre correptus, per exordia ex capite, cervice & lumbis dolere cœpit. Confestim surditas invaluit, neque somni aderant, febris acutaprehendit, præcordium intumorem sublatum fuit, neque valde contentum, lingua arida. Die quarto, sub noctem deliravit. Quinto, cum molestiâ exasperata sunt omnia, ad undecimum verò aliquantulum remiserunt, alvus ab initio ad decimum quartum usque, multa, tenuia, aquæ similia trans mittebat. Quod ad dejectiones attinet, commodè habebat, deinde alvus suppressa est. Urinæ per totum morbum tenues quidem, boni tamen coloris erant, & sublime quiddam in medio innatans multum, non nihil dispersum habebant, neque subsidebant. Ad decimum sextum, paullo crassiores urinas reddidit, quibus paulum inerat sedimenti, nonnihil allevatus est, meliusque sibi constabat. Decimo septimo, rursus tenues profluxerunt, secundum utramque aurem tumor cum dolore subortus est, somni non aderant, delirabat, crurum dolore vexabatur. Vigesimo, judicatione à febre vindicatus est, non sudavit, omninoque ad intelligentiam rediit. Circa vigesimum septimum, vehemens coxendicis dolor obortus statimque sedatus est. Quæ autem ad aures erant tubercula neque conquiescebant, neque sup-  
pura-

purabant, verum dolebant. Ad trigesimum primum, ex alvi profluvio, aquosa excrementa multa & cujusmodi in difficultate intestinorum esse solent, prodierunt, crassas urinas reddidit, tubercula circa aures conqueverunt. Circa quadragesimum verò, oculi dextri dolor subortus est, hebetior visus fuit, constitit.

### ÆGER UNDECIMUS.

34. **D**Romeadæ conjugem postquam filiam peperisset, cæteraque omnia rite atque ordine procederent, postridie rigor cum febre acutâprehendit. Primo statim die præcordii dolor invasit, non sine stomachi fastidio, horrore, magnâque corporis incontinentiâ, neque iis, qui post consecuti sunt, diebus somnum capere potuit. Spiratio rara, magna, subitoque revulsâ, ac velut retracta fuit. Postridie ejus diei quo rigor cœpit, ex alvo commode stercora processerunt, urinæ crassæ, albæ, turbulentæ, cujusmodi esse solent quæ subsederunt, ubi in matellâ multo tempore depositæ returbantur, neque subsidebant, noctu nihil dormivit. Tertio, ad meridiem novo suborto rigore febris acutaprehendit, urinæ similes, præcordii dolor, stomachi fastidium & nausea aderant, nox difficilis fuit,

fuit, neque dormivit, sudor per totum corpus frigidus diffusus est, statim tamen rursus ad calorem rediit. Quarto, præcordii dolor aliquantum remisit, sed una cum dolore capitis gravitas adfuit, sopore non-nihil detenta est, nares paucum stillârunt sanguinem, lingua valde resiccata, sitibunda fuit, urinæ tenues, oleosæ, parum dormivit. Quinto, siticulosa, nauseabunda, urinæ eadem, ex alvo nihil secessit, circa meridiem valde deliravit. Confestimque rursus parum ad intelligentiam rediit, ubi surrexisset sopore detenta est, paulum perfrixit, nocte dormivit, deliravit. Sexto die mane novus subortus est rigor celeriterque recaluit, sudor toto corpore dimanavit, extrema frigescabant, deliravit, spiratio magna & rara fuit. Paulo post convulsionibus à capite subortis celeriter defuncta est.

## ÆGER DUODECIMUS.

35. **I**Ncalescens quidem coenavit bibitque largius, nocte omnibus vomitu refusus febris acutaprehendit cum præcordii dextri dolore, inflammatio subinans ad interna vergebat, nox molesta & difficilis fuit. Urinæ verò per initia crassæ, rubræ, quæ in matulâ depositæ non subsidebant, lingua valde resiccata, non admodum erat siticulosus.



losus. Quarto die, febris acuta invasit, undique dolores urgebant. Quinto, minxit læve, olcosum, multum, febris acuta detinebat. Sexto, ad vesperam plurimùm deliravit, neque nocte dormivit. Septimo, exasperata sunt omnia, urinæ similes erant, verba multa profundeabat, neque se continere poterat. Ex alvo irritata, liquida & turbulenta cum lumbricis secesserunt, nox perinde laboriosa fuit. Manè verò ex rigore febrisprehendit acuta, sudor calidus subsequutus est, ex quo sine febre esse visus est, non multùm quievit. Ex somno perfrictio, crebra sputatio, ad vesperam multùm deliravit. Paulò pòst verò nigrorum, paucorum biliosorum vomitus est subsequutus. Nono, perfrictio, magnum delirium, neque dormivit. Decimo, crurum dolor invasit, ingravescebant omnia, desipuit. Undecimo mortuus est.

## ÆGER DECIMUS TERTIUS.

36. **M**ulier quædam quæ in littore decumbebat, trimestri foetu gravida, igne, hoc est, vehemente febre, correpta est, statimque ex lumbis dolor invasit. Die tertio, cervicem, caput, circa jugulum manumque dextram dolor occupavit. Celestiter verò lingua voce defecta est, manus  
C 5 dextra

dextra non sine convulsione elanguit, quale quid in partium resolutionibus levibusque considerationibus contingere solet, deliravit prorsus, nox difficilis & laboriosa fuit, neque dormivit, ex conturbatâ alvo biliosa, sincera & pauca secesserunt. Quarto, linguæ vox soluta, eorundem convulsiones & undique dolores perdurabant, præcordia cum tumore dolor occupavit, somnum non capiebat, prorsus deliravit, alvi perturbatio aderat, urinæque tenues nec probati coloris reddebantur. Quinto, febris acuta prehendit cum præcordiorum dolore, penitus deliravit, alvi recrementa biliosa erant, sub noctem sudor obortus est & à febre vindicata. Sexto, ad mentem rediit, allevârunt omnia, ad jugulum verò sinistrum perseverabat dolor, sitibunda erat, urinas tenues reddidit, neque quievit. Septimo, tremor corripuit, aliquantulum soporata est, non nihil deliravit, juguli & brachii sinistri dolores perseveraverunt, cætera verò allevârunt, ad se planè rediit. Tribus autem diebus defecit febris ab eâque immunis visa est, undecimo rediit, & novo insuper orto rigore febris vehemens corripuit. Ad decimum verò quartum diem, biliosa, flava, crebrâ vomitione sunt refusa, obortoque sudore à febre judicatione est liberata.

## ÆGER DECIMUS QUARTUS.

37. **M**Elidia, quæ ad Junonis ædem decumbibat, ex capite, cervice, & pectore vehementer dolere cœpit, confestimque febris acutaprehendit. Menstruæ verò purgationes paucæ visæ sunt, horumque omnium continentes erant dolores. Sexto die, profundus eam sopor corripuit, stomachi fastidium & æstuatio, horror, malarum rubor, deliravit. Septimo, profuso sudore febris intermisit, dolores perseverabant, febris rediit, somni parvi aderant. Urinæ per totum morbum laudabilis fuere coloris, cæterum tenues. Alvi recrementa tenuia, biliosa, mordacia admodum pauca, nigra, graveolentia prodierunt. In urinis subsederunt alba & lævia, sudor dimanavit, die undecimo judicatione integrè est absoluta.






## HIPPOCRATIS

DE

MORBIS VULGARIBUS  
LIBER TERTIUS.

## SECTIO PRIMA.

*Æger Primus.*

I.  YTHIO ad Telluris ædem habitabat. Huic statim primo die tremor ex manibus, febris acuta, & mentis vacillatio cœpit. Quæ omnia postridie exasperata sunt, & tertio eadem perseveravere. Quarto, ex alvo pauca, sincera, biliosa transmissa sunt. Quinto, invaluerunt omnia, tremores perseverârunt, somni exigui aderant, alvus constitit. Sexto, sputa fuerunt varia, aliquantulum rubra. Septimo, os perperam distractum est. Octavo, ingravescentibus omnibus etiamnum tremores permanebant. Urinæ verò à principio quidem & ad octavum usque diem tenues, decolores, sublime quiddam in medio innatans nubilum habebant. Decimo, sudoribus provocatis paulumque maturioribus red-

redditis sputis judicatus est, & sub judicium ipsum urinæ aliquantisper tenues visæ sunt. Post judicationem verò, quadragesimo tandem die, circa sedem suppuratio facta est, & in stranguriam abscessus transiit.

## ÆGER SECUNDUS.

2. **H**ermocrates qui secundum novum murum decumbebat, igne, hoc est, vehementissimâ febre correptus est. Cœpit ex capite lumbisque dolere, præcordia moliter contendebantur. Lingua verò per exordia deusta fuit, confestimque surditas obnata est, somni non aderant, sed nec admodum sitibundus erat. Urinas crassas, rubras, quæ in matellâ depositæ non subsidebant, reddidit. Ex alvo verò exusta non pauca demissa sunt. Quinto die, urinas minxit tenues, suspensum quid in medio habentes, neque subsidentes. Sub noctem desipuit. Sexto, aurigine tentatus est, ingravescebant omnia, neque sibi satis constabat. Septimo, molestè habuit, urinæ tenues, similes erant, identidem subsequen-  
tibus diebus se gessit. Ad undecimum autem diem allevari omnia visa sunt. Sopor cœpit, urinæ crassiores, subrubræ, deorsum tenues erant, neque subsidebant. Paulisper ad intelligentiam rediit. Decimo  
quarto,

quarto, à febre immunis fuit, non sudavit, dormivit, prorsus mente constabat, urinæ eædem. Ad decimum septimum, revertit morbus, incaluit, deinceps febris erat acuta, urinæ tenues. Rursus autem vigesimo die judicatus est, a febre immunis fuit, neque sudavit. Hoc toto tempore cibumaversabatur, mente constabat, loqui non valebat, lingua resiccabatur, non sitiebat, sopore tentatus aliquantulum dormivit. Circiter verò quartum & vigesimum, denuo incaluit, alvus fluida, liquida & tenuia multa demisit, & proximis deinceps diebus febris acutaprehendit, lingua exusta est. Septimo & vigesimo obiit. Huic per totum morbum surditas permansit, urinæ crassæ & rubræ non subsidebant, aut tenues & decolores, & suspensum quid in medio innatans habebant. Cibum verò capere non valebat.

### ÆGER TERTIUS.

3. **Q**uidam in Dealcis hortis decumbens, ex longo intervallo capitis gravitate & temporis dextri dolore conflictatus, ex levi verò occasione, igne, hoc est, vehementi febre, correptus decubuit. Postridie ex sinistrâ nare paucus sincerus sanguis effluxit. Alvus autem stercora probè demisit. Urinæ tenues, in quibus varia  
ine-



inerant suspenſa quæ jam in medio innatanti-  
 tia, hordei toſti, non exacte moliti craſſiori-  
 bus fruſtulis ferè ſimilia, genitaleque ſemen  
 referentia. Tertio die, febris acuta pre-  
 hendit, dejectiones nigræ, tenues, ſpuman-  
 tes proceſſere, & quæ in iis ſecceſſibus ſubſi-  
 debant, livida erant, ſopore aliquantulùm  
 premebatur; cùm deſurgeret, moleſtè ha-  
 bebat. Quæ in urinis ſubſidebant livida &  
 aliquantisper glutinoſa erant. Quarto, bi-  
 liola, flava, pauca, vomitione rejecit, pau-  
 lumque intermittens, virulenta. Ex nare  
 ſiniſtrâ paucus ſincerus ſanguis deſluxit, de-  
 jectiones eadem urinæque erant, paucus  
 tenuisque ſudor circa caput & jugulum ob-  
 ortus eſt, lien ſublatus intumuit, femur  
 è directo reſpondens dolor prehendit. Præ-  
 cordiorum dextrorum contentio ſubmollis  
 fuit, nocte non dormivit, aliquantulùm  
 deliravit. Quinto, dejectiones fuere copio-  
 ſiores, nigræ, ſpumantes, in quibus ſubſi-  
 debant nigra, nocte nihil dormivit, deſi-  
 puit. Sexto, dejectiones nigræ, pingues,  
 glutinoſæ, fœtidæ erant, dormivit, melius-  
 que mente conſtabat. Septimo, lingua val-  
 de reſiccata, ſitibundus erat, non dormivit,  
 deliravit, urinas tenues neque probe colora-  
 tas reddidit. Oçtavo, alvi recrementa ni-  
 gra, pauca, coacta; quievit, ad ſeſe rediit,  
 neque valde ſiticuloſus fuit. Nono, oborto  
 rigore

rigore febris acuta invasit, insudavit, perfrigit, deliravit, dexter oculus perversus est, lingua reficcata, siticulosus erat & insomnis. Decimo, in iisdem versabatur. Undecimo, prorsus per omnia mente constabat. febre liber, insudavit, urinæ tenues ad judicationem visæ sunt. Duos dies à febre integer remansit, quæ decimo quarto repetiit, mox verò nocte non quievit, omnino desipuit. Decimo quinto, urinam turbidam reddidit, cujusmodi fit ex his quæ ubi subsederunt, commoventur, febris acuta prehendit, penitus desipuit, non quievit, genua & tibiae dolor occupavit. Ab alvo autem ex glande suppositâ, stercora nigra exierunt. Decimo sexto, urinæ tenues sunt redditæ, quæ suspensum quidem in medio innatans nubilosum habebant, deliravit. Decimo septimo, mane extrema frigescabant, tegumentis convolutus est, graviter febricitavit, sudore por totum corpus dimanante allevatus est, paulò plus intelligebat, neque febre liber, sitibundus erat. Vomitione refusa sunt biliosa, flava, pauca. Ex alvo verò stercora prodierunt, ac mox paulò nigra, pauca, tenuia. Urinæ tenues, neque laudabilis erant coloris. Decimo octavo, sopore detentus est, neque ad intelligentiam redierat. Decimo nono, eadem perseveraverunt, urinæ tenues erant. Vigesimo, dormivit, in totum

mente

mente constabat, sudore correptus à febre immunis fuit, nec sitivit. Urinæ verò tenues erant. Altero & vigesimo, paululùm desipuit, nonnihil sitivit, præcordiorum dolor & continens ad umbilicum palpitatio occupavit. Quarto & vigesimo, in urinis subsidentia inerant, penitus mente constabat. Vigesimo septimo, coxendicis dextri dolor cepit, urinas tenues reddidit in quibus subsidentia inerant, de reliquo verò placidissimè habuit. Ad vigesimum nonum, oculus dexter doluit, urinæ tenues redditæ sunt. Quadragesimo, pituitosa, alba, copiosa, alvus deiecit, sudore multo ex toto corpore diffuente, perfectâ judicatione est absolutus.

## ÆGER QUARTUS.

4. **P**Hilistes in Thaso ex longo intervallo capite dolebat, tandemque etiam altissimo sopore aliquantulùm correptus decubuit. Obortis autem ex comestationibus febribus assiduis, ingravescebat dolor, nocte primum incaluit. Primo die, biliosa, pauca, vomitione refudit, flava primùm, deinde verò æruginosa plurima. Ab alvo autem iterum exierunt, nox implacida fuit. Postridie, surditas obvenit, febris acuta cum præcordiorum dextrorum contensione, quæ  
D
intro



intro vergebant. Urinas tenues & perspicuas reddidit, in quibus suspensum quiddam in medio innatans paucum, femini genitali simile inerat. Circa meridiem vehementer insanivit. Die tertio, permoleste habuit. Quarto, convulsionibus exagitatus est, exasperata sunt omnia. Quinto, sub tempus matutinum defunctus est.

## ÆGER QUINTUS.

5. **C**Hætion, qui apud Demænetum decumbebat, ex potu, igne, hoc est, febre vehementissimâ correptus est, statimque capitis gravitas cum dolore occupavit, non dormivit, alvus perturbata secessus tenues & aliquantulum biliosos demisit. Tertio die, febris acuta invasit & capitis tremor, præcipuè verò labri inferioris, pauloque post rigor, convulsiones, omnino desipuit, nox molesta fuit. Quarto, quievit, paulisper dormivit, deliravit. Quinto, laboriosè habuit, exasperata sunt omnia, delirium, nox molesta, non dormivit. Sexto, eadem perseverare. Septimo, novo suborto rigore febris acuta prehendit, & per omnia membra diffuso sudore judicatus est. Huic per totum morbum ex alvo dejectiones biliosæ, paucae, sinceræ prodierunt. Urinæ tenues erant, boni coloris, quæ

quæ sublime quiddam in medio innatans nubilosum habebant. Ad octavum, urinas melioris coloris, in quibus subsidentia inerant candida & pauca, reddidit, ad intelligentiam rediit, à febre immunis fuit, quæ nono repetiit. Ad decimum quartum autem, graviter febricitavit, insudavit. Decimo sexto, biliola, flava, copiosa, vomitione rejecit. Decimo septimo, novo desuper orto rigore febris acuta invasit, & sudore dimanante à febre judicatione absolutus est. Urinæ post morbi reversionem & judicationem melioris erant coloris, atque in his subsidentia inerant, neque per recidivam mentis alienatio adfuit. Decimo octavo, paulum incaluit, atque insuper sitibundus; urinæ tenues, sublime quiddam in medio innatans nubilosum habebant; aliquantulum deliravit. Ad decimum nonum, à febre immunis fuit, cervicis dolor occupavit, urinis subsidentia inerant. Vigesimo, perfectâ judicatione absolutus est.

## ÆGER SEXTUS.

6. **E**Uryanactis filiam virginem, ignis, hoc est, febris vehementissimaprehendit. Sine siti autem perpetuò permanfit, neque cibos ullos admittebat. Alvus pauca demisit, urinæ tenues, paucæ, neque

probi coloris erant. Incipiente autem febre, ad sedem dolor erat. Sexto verò die, à febre immunis fuit, non sudavit, judicata est. Quod ad sedem enatum erat paululùm suppuravit, simulque judicatione disruptum est. A judicatione septimo die, rigore correpta aliquantulùm incaluit, sudavit. Octavo verò post judicationem die, non admodum riguit, posteaque extremorum frigus semper adfuit. Ad decimum, post eum quem habuerat sudorem, deliravit, rursusque statim ad mentem rediit. Ista autem (ut ferebant) ex degustatâ uvâ huic contigerant. Ubi autem duodecimum diem intermisisset, plurimùm rursus desipiebat. Alvus conturbata, biliosa, pauca & sincera, tenuia, mordacia reddidit, crebrò desurgebat. Septimo verò die, ex quo postremùm delirâisset, mortua est. Hæc ab ipso morbi exordio ex faucibus doluit, & continuum ruborem habuit, gurgulioque retractus est, destillationes multæ, parvæ, tenues, acres aderant. Tussiebat, neque concoctum quicquam educebat. Toto morbi tempore omnis generis cibos averfata est, neque quicquam appetivit, non sitiit, neque quicquam effatu dignum bibit, taciturna erat, nihil loquebatur, moeror & animi desperatio inerat. Erat autem nativa quædam ac congenita ad tabem propensio.



## ÆGER SEPTIMUS.

7. **Q**Uæ apud Aristionem erat & anginâ conflictabatur, primùm & linguâ laborare cœpit. Vox obscure se prodebat, lingua rubens & resiccata erat. Primo die, horruit, incaluit. Tertio, rigor, febris acutaprehendit, colli tumor subruber, durus, & in pectus utrâque ex parte imminabat, extrema frigida, livida, spiratio sublimis, potus per nares refluebat, neque devorare quicquam poterat, dejectiones & urinæ restiterunt. Quarto, exasperata sunt omnia. Quinto, anginâ periit.

## ÆGER OCTAVUS.

8. **Q**Ui ad Mendacium forum decumbebat adolescens, ex lassitudinibus, laboribus ac cursibus præter consuetudinem, igne, hoc est, febre vehementissimâ, correptus est. Primo die, conturbata alvus, biliosa, tenuia, multa reddidit. Urinæ tennes & nigricantes erant, somnum non cepit, sitibundus fuit. Postridie, exasperata sunt omnia; dejectiones plures erant & importuniores, neque dormivit, mens perturbata fuit, aliquantulum insudavit. Tertio, inquietè habuit, sitibundus, nauseabundus,

multa corporis jactatio & angustia, deliravit; extrema livida & frigida, præcordiorum contentio submollis utrinque. Quarto, somnum non cepit, pejus habuit, septimo obiit. Ætas erat annorum prope viginti.

## ÆGER NONUS.

9. **M**ulier ad Tifamenum molestis vulvi casibus appetita fuit, multis vomitionibus conflictabatur, potum continere non poterat. Dolores circa præcordia aderant, qui in inferioribus secundum ventrem locis cum torminibus assiduis urgebant. Non sitiebat, incalescebat, extrema perpetuò frigescabant, stomachi fastidio laborabat, vigil erat. Urinas paucas, tenues reddidit. Alvi recrementa cruda, tenuia, pauca. Nil ampliùs juvare poterat; defuncta est.

## ÆGER DECIMUS.

10. **E**X his quæ circa Pantimiden erant, mulier quædam ex infantuli foetus abortione, primo die igne, hoc est, febre vehementissimâ, correpta est. Lingua reficcata, fuculosa erat, æstuabunda cum insomniâ. Alvus conturbata ex multis tenuibus & crudis. Postridie, novo oborto rigore,

gore, febris acutaprehendit, venter multa reddidit, non dormivit. Tertio die, inaugebantur dolores: quarto, deliravit: septimo, defuncta est. Alvus per totum morbum recrementis multis tenuibus, crudis fluxit, urinæ paucæ, tenues erant.

## ÆGER UNDECIMUS.

11. **A**lteram ex obortivo fœtu circiter quintum mensem, ignis, hoc est, febris vehementissima,prehendit. Per exordia verò sopore rursusque insomniâ detinebatur cum lumborum dolore & capitis gravitate. Secundo die, alvus turbata est, primumque pauca, tenuia & sincera deiecit. Tertio, plura & pejora, nocte nihil dormivit. Quarto, mens emota fuit, metus atque animi ægritudo inerat, dexter oculus perversus est, sudor paucus & frigidus circa caput dimanavit, extremitates frigidæ. Quinto, exasperata sunt omnia, multum deliravit confestimque rursus ad intelligentiam rediit; siticulosa erat, insomnis. Alvus per totum morbum multis & intempstivis fluxit. Urinæ paucæ, tenues, nigrescentes erant: extrema frigida, sublivida. Sexto, eadem perseverârunt. Septimo, extincta est.



## ÆGER DUODECIMUS.

12 **Q**Uæ in Mendacium foro decumbebat, tum primùm laboriosè masculum enixa, igne, hoc est, febre vehementissimâ, correpta est. Statim per exordia sitibunda, ex stomachi fastidio & oris ventriculi dolore laborabat, lingua resiccata erat, alvus tenuibus, paucis, perturbata fuit, neque somnum cepit. Postridie, novo aliquantulùm suborto rigore, febris acuta prehendit, modicus circa caput sudor frigidus dimanavit. Tertio, non sine dolore ab alvo cruda, tenuia, multa demissa sunt. Quarto, novus obortus est rigor, exasperata sunt omnia, pervigil fuit. Quinto, molestè habuit. Sexto, eadem perseverârunt. Ex alvo verò liquida multa secessere. Septimo, novo suborto rigore febris acuta corripuit, sitis multa aderat, & incontinens corporis jactatio. Ad vesperam frigidus toto corpore diffusus est sudor, perfrixit, extremorum frigus, quæ nec jam ad calorem revocari poterant. Iterumque sub noctem oborto rigore extrema non recalescebant, neque dormivit, aliquantulùm deliravit, confestimque rursus ad intelligentiam rediit. Octavo, circa meridiem recaluit, sitivit, sopore oppressa fuit, nauseabunda. Biliosa, pauca, non-

nonnihil flava vomitione refudit, nox in-  
 quies, non dormivit, multum confertas u-  
 rinās reddidit idque non sentiens. Nono,  
 remissa sunt omnia, sopore detenta est ad  
 occasum, subito aliquantulum rigore,  
 pauca, biliosa, vomuit. Decimo rigor,  
 febrilis insultus, neque quicquam quievit.  
 Mane urinam multam, in quā nulla subsi-  
 dentia inerant, reddidit, extrema recalue-  
 runt. Undecimo, vomuit virulenta, bilio-  
 sa, non ita multo post rigore correpta est,  
 rursusque extrema frigescabant. Sub occa-  
 sum sudor, rigor, vomuit multum, noctem  
 molestè tulit. Duodecimo, multa, nigra,  
 foetida vomuit, singultus multus adfuit, &  
 sitis molesta. Decimo tertio, rigore cor-  
 repta, nigra, graveolentia, multa vomitu  
 effudit. Circa meridiem verò voce defecta  
 est. Decimo quarto, sanguis per nares efflu-  
 xit; defuncta est. Huic per totum mor-  
 bum alvus lubrica, & horroris sensus adfuit.  
 Ætas erat annorum ferè septendecim.

## SECTIO SECUNDA.

### *Status Pestilens.*

13. **A**Nnus Austrinus, imbribus abun-  
 dans, atque in totum à ventis tran-  
 quillus fuit. Quum autem paulò superiori-  
 bus

bus anni temporibus, justò majores siccitates viguissent, sub Arcturum, spirantibus austris, multùm pluit. Autumnus obscurus, nebulosus, cum aquarum abundantia, hyems austrina, humida & levis. Longo verò post Solis conversionem intervallo, juxta æquinoctium, extremæ hyemis frigora adfuerunt, jamque sub Æquinoctium ipsum Aquilonares venti cum nimbibus non ita diu spiravere. Ver rursus austrinum, à flatibus quietum, aquæ multæ & continentes ad Canem usque. Æstas serena, calida, æstus præfocantes magni. Anniversarii venti (Etesias vocant) pauci disjunctim spiravere. Sub Arcturum rursus spirantibus Aquilonibus, aquæ multæ. Existente igitur anno austrino, humido & leni, hyeme quidem salubriter agebant, præter tabidos, de quibus mox scribetur.

14. Ante ver autem unà cum frigoribus consecutis ignes sacri plurimi, partim quidem aliquâ de causâ, partim quidem sine eâ contingebant, atque hi maligni quidem multos sustulerunt. Multi ex faucibus laborabant, voces vitiatæ erant, febres ardentes unà cum phrenitide, serpentia oris ulcera, pudendorum tubercula, lippitudines, carbunculi. Alvi perturbatæ, cibos averfabantur, & hi quidem partim siticulosi, partim sine siti erant. Urinæ turbulentiæ, multæ,  
malæ



malæ reddebantur. Sopore ut plurimum detinebantur, rursusque pervigiles. Morborum solutiones prorsus nullæ partimque difficiles, aquæ inter cutem, tabidi multi. Atque hi quidem morbi populariter vulgabantur. Ex enumeratorum autem generum unoquoque laborabant multi & moriebantur plurimi, eorumque singulis hunc in modum accidit. Multis certè ignis sacri occasio ex contemnendis valdeque parvis ulcusculis toto corpore eblata est, præcipuè verò sexagenariis circum caput, vel si quid paululum negligeretur. Nonnullis autem, etiam inter curationes ipsas, magnæ inflammationes contingebant, multusque ignis facer celeriter ubique populabatur. Horum igitur plurimis abscessus ad suppurationes vertebant, carniūque & ossium ac nervorum ex decidentiâ mutilationes magnæ fiebant. Neque verò contracta fluxio puri erat affinis, sed aliud quoddam putredinis & fluxionis multæ ac variæ genus. Quibus itaque circa caput hujusmodi aliquid contingit, totius capitis & menti glabrationes, ossiumque denudationes & prolapsus acciderunt, multæque fluxiones fiebant, istaque partim in febribus, partim sine his aderant. Atque hæc terrorem potius quam periculum denunciabant. Quibus namque talium maturatione res ad suppurationem devenit, eorum

rum plerique superstites evadebant. At verò quos inflammatio quidem facerque ignis reliquerat, nullumque hujusmodi abscessum creaverat, ii frequentes periere. Similiter quoque & quâcunque corporis parte oberârunt, ista contigerunt. Multis siquidem brachium ac cubitus totus defluebat. Nonnullis verò ista latera malè vexabant, aut anteriorum aut posteriorum aliquid. Est ubi etiam femur integrum, aut tibia, aut pes totus denudabantur. Horum autem omnium gravissimè urgebant quæ circum pubem pudendaque contingebant. Atque ea quidem fuit eorum, quæ cum ulcere aut occasione aliquâ externâ contigerunt, conditio. Multis autem unâ cum febribus ipsis, aut ante febrem, atque etiam post febres ipsas inciderunt. Illud verò ipsis inerat, ut quæcunque per suppurationem abscederent, si vel insignis aliqua alvi perturbatio, aut probarum urinarum transmissio extitisset, per ea ipsa solutio procederet: sin quibusdam nihil horum contigisset, temereque & sine ullâ solutionis significatione evanescerent, ea mortem inferebat. Longè igitur plurimos facer ignis verè appetivit, qui & per æstatem & sub autumnum consequebatur. Magna verò perturbatio quibusdam inerat, & ad fauces tubercula, linguæque inflammationes, & quæ secundum

dùm dentes abscederent. Multisque vocis vitiatæ & præpeditæ facta est significatio, potissimè quidem his qui tabescere cœpissent, atque etiam febre ardente detentis & phreneticis.

15. Cœperunt itaque febres ardentes & phrenitides ante ver, post ea quæ præcesserunt frigora, plurimique tunc diu ægrotarunt gravibusque & lethalibus casibus conflictati sunt. Erat autem febrium ardentium quæ obvenerant constitutio hujusmodi. Per initia sopore detinebantur cum stomachi fastidio & horroris sensu, febris acuta, neque magnopere sitiebant aut delirabant. Ex naribus paucus stillavit sanguis. Plurimos accessiones diebus paribus invadebant. Atque sub ipsas accessiones oblivio, membrorum exsolutio & vocis defectio contingebant. His quidem pedes summi & manus frigidiores evadebant, multoque maximè circa accessiones, deinde vero lentè nec probè recalescebant, rursusque ad intelligentiam redibant & loquebantur. Eos autem aut perpetuus sopor non somnolentus detinebat, aut vigiliæ cum laboribus. Horum plerisque alvus recrementis crudis, tenuibus, multis turbabatur. Urinæ multæ, tenues, neque judicatorii neque boni quicquam habebant. Neque aliud quicquam in ita affectis decernebat, neque enim rite sanguis è naribus profluebat,



fluebat, neque aliud quicquam eorum, quæ abscedere nata sunt, judicatione tentabatur, moriebaturque unusquisque, uti fors ferebat, vago & incerto ordine, plerunque circa judicationes, quidam verò longius producti cum vocis defectione, nonnulli etiam cum sudoribus. Quæ quidem his, qui perniciosè haberent, contingebant. Quin & similia phreneticis fiebant. Atque hi omnino sine siti erant. Neque phreneticorum quispiam vehementer insanivit, sicut in cæteris usuvenire solet, sed ex malâ aliâ quâdam & languidâ in somnum degravatione graviter peribant.

16. Aliæ insuper etiam febres viguerunt, de quibus mox scribetur. Multis os serpentibus ulceribus affectum ulcerosumve fuit, fluxiones ad pudenda multæ, exulcerationes, tubercula intus & extra circum inguina. Lippitudines humentes, longæ, diuturnæ, non sine doloribus, palpebris foris & intus adnascebantur quædam, quæ multorum aciem perderent, Ficos nominant. Enascebantur verò cum aliis in ulceribus multa, tum in pudendis. Carbunculi æstate multi, atque alia quæ putredinis nomine donantur, pustulæ magnæ. Serpentina ulcera plerisque magna. Quantum autem ad alvum spectabat, plerisque circa eam multa & noxia evenere. Primum quidem crebræ & ina-

inanes egerendi voluntates multis molestæ, imprimis verò pueris atque iis omnibus qui pubertatem nondum attigerant, eorumque plurimi peribant. Multi intestinorum lævitate vexabantur, quidam difficultate intestinorum, neque hi admodum molestè. Alvus autem biliosa, & pinguis, & tenuis, & liquida demittebat, ac multis quidem eo morbus ipse decubuit, tum circa febres, tum in febribus. Tormina cum doloribus aderant, itemque convolutiones malignæ. Multis in corpore existentibus ac suppressis exitus. At neque exeuntia dolores tollebant. Atque ad ea quæ adhibebantur non facilè habebant. Purgationes nempe plurimos magis offendebant. Eorum verò qui ita habebant plerique quidem subito moriebantur, multi etiam diutiùs perdurabant. Atque ut semel absolvam, tum qui diuturnis, tum qui acutis tentabantur morbis, ex ventris vitio omnes ferè periire. Omnes namque venter pariter sustulit. Omnes autem in quos sanè incidi, ob præscriptos omnes morbos quibus vexabantur, cibos equidem averfabantur. Plerique verò præcipueque hi ipsi, & qui eodem modo affecti erant, sed & ex aliis qui etiam perniciosè haberent. Siticulosi partim quidem erant, partim verò siti vacui. Ex his quos febris aliaque vexabant, nullus intempestivè potum sumpsit,

psit, sed quoad potionem, licebat eam instituere vivendi rationem quam velles. Urinæ autem copiosæ prodibant, neque potioni ingestæ respondebant, verum plurimum superabant, multumque etiam vitiosæ erant urinæ redditæ. Nam neque crassitudinem, neque concoctionem habebant, neque probè expurgabantur. In multis namque probæ per vesicam expurgationes bono sunt. Plurimis verò colliquationem perturbationemque, & dolores, & moram, & judicationis cessationem portendebant. Sopore autem detinebantur, imprimis quidem phrenitici & qui febre ardente laborabant, quin etiam cæteris in omnibus maximis morbis, quòd cum febre contingerent. Omnino verò plerosque aut gravis sopor comitabatur, aut tenues & parvi somni.

17. Multa alia præterea passim vulgata sunt febrium genera, tertianæ, quaternæ, nocturnæ, assiduæ, diurnæ, incertæ & vagæ, implacidæ, inconstantes. Atque hæc omnes non sine multâ perturbatione contingebant. Plerisque etenim alvus cum horrore sensu turbabatur, sudores nihil decernebant, urinæque, quales supra descripsimus. Eorum verò plerisque hæc erant diuturna. Neque enim decernebant quæ iis ipsis abscedebant, quod cæteris usu venire solet. Omnino quidem omnibus difficiles erant



judicationes, aut nullæ, aut diuturnæ, his  
verò quàm maximè. Atque horum pauci  
circa octogefimum diem judicatione absol-  
vebantur, magnâ autem ex parte iis temerè  
defecerunt. Horum etiam pauci ex aquâ  
inter cutem moriebantur erecti & stantes.  
Plerosque verò etiam præter alios morbos  
tumores agitabant, ac præ cæteris tabidos.

18. Maximè autem & gravissimè afflixit  
tabes, plurimosque interemit. Nempe cùm  
multis ad hyemem cœpisset, hi magnâ ex  
parte decubuerunt, partim verò erecti &  
stantes pertulerunt. Ineunte autem vere  
eorum qui decubuerant plerique perierunt,  
reliquorum verò nullum tussès reliquerunt,  
verùm æstate remisèrunt. At sub Autum-  
num omnes decubuerunt, multique interie-  
runt, eorum verò plerique diu traxerunt.  
Horum itaque plurimi, ex his derepente  
pessimè affligi cœperunt, crebri erant hor-  
rores, plerumque febres assiduæ, acutæ,  
sudores etiam intempestivi, multi, conti-  
nenter frigidi, refrigeratio multa, vixque  
recalescebant. Alvi variis modis substan-  
tes, rursusque illicò lubricæ, atque eorum  
quæ pulmones offendebant per inferna trans-  
missio. Urinarum illaudatarum abundantia,  
corporis extenuationes malæ. Tussès autem  
omninò quidem multæ aderant, multaque  
cocta & liquida educebant, neque verò ad-  
modum

modum laboriosè. Quod si etiam quadantenus laborarent, rursus tamen valde placidè & molliter omnis ex pulmone purgatio procedebat, fauces non admodum mordebantur, neque falsugines quicquam infestabant. Viscida nihilominùs & alba, liquidaque & spumosa multa ex capite descendebant. Longè verò maximum malum tum hos tum etiam cæteros comitabatur, ciborum fastidium, uti paulò antè scriptum est. Nam neque ad potionem neque ad cibum alacriter habebant, sed valde siti vacui degebant. Corporis gravitas inerat, & sopore detinebantur. Ac ferè omnes tumoribus corripiebantur, & in aquam inter cutem evadebant. Horrore concutiebantur, & sub mortem delirabant.

19. Erat autem tabidorum species ex iis qui glabri erant, subalbidi, lentis colorem referentes, subrubri, cæsiis oculis, putuitâ albâ redundantes, & quibus scoptula operta alarum instar à tergo extabant atque prominebant, mulieresque eodem modo se habebant. Itidem & qui ad atrambilem generandam essent idonei, & subsanguinei. Atque hos febres ardentes & phrenitides, & intestinorum difficultates tentabant. Juvenes crebræ & inanes egerendi cupiditates, pituitosos longa alvi profluvia, acria & pingua ventris recrementabiliosos vexabant.

20. Omnibus autem quos paulò suprà descripsimus, ver quidem erat molestissimum plurimosque sustulit. Æstas verò placidissima, minimèque multi perierunt. Per autumnum rursus & sub Vergiliis, multi interierunt quartanâ febre detenti. Mihi porrò videtur æstas illa meritò multum profuisse. Æstivos namque morbos succedens bruma solvit, & brumales adveniens æstas dimovit. Quamquam quæ tunc fuit æstas ex sese non satis suæ naturæ constabat, verùm derepente calida, austrina, & à ventis filens fuit, nihilominus tamen ad aliam temporis conditionem mutata profuit.

21. Per verò magni in arte æstimo posse de iis, quæ scripsimus, cogitationem rectè suscipere. Eorum namque usum qui calluerit, is mihi non magnopere videtur in arte aberrare posse. Exactè autem tenere oportet propriam cujusque temporum anni conditionem, & statum, morbumque ipsum, & quidnam boni commune sit constitutioni cum morbo, quidnam & mali constitutio, aut morbus inter se commune habeant. Et quisnam morbus diuturnus sit & exitium afferat, aut quisnam diuturnus & ex quo ægri evadebant: Et quisnam præceps & exitialis, aut quisnam præceps & salutaris. Atque ex his ipsis tum judicatoriorum dierum series observanda est, tum etiam prædicendi



facultas suppetit. Ac in his exercitato proclive est instituendæ victus rationis tempus & modum cognoscere, & quibusnam ea præscribenda sit.

## ÆGROTI SEXDECIM.

### *Primus.*

22. **P**Arii filius in Thaso, qui supra Dianæ fanum decumbebat, febre acutâ correptus est, statim quidem assidua, ardente, siticulosâ. Per exordia sopore detinebatur, rursusque vigiliis vexabatur. Alvus inter initia turbulenta, urinæ albæ. Die sexto, oleosam urinam reddidit, deliravit. Septimo, exacerbata sunt omnia, non dormivit. Quin & urinæ similes & mens perturbata. Ex alvo verò biliosa & pingua prodire. Octavo deinceps, parum ex naribus stillavit, vomitione refusa sunt virulenta, pauca, aliquantulum quievit. Nono, eadem perseverare. Decimo, cuncta remiserunt. Undecimo, sudor, sed non toto corpore dimanavit. Corporis quidem summa perfrixerunt, sed mox recaluit. Duodecimo, graviter febricitavit, alvi recrementa biliosa, tenuia, copiosa. In urinis suspensum quid in medio innatans inerat, deliravit. Decimo septimo, permolestè habuit.

buit , nam neque somni aderant , & febris intendebatur. Vigesimo , sudor undique profluxit , pervigil fuit , dejectiones biliosæ , cibum averfabatur , sopore detentus est. Vigesimo quarto , recidiva contigit. Trigesimo quarto , à febre immunis fuit , alvus non substitit , moxque recaluit. Quadragesimo , sine febre , alvus non diu substitit , cibum averfabatur , rursus aliquantulum febricitavit , idque perpetuò inordinatè , partim quidem à febre liber , partim verò non. Nam si quando intermitteret allevaretque , statim repetebat. Cibariis etiam multis , vilibus & vitiosis utebatur. Circa recidivas somni mali , deliravit. Urinas tunc reddebat crassas quidem , verùm turbulentas & pravas. Ex alvo coacta , moxque diffluentia demittebantur. Febriculæ assiduæ aderant , dejectiones multæ , tenues. Centesimo & vigesimo die defunctus est. Huic alvus ab initio continenter biliosis , liquidis , multis defluebat , aut si consistere , fervida & cruda deiciebat. Urinæ per totum morbum malæ. Sopore fere detinebatur , nec sine doloribus , eratque insomnis , cibos averfabatur , assidueque febris ardens vexabat.

## ÆGER SECUNDUS.

23. **Q**Uæ in Thaso ad frigidam decumbebat , ubi filiam enixa est , nec  
 E 3 pur-

purgationes irent, eam tertio die febris acuta cum horroris sensu corripuit. Ex longo tamen ante partum intervallo ex febre decumbebat, cibumque fastidiebat. Post rigorem autem febres fuerunt assiduæ, acutæ, cum horrore. Octavo, proximisque diebus multum deliravit, statimque ad intelligentiam rediit. Alvus perturbata, multa, tenuia, aquosa, bile permixta demisit, absque fitierat. Undecimo, mente constabat, sopore tamen detinebatur, urinas multas, tenues & nigras reddidit, pervigil erat. Vigesimo, corporis summa paulum perfrixerunt, moxque calor rediit, nonnihil mente mota est, pervigilavit. Alvi dejectiones eadem perseverârunt, urinæ dilutæ, multæ. Vigesimo septimo, à febre immunis fuit, alvus substitit. Non longè verò post ad coxendicem dextram vehemens enatus dolor diu tenuit, febres rursus subsequutæ, & urinæ aquosæ. Quadragesimo, circa coxendicem dolores allevârunt, sed tussis assiduæ, humidæ, multæ tenuerunt, alvus suppressa est, cibum fastidiebat, urinæ eadem. Febres verò in totum quidem non desinebant, sed errabundas & incertas habebant accessiones, & partim quidem sic, partim verò non prehendebant. Sexagesimo, tussis absque ulla judicatione defecerant. Neque enim ulla sputorum concoctio extitit,



tit, neque aliud quicquàm eorum, quæ abscedere solent. Maxilla dextra convulsa est, sopore detinebatur, rursus deliravit, statimque ad mentem rediit. Cæterùm à cibis averso erat animo, maxilla quidem loco restituta est, alvus autem biliosa pauca transmisit, febris intensior fuit, nec sine horrore, proximisque diebus voce defecta est, rursusque ad intelligentiam rediit & sermocinata est, octogesimoque exspiravit. Urinæ huic perpetuò nigræ, tenues & dilutæ fuerunt, soporque comitabatur, cibos non sumebat, animum despondebat, pervigil, iracunda, implacida, mens atrâ bile tentabatur.

### ÆGER TERTIUS.

24. **P**Ythionem in Thaso, qui supra Herculis fanum decumbebat, ex laboribus & lassitudinibus negligenterque subductâ victus ratione, rigor vehemens & febris acutaprehendit. Lingua resiccata erat, fisticulosus, bile abundans, somnum non cepit. Urinæ nigricantes, sublime quid in medio suspensum habebant, neque fusidebant. Altero sub meridiem die corporis extremorum frigus cepit, præcipueque circa manus & caput, sermone & voce defectus est, longo intervallo brevem spiritum traxit,

xit, revocatus est calor, fitiit, noctem quietam duxit, sudor circa caput parum motus est. Tertio die, quietè habuit, ad vesperam verò sub Solis occasum aliquantulum perfrixit, perturbatio cum nocte laboriosa, nihil dormivit. Ex alvo verò pauca stercora coacta transmissa sunt. Quarto, mane quievit, sub meridiem autem exasperata sunt omnia, perfrixit, sermone & voce destitutus est, deterius habuit, tandem recaluit. Urinas reddidit nigras suspensum quiddam in medio innatans habentes, noctu placidè habuit, & somnum cepit. Quinto, allevari visus est, cæterum in ventre gravitas cum dolore tenuit, sitibundus fuit, nox molesta. Sexto, mane quidem placidè se gessit, sub occasum verò dolores intenderunt, gravius habuit. Vesperi autem ex parvo per alvum infuso venter probè reddidit, noctu somnum cepit. Septimo die, magnâ corporis æstuatione & stomachi fastidio conflictabatur, & quâdam corporis implaciditate tentabatur, oleosam urinam reddidit, noctu turbatio multa, delirabat, somnum nullum capiebat. Octavo, mane quidem aliquantulum dormivit, confestimque perfrixio cepit & vocis defectio, spiratio exilis & imminuta, ad vesperam autem calor rursus rediit, deliravit. Jam verò appetente die paulò leviùs habuit, alvi recre-  
menta

menta sincera, pauca, biliosa. Nono sopore detinebatur, æstuatione & stomachi fastidio tentabatur cùm excitaretur, neque valde sitibundus erat. Sub Solis autem occalum magna corporis inquiete tenebatur, deliravit, nox prava. Decimo mane vox defecit, frigus multum, febris acuta, magna sudoris copia; defunctus est. Hic diebus paribus gravius habebat.

### ÆGER QUARTUS.

25. **Q**ui ex Phrenitide laborans primo die decubuit æruginosa & virulenta, multa, tenuia, vomitione refudit, febris horroris sensu insignisprehendit, sudor copiosus, assiduus, toto corpore dimanavit, capitis & cervicis gravitas non sine dolore. Urinæ tenues, in quibus sublimia quædam in medio suspensa, parva, dispersa inerant, neque subsistebant. Ex alvo stercora affatim prodierunt, multum deliravit, nihil dormivit. Postridie mane vox defecit, febris acuta invasit, sudavit, non intermisit. Totum corpus palpitationes occuparunt, nocte convulsiones. Tertio die, graviora evaserunt omnia. Quarto, mortuus est.



## ÆGER QUINTUS.

26. **C**Alvum in Larissa, ex femore dextro dolor derepente occupavit, nihilque adhibitis remediis est profectum. Primo die, febris acuta, ardens, sensimprehendit, comitabanturque dolores. Postridie fœmoris quidem dolores remiserunt, febris autem intensa est, implaciditate quâdam corporis tenebatur, somnum non capiebat, corporis summa frigeabant, urinarum copia profluxit, sed nec eæ laudabiles erant. Tertio die, femoris quidem dolor cessavit, verùm mentis alienatio perturbatioque adfuit, & multa corporis incontinentia jactatioque. Quarto, sub meridiem celerrimè periit.

## ÆGER SEXTUS.

27. **A**Bderæ Periclem febris acuta, continua, cum doloreprehendit, fitis multa, æstuatio & stomachi fastidium aderat, potum continere non valebat. Aliquantulùm autem ex liene tum ex capitis gravitate laborabat. Primo die, sanguis multus ex nare sinistrâ profluxit. Febris tamen intensior erat, urinas reddidit multas, turbulentas, albas, quæ nec depositæ  
sub-

subsidebant. Postridie graviora evaserunt omnia. Ac certè urinæ quidem crassæ erant, verùm quæ magis subsiderent, stomachi fastidium & æstuatio allevata est, dormivit. Tertio die, febris remissa est, urinæ copiosæ, concoctæ, in quibus multum subsidebat, profluxerunt, noctem quietam habuit. Quarto, sub meridiem sudor multus, calidus toto corpore dimanavit, à febre judicatione est absolutus, nec recidivam passus est. Morbus erat acutus.

## ÆGER SEPTIMUS.

28. **A**Bderæ virginem, quæ ad viam sacram decumbebat, febris ardensprehendit. Sitibunda autem erat & pervigil, eique tum primùm muliebria profluxerunt. Sexto die, vehemens stomachi fastidium adfuit, rubor, horror, cùm molestâ corporis jactatione. Septimo, eadem perseveraverunt. Urinæ tenues quidem, verùm probati coloris erant, alvus commodè habebat. Octavo, surditas, febris acute cepit, insomnis, æstuabunda, cum horroris sensu, mentis erat compos, urinæ eædem. Nono, ac proximis diebus eadem perseverarunt, atque adeò permansit surditas. Decimo quarto, mentis perturbatio, febris remissio. Decimo septimo, multum ex naribus

bus profluxit, surditas nonnihil est levata, proximisque diebus stomachi fastidium & surditas aderat, & delira erat. Vigesimo, pedum dolor cepit, surditas & delirium intermisit, paucus ex naribus sanguis prorupit, sudoribus à febre liberata est. Quarto & vigesimo, febris repetiit, rursusque surditas, pedum dolor perseveravit, mens emota est. Septimo & vigesimo, copiosis obortis sudoribus, à febre immunis fuit, surditas reliquit, pedum dolor aliquantulum tenuit. In reliquo verò, perfectâ judicatione absoluta est.

## ÆGER OCTAVUS.

29. **A**Bderæ Anaxionem, ad Threicias portas decumbentem, febris acutaprehendit, lateris dextri dolor continens tenebat, tussis erat sicca, neque quicquam primis diebus exspuebat. Siti cruciabatur atque insomniâ, urinæ probè coloratæ erant, copiosæ & tenues. Sexto die, deliravit. Fetus verò nihil profecerunt. Septimo, molestè habuit. Nam & febris intendebatur, neque dolores remiserant, & tussēs infestabant, & difficilis spiratio inerant. Octavo, secta in cubito vena, multus sanguis, prout debuit, effluxit, dolores certè remiserunt, verùm tussēs



ses siccae perseverarunt. Undecimo, leniores fuerunt febres, paucus sudor circa caput prodiit, etiamnum tussis tenebant, & quæ ex pulmone prodibant liquidiora erant. Decimo septimo, cœpit pauca & concocta exspuere, allevatus est. Vigesimo, sudore oborto à febre liber fuit, à judicatione verò meliùs habuit. Sitis autem vexabat, nec probæ pulmonis expurgationes erant. Septimo & vigesimo, rediit febris, tussivit, concocta plurima eduxit, in urinis alba, multa subsidebant, sine siti erat, bene spirans. Trigesimo quarto, sudore per totum corpus diffuso, febre liberatus, & prorsus est judicatione absolutus.

## ÆGER NONUS.

30. **A** Ederæ, Heropythus rectus & obambulans ex capite doluit, neque verò multò post decubuit. Is habitabat ad superiorem tractum, febris erat ardens, acuta. Statim initio plurimæ biliosa vomitione refusa sunt, sitis aderat & magna corporis jactatio & incontinentia. Urinæ tennes, nigræ, in quibus interdum quidem suspensum quiddam in medio innatans sublime erat, interdum verò non. Nox laboriosa, febrium accessiones subinde variæ, ac plerumque inordinatæ. Sub decimum verò

verò quartum diem obsurduit, febres intendebantur, urinæ eædem. Vigesimo, itemque proximis diebus permultum deliravit. Quadragesimo, multus è naribus sanguis erupit, magisque ad sese rediit, surditas inerat quidem, verum minus vexabat, remiserunt febres. Consequentibus diebus crebrò & paulatim sanguis è naribus profluxit. Ad sexagesimum verò diem, desierunt quidem sanguinis è naribus eruptiones, verum coxendicis dextræ vehemens dolor tenuit, ac febres intendebantur. Neque verò multò post, inferiorum omnium partium dolores exorti sunt. Contigit autem ut aut febres majores essent, surditasque juncta, aut ista quidem remitterent & allevarent, verum inferiorum ad coxendices partium graviores fierent dolores. Jam verò ad octogesimum remiserunt quidem omnia, verum nihil dereliquit. Nam & urinæ probati coloris, in quibus plura subsidebant, prodierunt, & deliria sunt immixta. Circiter centesimum, alvus biliosis multis perturbata est, nec paucò tempore talia multa procedebant, tandemque intestinorum difficultas cum dolore vexavit, cætera commodè habebant. In totum autem, tum febres reliquerunt, tum surditas desiit. Centesimo vigesimo, prorsus est judicatione absolutus. Febris erat ardens.

## ÆGER DECIMUS.

31. **A**Bderæ, Nicodemus ex venere & potu febre correptus est. Per initia autem, stomachi fastidio & oris ventriculi dolore cum siti conflictabatur. Lingua exusta est, urinæ tenues ac nigræ. Postridie febris invasit cum horroris sensu & stomachi fastidio, nihil dormivit, biliosa, flava, vomitione sunt refusa, urinæ eadem perseverabant, noctem quietam transegit, somnum cepit. Tertio die, imminuta sunt omnia, & tranquillitas adfuit. Sub Solis occasum rursus corporis implaciditate aliquantulum tentatus est, noctem permolestè tulit. Quarto, rigor cepit, febris magna, omnium dolores aderant, urinæ tenues erant, ac suspensum quiddam in medio innatans habebant. Septimo, allevatio fuit. Octavo, cætera remiserunt omnia, Decimo, sequentibusque diebus dolores quidem tenuerunt, verum leviores erant. Accessiones verò & dolores hunc perpetuò diebus ferè paribus invaserunt. Vigesimo, urinam reddidit albam, cui crassitudo inerat, nec deposita subsidebat, copioso sudore profuso visus à febre liber esse. Sub vesperam autem rursus incaluit, iidemque dolores vexarunt, horror adfuit, sitis, non-  
nihil



nihil deliravit. Quarto & vigesimo, copiosam urinam albam reddidit, in quâ multa subsidebant. Sudore calido copioso per totum corpus diffuso, à febre judicatione est absolutus.

## ÆGER UNDECIMUS.

32 **M**ulier quædam in Thaso austera & aspera, ex mœrore manifesto recta adhuc & obambulans, insomnia & ciborum fastidio tentata est, siti & magnâ corporis æstuatione premebatur. Habitabat autem ad Pyladis ædes in Plano. Primo die, appetente nocte, metus, sermones multi, animi ægritudo, febricula levis cepit, mane convulsiones multæ vexarunt. Ac sicubi convulsiones illæ multæ intermitterent, delirabat, obscœna loquebatur, dolores multi, vehementes & continentes aderant. Postridie eadem perseverarunt, somnum non cepit, febris ingravescibat. Tertio, convulsiones certè cessarunt, sopor verò atque in somnum degradatio tenuit, rursusque expergefacta est, exiliit, neque sese continere poterat, multum delirabat, febris erat acuta. Eâdem autem nocte sudor copiosus, calidus, toto corpore dimanavit, à febre immunis fuit, somnum cepit, omnino ad sese rediit, judica-

dicatione est absoluta. Ad tertium verò diem, urinæ nigræ, tenues erant, habebantque in medio suspensum quiddam innatans, rotundum admodum; neque subsidebat. Sub iudicium autem muliebria copiosa profluxerunt.

## ÆGER DUODECIMUS.

33. **L** Arissæ, virginem quandam febris ardens & acutaprehendit, pervigil erat, sitibunda, lingua fuliginosa, arida. Urinas probati quidem coloris reddidit, tenues tamen. Postridie molestè habuit, non dormivit. Tertio die, alvus aquosa multa transmisit, proximisque diebus talia commodè prodierunt. Quarto, urinam tenuem, paucam reddidit, quæ suspensum quid in medio innatans sublime habebat, neque subsidebat, sub noctem deliravit. Sexto, ex naribus sanguis abunde multus effluxit, atque ubi inhorruisset, sudore copioso calido per totum corpus diffluente, ex febre immunis iudicatione liberata est. In febribus autem, jamque peractâ iudicatione, tum primum muliebria descendunt, quòd illibatæ virginitatis esset. Prorsus verò stomachi fastidio laborabat, horrebat, faciei rubor aderat, oculorum dolor & capitis gravitas. Huic morbus non

repetiit, sed iudicatione est absoluta. Dolores diebus paribus invadebant.

## ÆGER DECIMUS TERTIUS.

34. **A**Bderæ Apollonius, diu rectus & obambulans morbum sustinuit. In tumorem autem ei elata erant viscera, & consuetus hepatis dolor longo tempore perseveravit, ac tunc sanè etiam auriginosus factus est, flatibus abundabat, & colore erat subalbido. Ex intempestiviori verò potu & bubulæ esu, aliquantulum primum incaluit, decubuit. Deinde cùm lacte usus esset copioso crudo & cocto, caprillo & ovillo, vitiosâque victus ratione, insignes omnes offensiones factæ sunt. Nam & febres exasperatæ sunt, neque memorabile aliquid ex ingestis alvus reddidit, urinæ tenues & paucæ, neque somnum capiebat, mala inflatio aderat, sitis multa, sopore detinebatur, præcordia dextra cum dolore intumuerant, extrema, undiquaque frigescebant, aliquantulum delirabat, omnium quæ dixisset capiebat oblivio, mente movebatur. Ad decimum quartum diem, ex quo suborto rigore incaluit, decubuit, vehementer insanivit, clamor, perturbatio, sermo multus, mox contrà repressus est, atque tum sopor invasit. Deinde verò alvus per-



perturbata, copiosa, biliosa, sincera & cruda demisit, urinæ nigræ, paucae, tenues erant, magna corporis implaciditas, alvi recrementa varia. Nempe vel nigra, pauca & virulenta, vel pinguis, cruda & mordacia deiecit, ac tandem etiam lacti similia reddere visus est. Sub vigesimum quartum diem, allevatio fuit, in reliquo quidem eadem perseverare, verum aliquantulum ad intelligentiam rediit (ex quo namque decubuerat, nihil meminit) statimque rursus desipiebat, atque in deterius omnia tendebant. Circa trigesimum verò diem, febris acuta invasit, alvi recrementa copiosa & tenuia, delirus fuit, extrema perfrixerunt, vox defecit. Quarto & trigesimo, vitâ defunctus est. Ex quo eum vidi, huic perpetuò alvus turbulenta fuit, urinæ tenues, nigræ, sopore detentus & insomnis, extremitates frigidae, per totum morbum deliravit.

## ÆGER DECIMUS QUARTUS .

35. **M**ulierem in Cyzico, gemellas laboriosè enixam, cum non admodum partus purgamenta processissent, primum quidem febris corripuit horroris sensu insignis & acuta, capitis & cervicis gravitas non sine dolore tenuit. Inter exordia in-

somniâ vexata est, taciturna autem erat, tetrico & supercilioso vultu, & quæ nullis persuasionibus flecti poterat. Urinas tenues & decolores reddidit. siti premebatur, ac ut plurimum stomachi fastidio laborabat, alvus inordinatè quidem & inconstanter perturbabatur, rursusque consistebat. Sexto die, sub noctem multum deliravit, somnum non cepit, circaque undecimum vehementer insaniit, ac rursus ad intelligentiam rediit. Urinas nigras, tenues, moxque ubi aliquantulum intermiserant, oleosas reddidit, & ab alvo multa, tenuia & turbulenta prodire. Decimo quarto, convulsionibus multis appetita est, extrema erant frigida, neque amplius ad mentem rediit. Urinæ restiterunt. Decimo sexto, voce defecta est. Decimo septimo, periit.

### ÆGER DECIMUS QUINTUS.

36. **D**Ealcis uxorem in Thaso, quæ in Plano decumbebat, febris horroris sensu insignis & acuta ex mœroreprehendit. Ab initio autem pannis contegebatur, & ad finem usque semper taciturna fuit, manibus palpabat, evellebat, scalpebat, floccos legebat, lachrymas fundebat: moxque ridebat, somnum non capiebat, alvus irritata nihil demittebat, parum nec nisi commune-  
facta

facta bibebat. Urinæ tenues & paucæ erant, febres ad manûs contactum leves apparebant, summa corporis frigefcebant. Nono die, multum deliravit, ac mox composita fuit & taciturna. Decimo quarto, spiratio rara, magna, longo tempore tenuit, rursusque brevis. Decimo septimo, irritatione turbulentâ commota est alvus, deinde potus ipsi pertransibant, neque consistebant, omnium sensum perdiderat, cutis erat distenta & arida. Vigesimo, multum obloquebatur, ac mox composita fuit, vox defecit, & brevem spiritum trahebat. Primo & vigesimo, defuncta est. Huic perpetuô ad finem usque spiratio rara & magna aderat, nihil omnino sentiebat, semper panis contegebatur, aut sermones multos fundebat, aut ferè usque taciturna erat.

## ÆGER DECIMUS SEXTUS.

37. **M**Elibœæ, adolescens quidam, ex comeffationibus, liberaliore potu ac venere, longo tempore incaluit & decubuit. Horrorem autem sentiebat & æstubundus erat, pervigil, neque siti premebatur. Alvus primo die stercora multa demisit cum magno humorum affluxu, proximisque diebus aquæ similia plurima prodire. Urinas reddidit tenues, paucas, de-



colores. Spiratio erat rara, magna, ex longis intervallis. Præcordiorum contentio submollis aderat, utrimque promissa, perpetua & continens cordis palpitatio, urinam minxit oleosam. Decimo, paulatim mente motus est, compositusque erat & taciturnus, cutis resiccata & distenta, alvi recrementa vel multa & tenuia, vel biliosa & pingua. Decimo quarto, exasperata sunt omnia, mente motus est, valde deliravit. Vigesimo, vehementer insanivit, corporis incontinentia & jactatio aderat, nihil minxit, potionem vix continebat. Quarto & vigesimo, per-  
iit.



*Johannes Freind*, M. D.

D E

# FEBRIBUS

COMMENTARII NOVEM,

A D

LIBRUM EPIDEMIORUM

PRIMUM & TERTIUM

accommodati.





## COMMENTARIUS I.

*De Ratione scribendi, quam in  
Epidemiorum Libris tenuit  
Hippocrates.*

**H**IPPOCRATES, uti omnia scripsit egregiè, ita nihil his *Epidemiorum* libris reliquit, vel ad lectionem jucundius, vel ad usum aptius. Etenim in his tantummodo scriptis singulares morborum historias persequitur; quos quidem ita exquisitè designat, ut legentes & ægrotis assidere, & quid in quoque natura indicet, quasi præsentis intueri videantur.

Morborum in genere descriptio, ampla utcunque sit & accurata, conjecturis de medendi ratione formandis eò minùs inservit, quòd neque in unâ aliquâ ægrotatione universa reperiatur notarum congeries, neque in diversis eadem conjunctio: id insuper in hâc re judicandi difficultatem auget, quòd ipsæ illæ notæ, quæ in altero minimè periculosæ sunt, in altero sæpius mortem prænunciant. Inde fit, ut præcepta, quæ generatim de morbis hisce curandis traduntur, mederi volentem aliquando vel non dirigant, vel etiam fallant. In ægrotantium

verò historiis, quæ sigillatim enarrantur, secus accidit: hinc quippe non modò variam mali ipsius naturam, sed tum affectionis cujusque vim atque tempora, tum quo medicinæ genere in toto morbi decursu utendum sit, perdiscimus.

Id abunde probat in his commentariis *Hippocrates*: quem in hoc scribendi genere authorem ut antiquissimum, ita & accuratissimum agnoscimus. Nam erat vir ille, *Celso* judice, <sup>a</sup> non arte modò, sed & facundiâ insignis. *Galenus* quidem hæc de morbis popularibus ad memoriam notâsse *Hippocratem* ratus <sup>b</sup>, fatetur interim eo animo composita fuisse, ut ederentur. Fuerunt certè, quæ ederentur, dignissima. Sunt fortasse nonnulla, uti notat idem *Galenus* <sup>c</sup>, quæ non attigit *Hippocrates*, utpote ad propositum suum minùs spectantia: qui autem opus hoc cum aliquâ judicandi solertiâ legerit, nihil unde vel morborum signa dignosci, vel curandi ratio duci possit, intactum reperiet. Scripsit nimirum ut artifex artificibus, brevi quidem subtilique dicendi genere usus, sed expolito atque intelligentibus noto.

Itaque hoc nomine *primus* & *tertius Epidemiorum* liber, qui ex *septem* soli pro germanis habentur, nunquam satis prædicari queunt.

a Præfat.

b Gal. in 6. Epid.

c Ibid.

queunt. Hos simul jungi volebam, non modò quòd pulchrè unoque styli acumine sint scripti, sed quòd, in eodem argumento versari, unum quoddam idque perfectum opus conficiant. Nam qui *duodecim* ægrotantium historias in principio *terti* expositas ratione animoque lustrârit, facilè perspiciet eos eodem planè morbo, ac illos, qui in *primo* memorati sunt, laborâsse; adeoque ad cœli constitutionem eam, quæ illic describitur, referri oportere. Ita ut hi libri, submonente *Galeno*, ob *argumenti cognationem*, mutuò inter se connecti debeant.

Est & alia ratio, quæ medicinæ curiosis hos libros præcipuè commendet, quòd in *febris* enarrandis toti sint. Hoc etenim morbi genus, uti præ cæteris vulgare est, ita propter atrocitatem casuum artem medicam impensius desiderat. Morborum nonnulli peculiari vel loco vel etiam seculo ingravescent: Febres ferè solæ sunt omnibus æquè terrarum partibus, omnibus æquè seculorum ætatibus communes. Ita ut *Hippocrates* huic de febribus sermoni, verissimo sensu *Epidemiorum* nomen indiderit. Etiam id observatu dignum est, quòd ubi anni constitutio esset admodum diversa, ut in libro *primo* & *tertio* notatur, eadem prope fuerit febrium species, eandemque tractandi rationem suggesserit.

Fe-



Febres his , quas delineat *Hippocrates* , nequaquam abfimiles ; & ortæ sunt omni tempore , & , credo , orientur : quod ex omnium authorum , præsertim è *Sydenhami* scriptis evincitur. Hic multâ cum suâ laude , morem *Hippocraticum* secutus , febres , quæ in quoque annorum statu increbuerint , diligenter atque enucleatè descripsit ; de quo tamen opere liceat mihi dicere , quod , utcunque , sive loci positione sive constitutione aeris , ab *Angliâ* longissimè discrepet *Thasos* , inter febres & ab illo & ab *Hippocrate* adumbratas minimum intersit discriminis. Id quoque verè mihi videor esse dicturus , febres ipsas , quas pro variâ annorum temperatione in distinctas species digerit *Sydenhamus* , non multùm à se invicem abhorere. Etenim , si fortè *Petechialem*<sup>a</sup> exceperis , gradu potius , quàm genere sunt dissimiles. Nulla quippe unquam , in quâcunque tempestate , apparuit febris , ubi ita constanter sibi invicem responderint notæ , ut , quas in uno homine simul colligatas invenieris , eædem pariter in altero convenirent : nec tamen ideo non eodem illos morbo affici dixeris. Hæc ita se habere argumenti loco sit ipsa horum morborum tractatio : nam ad universas octo , quas Clarissimus vir distinguit , febrium species similem planè me-

medendi rationem accommodatam video. Tantum abfuit, ut in diversas curandi vias processerit. Scribit quidem, *febres continuas ita toto, quod aiunt, cœlo differre, ut quâ methodo, currente anno, ægrotos liberaveris, eâdem ipsâ, anno jam vergente, forsitan è medio tollas*: a sed si *methodum*, quâ usus est idem scriptor in hisce febribus generis (ut vult) dissimillimi curandis, quâque ille maximè excelluit, contemplemur, nullum omnino hujus rei reperiemus vestigium. Ita ferè supervacua est omnis, quæ nimis curiosè fit, distinctio: & præsertim medicinæ studiosos adeò parum juvat, ut potius in errorem agat; talis nimirum opinantes, cùm certam quandam morbo cui-libet proprietatis notam affictam viderint, propriam itidem esse & omnino suam cuique medendi normam.

Hæc ideo à me dicta existimari velim, ne quis ea quæ de febribus divinè scripsit *Hippocrates*, ad nos minimè pertinere arbitretur, veluti alio in cœlo alioque hominum genere conclusa.

Ut itaque ille his præcipuè in scriptis, quantus medicinæ sit magister, ostendit; ita ego in iisdem explicandis, non inanem mihi operam posuisse videbor, si quàm latè pateant in omni febrium acutarum tracta-

tio-

tione, quamque facillimè in usus nostratium deduci possint exempla hæc *Hippocratica*, paucis indicavero. Neque enim *Hippocratis Interpretem* me profiteor; maneat sua gravi hoc opere pertunctis laus: multi sanè ingenio atque eruditione præstantes viri verba & sententias non satis habuerunt fideliter exponere, nisi & cum cæteris *Hippocratis* locis diligenter contulissent: imer quos primas sibi meritò vendicat *Foësius*. *Galenus* quidem de his *Epidemiorum* libris integra confecit commentaria; in quibus tamen id sibi unicè proposuisse videtur, ut dierum, quos *Græci* vocant *Κηρίμους*, doctrinam traderet, atque hâc potissimum authoritate confirmaret. Etiam in libris, quos de difficili respiratione contexuit, omnes ægrotantium historias, è primo & tertio *Hippocratis*, recensuit atque illustravit; ita tamen, ut ea tantum, quæ ad spirandi rationem pertinerent, attingeret.

Alium longè mihi finem constituo, atque aliam infisto viam: id nempe unum mihi ob oculos habens, quod a cæteris planè præteritum video, ut ostendam, ex hoc ipso fonte hauriri posse, quæ desiderantur adeò in febribus acutis, medendi indicia. *Quadraginta duas* febre acutâ laborantium historias nobis exhibet *Hippocrates*: ex his mortui sunt *viginti quinque*; ex reliquis, qui



qui salvi evaserunt, nemo, nisi *evacuatione* aliquâ interveniente, ad sanitatem perductus est. Perspicuè hinc liquet, quid in hisce morbis depellendis moliatur natura, & quâ demum viâ Ars, quæ ad naturæ regulam dirigenda est, debeat incedere.

Igitur, ut rem omnem brevi expediam, liceat mihi *evacuationes* illas, quibus hæ febres solutæ sunt, percurrere : & deinde, quæ de præcipuis evacuandi generibus, quâ potissimum ad curandi artem spectant, usu atque observatione explorata sunt, subicere. Evacuationum, quas in his ægrotis recenset *Hippocrates*, modi sunt *septem*. Fiunt enim

1. Per *sanguinis eruptionem*; uti lib. 1. *Ægr.* 7. lib. 3. sect. 2. *Ægr.* 7, 11, 12.

2. Per *Sudores*, uti lib. 1. *Ægr.* 3, 6, 7, 13, 14. lib. 3. *Ægr.* 3. sect. 2. *Ægr.* 6, 7, 8, 10, 12.

3. Per *Vomitum*, lib. 1. *Ægr.* 13.

4. Per *Abscessum*, lib. 3. *Ægr.* 1.

5. Per *Sputorum Excreationem*, lib. 3. *Ægr.* 1. sect. 2. *Ægr.* 8.

6. Per *Urinæ profluvium*, lib. 1. *Ægr.* 6. lib. 3. *Ægr.* 1, 5. sect. 2. *Ægr.* 6, 9, 10.

7. Per *Alvi fluxionem*, lib. 1. *Ægr.* 10. lib. 3. *Ægr.* 3. sect. 2. *Ægr.* 9.

Illud hic observatione dignum videtur, quod

quod sæpius notat a *Hippocrates*, quodque ex eo, aliud agens, haurit intelligentissimus Author *Lommius*<sup>b</sup>, morbi liberationem pluribus vacationibus, non semper unicâ perfici consueſſe; ut si ea fortè per febrem fieri ardentem, sanguine è naribus fuso, cœnerit, quam mox effusi sudores complent, absolventque, ut lib. 1. *Ægr.* 7. lib. 3. sect. 2. *Ægr.* 3, 7, 11, 12.

Sed antequam aggrediar ad ea quæ proposita sunt, haud alienum erit de curandiratione, quâ his in febribus usus est *Hippocrates*, pauca præfari. Remediorum sane apud eum mentio occurrit rarissima: in lib. 1. *Ægr.* 1. lib. 3. *Æg.* 7. sect. 2. *Æg.* 3. præscriptum esse legimus *Clysterem*: in lib. 1. *Æg.* 1, 4, 5. lib. 3. *Æg.* 3, 7. *Balanum*: in lib. 1. *Æg.* 7. capitis lotionem: in lib. 3. sect. 2. *Æg.* 8. adhibita fomenta & venam sectam invenimus. In cæteris quonam medicinæ genere usus sit, omnino tacet *Hippocrates*: nisi fortasse lib. 1. *Æg.* 2, 12. *dejectiones*, quæ irritatione prodierunt, non naturali humorum acrimoniâ, sed medicamenti ope factas cum *Hieronymo Mercuriali* intelligimus. Sanè quod ad par illud ægrotantium attinet, quibus crapula febrem induxerit, materiæque paululum fluens alvus quotidie ferè expresse-

rit,

a Lib. 1. 17.

q Lib. 1. 39.

rit, medicinæ, quæ ventrem duceret, locus fuisse videtur.

Hoc *Hippocratis* silentio inducti, aliqui eum nullis curandi instrumentis, nisi quæ in singulis ægrotis recensentur, usum esse contendunt, & proinde *Epidemiorum* commentarios scripsisse, ut eos tanquam sui in febribus tractandis instituti exemplar relinqueret. Sed sententiam hanc refellit ipse *Hippocrates*, qui, etiam ubi de medendi genere conticeat, medicamenta fuisse exhibita disertè docet, veluti cum lib. 3. *Æg.* 9. & sect. 2. *Æg.* 5. ut in re desperatâ, *nulla profecisse* scribit. Igitur si scire volumus, qualem in quoque morborum genere curationem instituerit, ex cæteris scriptis discendum est.

Sed ut huic argumento plenius satisfiat, *Galen*i, in *Hippocratis* medicinâ versatissimi, iudicium afferamus.

„ \* *Quia verò non in Pythione tantum,*  
 „ *sed & in aliis multis, qui sanguinis missio-*  
 „ *nem, quantum nos ex ipsius scriptis conjici-*  
 „ *mus, videbantur requirere, non invenitur*  
 „ *adscribere eam, alterutrum necesse est cogite-*  
 „ *mus, aut non detractum illis hominibus*  
 „ *sanguinem, aut hoc eum auxilii in narra-*  
 „ *tione omisisse. Atque nemini eorum, qui*  
 „ *id requirebant, missum fuisse, est improba-*  
 „ *G* „ *bile,*

\* Comm. in *Epid.* 31.



„ bile, cum ille vir remedium illud amaret :  
 „ ut in germanissimis suis libris significavit ,  
 „ in Aphorismis, in libro de victu in morbis  
 „ acutis, in libro de articulis, ipsoque aded  
 „ in hoc tertio de vulgaribus morbis libro, ubi  
 „ de quodam ægro in hunc modum scripsit :  
 „ Octavo die cubitum secui; multum, ut  
 „ debebat, fluebat. Nam cum octavo die  
 „ sanguinem illi detraxerit, multò sanè prio-  
 „ ribus diebus magis hoc usum præsidio cen-  
 „ seas. Quod autem singulis non adscripserit,  
 „ quibus hoc adhibuit remedium ægris, cum  
 „ meminerit eo minorum, ipsiusque aded sup-  
 „ positionis Balani, improbable est. Ergo  
 „ si quando utrinque est oratio absurda, mi-  
 „ nus absurdum eligendum est. Censco equi-  
 „ dem auxilium in multis esse assumptum,  
 „ quod prætermisum in oratione, ut clarum.  
 „ Quo me adducit potissimum, quod in iis  
 „ prædictum est, quibus octavo die missus est  
 „ sanguis. Etenim hoc ut rarum scripsit; &  
 „ sanguinis ante octavum diem missionem ut  
 „ consuetam præterit. Quod si in veris suis  
 „ operibus, magnis infestantibus morbis, sem-  
 „ per sanguinis missione utitur, simul cum eâ  
 „ duo hæc respiciens, ætatem pariter & ægri  
 „ vires : & his ipsis in libris de vulgaribus  
 „ morbis octavo die cuidam ait missum esse  
 „ sanguinem, nihil aliud excogitare possumus,  
 „ quam quod in ægris quidem non præteritum  
 „ fu-

„ fuerit hoc remedium, in narratione verò ut  
 „ clarum præteritum fuerit. Quare de san-  
 „ guinis missione, quia oratio ad ægros spectat  
 „ omnes, semel dixisse sufficiat, ut & cætera  
 „ quæ sunt communia. <sup>a</sup> Planiusque alio lo-  
 „ co idem, in hoc uno ægrorum primo &  
 „ tertio libro descriptorum de sanguinis missio-  
 „ ne Hippocrates fecit mentionem, non ut solo  
 „ cui sanguinem misisset, sed ut octavo die  
 „ solo. Nam tum etiam medici quasi lege  
 „ certâ ultra quartum diem venam non seca-  
 „ bant. Quando igitur huic octavo die mis-  
 „ sus est sanguis, multò certè plures censeas  
 „ sanguinis missionem requirentes, secundo,  
 „ tertio, quarto die auxilio hoc esse usos. Re-  
 „ tuit autem Hippocrates, sicut remedia  
 „ alia omnia, tamen necesse interdum habuit  
 „ scribere, nihil eos ab iis quæ offerebantur  
 „ adjutos fuisse, ut malignitatem suggereret  
 „ morbi: neque enim lucubrationem hîc cura-  
 „ tionis instituit, sed præsigitionis conscri-  
 „ bere.

Hæc Galenus. Quibus id unum adji-  
 ciam, mihi nunquam persuaderi posse, ut  
 credam in muliere illâ v. gr. lib. 3. Æg. 7.  
 ad quintum usque diem Anginam passâ, ne-  
 glectam fuisse ab Hippocrate venæsectionem,  
 qui in hoc morbo <sup>b</sup> ægrum cito suffocatum iri

G 2

pro-

<sup>a</sup> Comm. in Epid. lib. 3. sect. 3. 8.

<sup>b</sup> Vict. Acut. 39.

pronunciat, *nisi quis statim auxilium ferat, venasque & in brachiis & sub linguâ aperiat.* Quid in febribus ardentibus Phreniticisque affectionibus, quarum utraque omnem ferè hic implet paginam, fecisse eum verisimile est, qui, ubicunque accesserit inflammatio, millies edicit, quàm nulla spes sine sanguinis detractiōe sit? In a *Pleuritico* item, qui non ante tricesimum quintum diem febre solutus est, an nihil nisi venam *semel* fecuerit? Aut in b *Puerperâ*, quam ad diem usque octogesimum febriculâ detentam legimus, nihil nisi *Balanum* injecerit? Aut in eo denique, qui c. *febre ardente* conflictatus est quique ad diem 120 *traxit*, nihil quicquam exhibuerit medicinæ parens, qui in reliquis scriptis tam varia medendi genera persecutus est? Id potius arbitremur, *Hippocratem*, qui rei medicæ vim penitus intellexit, eam, ubi profutura esset, minimè omisisse: naturam quidem magistram esse secutum, sed tamen ita secutum, ut pro morbi necessitate artis subsidia adscisceret. Quid enim opus est medico, si omnia naturæ permitti debeant? Aut quid causæ est, cur hæc *Ans* salutis humanæ præses audiat, si suâ semper sponte morbi sanescant? Febres sunt quidem, quæ per se nullo modo finiri possunt, quæque curantis consilium

om-

a Lib. 3. sect. 2. Æg. 8.

b 1. 5.

c 3. 1.



omnino exigunt: etiam in iis, quæ interdum ipso temporis tractu solent evanescere, hoc efficit artis curatio, ut & breviores evadant, & exitu tranquilliore terminentur. Igitur de præfidiis in hoc morborum genere maximè illustribus, quæ vel à naturâ indicata, vel ab arte exculta sunt, singulatim pauca disseram: neque enim mei est instituti de medicinâ integrum volumen conscribere, sed ea tantùm, quæ apud alios aut intacta aut non satis explicata reperio, perstringere.

## COMMENTARIUS II.

*De Sanguinis Missione, præsertim de  
Venarum Jugularium Sectione.*

**S**IT adeò primus de sanguinis detractio-  
ne sermo. Quatuor ægrotos sponte fa-  
ctâ sanguinis eruptione sanari scribit *Hippo-  
crates*: quorum quidem Historiæ ita ab eo  
contextæ sunt, ut siquando simile inciderit  
morbi genus, clarissima inde patefiant san-  
guinis mittendi indicia. In primâ quippe  
signata sunt hæc; <sup>a</sup> *febris vehemens, lumbo-  
rum gravitas & dolor, delirium*. In secun-  
dâ, <sup>b</sup> *febris ardens, inquietudo, rubor, sur-  
ditas, vigiliæ, delirium*. In tertiâ, <sup>c</sup> *febris,*

G. 3

in-

a 1. 7. b 3. sect. 2. Æg. 7. c 3. sect. 2. Æg. 11.

*inquietudo, vigiliæ, convulsiones, dolor, coma, delirium.* In quartâ, <sup>a</sup> *febris ardens, acuta, vigiliæ, capitis gravitas, dolor, faciei rubor, delirium.*

Hæ cùm ita se prodiderint notæ, nemo est in medicinâ vel mediocriter versatus, cui non sanguis illico mitti debere videatur, si modò *vires* finant. Interest enim unicè, siquid sanguinis in hisce morbis detrahendum sit, quantum sit virium: quarum etsi multiplex sit nota, tamen, an validæ existant, certissimus index est pulsus. Adeò verum est quod *Celsus* notavit<sup>b</sup>, vim corporis melius ex venis, quàm ex ipsâ specie aestimari.

Signa ex pulsibus sumpta *Hippocrates*, licet primus nomen pulsûs literis prodiderit, vel quia non calluit, vel quia non magni usûs existimavit, prorsus neglexit: <sup>c</sup> quam tandem scientiam, camque ferè solam, medicinæ *Hippocraticæ* se adjecisse perhibet *Galenus*. <sup>d</sup> Certè ad sanguinis missionem plurimum momenti in hâc pulsuum distinctione positum est. Itaque in hujusmodi febribus, qui sanguinis pulsus satis valentem, addo etiam & plenum, perceperit, abjectâ omni cunctatione venam aperiet. Acri sæpius judicio opus esse fateor, quando in

<sup>a</sup> 3. sect. 2. *Æg.* 12.    <sup>b</sup> 2, 10.    <sup>c</sup> *Gal. de Cris.* 4.  
<sup>d</sup> *Præcog.* 13.

in febribus acutis sanguinem educere oporteat, quando secus: habet enim ea res multas cautiones; hoc unum videtur perpetuum venæsectionis indicium, si ad cæteras, quæ modò descriptæ sunt, notas accesserit pulsuum robur. Et venam quidem in *Acutis* circa initia maximè secari præstat, cùm vires adhuc integræ sint: nam aliàs sæpe, aut inclinante jam morbo nihil proficit, aut inveterascente mortem maturat.

Cætera de venæsectione, quæ latius fusa sunt, præcepta ex aliis petantur: mihi satis erit digitum ad fontes intendere. Id potiùs quæsierim, num peculiarem aliquam sanguinis mittendi rationem *Historiæ* hæ *Hippocraticæ* subiciant. Quatuor istorum, qui ægrotaverint, caput & cerebrum ita affecta esse constat, ut in *delirium* omnes inciderint; ejectoque demum per *navium* *venas* sanguine, morbo fuerint liberati. Et sanè sanguinis hæc ex parte eruptio, uti maximè naturale, ita & aliquando præsentissimum est vitæ præsidium. Artis igitur cùm sit naturæ ductum sequi, in iisdem rerum angustiis easdem venas, vel ex eodem saltem alveo derivatas aperiri sanè convenit. Quænam autem scalpello tam opportunæ sunt, quàm ipsæ, (unde cæteræ omnes per caput dispartitæ oriuntur) *Jugulares*? Id adeò nequeo non advertere, vix unum aut alte-



rum, quos his febribus correptos scribit. *Hippocrates*, delirio liberum fuisse: in quâ quidem cerebri affectione, quoties ad febrim accesserit, quoniam ex *Jugularium* sectione singulare levamentum deprehendisse visus sum, liceat de harum aperiendarum ratione paulo fusiùs differere, & ut dilucidior sit eorum quæ dicenda sunt explicatio, ex Anatomicis pauca assumere.

Vena *Jugularis*, est vel *externa*, vel *interna*: quarum hæc multò grandior, uti eam post *Nicolaum Massam*<sup>a</sup> accuratissimè descripsit *Fallopius*<sup>b</sup>, licet in *Brutis*, à quibus venarum harum figuras apud *Vesalium*<sup>c</sup> expressas habemus, contrarium prorsus reperiatur. *Externæ* ramusculi extremi ab ore, à faucibus, à facie, ab oculorum tunicis, ab universâ denique capitis cute atque musculis nascuntur. *Interna*, quæ multò altiùs delitescit, quanquam aliquando partibus jam memoratis surculos aliquos, auctore *Fallopio*, impertiat, ad imum *cranii* rectâ assurgit, inque *duræ matris* sinus laterales immergitur. Ita ut *Jugularis* *externæ* propages extremæ, *arteriæ Carotidis* *externæ* ramis inferantur: *interna* itidem *Jugularis* ac *Carotis* *interna*, vasculis *duræ matris* intervenientibus, conjungantur ac confluant. Cujus quidem fabricæ artificio sanguis per

<sup>a</sup> Introd. anat. 62. <sup>b</sup> Observ. Anat. <sup>c</sup> Lib. 3.7.

cerebrum ac caput ultro citroque comseat. Structuram hanc distributionemque venarum si penitiùs contemplari libeat, facile assequemur, cui demum fundamento nitatur facta in capitis ac cerebri morbis *Jugularium* sectio.

Sanguinis ex hoc loco mittendi mos est satis antiquus, utcumque inter paucos obtinuerit: de quo si perbrevis historia præmissa sit, & lucem aliquam huic argumento afferet, neque erit legenti forsan injucunda. Sunt qui *Galenum* secuisse *Jugulares* tradunt: ille tamen, ni fallor, non sectionem ipsam imperare videtur, sed, si casu aliquo secentur, curationis modum præscribere. a In *Vivorum Anatome* b, *Jugulares* aperiri jubentur, in principio lepræ & anginæ angustique anhelitus, in asthmate acuto, in raucedine vocis, in abscessu pulmonis, in spirandi difficultate, & in splenis & laterum morbis. Sed perperam iste liber, qui sanè perridiculus est, & ab *Arabe* quodam, ut videtur, confictus, *Galeno* adscribitur. Eadem prope memorat *Sorani Ephesi Introductio*: sed cum hoc itidem opusculum planè commentitium sit; cumque *Cælius Aurelianus*, qui se in omnibus ferè *Soranum* sequi profitetur, de hâc re omnino fileat, nihil hinc, quod hujusmodi medicinæ antiquitatem probet, colligendum

ligendum est. Sufficiet itaque has venas secandi originem ab *Alexandri Tralliani* temporibus repetere, qui a *Jugulares* à se scētas esse scribit, maximeque profuisse. Hanc ut quibusdam familiarem ævo suo curationem refert<sup>b</sup> *Actuarius*, quam itaque in *Gatoche* & *Phrenitide* deprædicat. Eam in omnibus capitis morbis adhiberi jubent *Arabes*; neque in iis solùm, sed in leprâ acutisque thoracis affectibus: unde fortè consuetudo illa ad *Ægyptios* manavit, quam apud eos etiam tum, cùm *Alexandriæ* esset, viguisse perhibet oculatus testis *Alpinus* \*. Post *Arabum* tempora, nisi in *Bertruccio*<sup>c</sup> & *Arnoldo Villanovano*<sup>d</sup>, (qui hoc ex iis ad verbum exprimunt, ut ferè ex *Græcis Arabes*) vix ulla est de hujusmodi venæsectione mentio: donec anno circiter 1500 *Anatomes* studium pæne intermortuum revocavit *Jacobus Carpensis*, modumque incidendi *Jugulares* fusiùs descripsit. Quo quidem seculo à pluribus pleno ore laudatur hoc curandi genus: sed longè abfuit, ut in consuetudinem venerit. Quippe *Botallus*, qui circa annum 1570 scripsit, disertè dicit se neque hoc unquam à medico præscriptum neque à chirurgo tentatum vidisse, adeoque aut nunquam in usu fuisse, aut esse tum penitus

a Lib. 4. b Lib. 3. cap. 1. \* Medic. Ægypt.  
c Cap. 4. de Phren. d Reg. San. c. 37. e Ilag. Anat.



nitus exoletum: & quanquam ipse primus venæsectionis usum in Galliam induxerit, venamque quamlibet in quocunque ferè morbo secuerit, fatetur quòd in<sup>a</sup> *Jugularibus* id experiri minimè aulus sit, *reformidans ne propter illius magnitudinem & magni trunci vicinitatem, non satis citò neque tutò sanguis cohiberi possit.* Imò *Riolanus* pater, qui recens à *Botalli* ætate fuit, de Apoplexiâ locutus, in hæc verba prorumpit: *Jugulares ausi sunt quidam secare pro extremo remedio.* Etiam *Fabricius Hildanus*, qui Ophthalmiis, Hemicraniis cerebrique inflammationibus hanc à se medicinam cum *efficacissimo subsidio* sæpius adhibitam esse prædicat, in Epistolâ, quam ad *b Doringium* 1614 exaravit, perpaucos tamen medicos, qui sectionem harum venarum approbârunt, hætenus sibi innotuisse scribit, eamque periculosam agnoscit, nisi expertus affuerit Chirurgus c. Quinimo in scriptis eodem anno editis *Julius Guastavinus*, professor *Pisanus*, has venas non sine periculo secari posse pronuntiat. Ita plerosque ab hoc auxilii genere deterritos fuisse constat, sive quod *Jugularium* vulnera aliquando lethalia esse observaverint, perperamque persuaserint sibi idem ex earum sectione eventurum; sive potius quòd, ut

sæ-

a Curat. per. V. S. cap. 40. b Cent. 4. 14.

c Combust. cap. 13.

sæpe fit, facta hæc à manu imperitâ sectio parum feliciter cesserit, notamque infamiæ experimento inusserit. Hoc nimirum usu frequenter venit, ut, quod remedii genus ignominia semel notaverit unius inscitia, dignitati suæ vix restituere queat scientium universa consensus.

Utcunque verò ea res se habuerit, nulum est in Historiâ Medicâ exemplum, ubi rite peracta sectio aliquid mali attulerit: imò sæpissimè usus ostendit morbis compluribus, iis præsertim qui caput attingunt, nullo modo melius succurri. Certè in *Phrenitide*, quæ febribus supervenit, medicinam hanc quàm maximè efficacem esse expertus sum, cum alia remedia minus commodè responderint: neque efficacem tantummodo, sed & adeò tutam, ut valde mirer aliquid de efficiendi difficultate, nedum periculo apud scriptores inveniri. Nam hæc vena, uti nullo ferè labore secatur, ita & secta facillimè omnium fanescit. Haud itaque opinor erravero, si quam demum in morbos vim exerceat *Jugularium* sectio, paulò altius investigare conatus sim, quò certius & rationes & tempora secandi intelligantur.

*Jugularis* adeo vel *derivandi* vel *revellendi* gratiâ inciditur; ut copiâ majore in partes affectas veniat sanguis, facit *derivatio*, ut minore, *revulsio*. Quæ quidem vocabula,

licet fatis antiqua sint, tamen nemo unquam intelligere poterit, nec proinde secandi leges in alterutro genere rectè statuere, nisi accesserit accurata de vasorum structurâ motuque sanguinis cognitio. Hocque verissimum esse facilè agnoscet, qui scriptorem qualemcunque *Harveji* ætate superiorem perlegerit. De quâ re qui dubitat, evolvat unum instar omnium librum *Renati Morelli* de venâ secandâ in *Pleuritide*, qui omnes omnium authorum sententias de hac *derivandi revellendique* doctrinâ congeffit.

Itaque in morbis, qui partes illas, unde *Jugularis* extimæ ramuli oriuntur, afficiunt, v. gr. in *Anginâ*, *Ophthalmiâ*, & *faciei Tumoribus*, quando hujusce venæ truncum incidimus, *derivationis* causâ nos hoc facere manifestum est, si modò quid hâc voculâ intelligi velimus, quod à *revulsione* sit distinctum. Hoc enim aditu patefacto, cum tollatur renixus, quem sanguis in extremis venulis positus ab eo, qui in *Jugularium* trunco conclusus est, sustinuit; sanguis ex arteriâ *Carotide*, quam hujusce venæ summis verticibus committi diximus, liberius fluit, perque affectam partem velocius decurrit: ita ut in eam sub ipso sectionis articulo major copia sanguinis deriveretur, quàm venâ nondum incisâ. Igitur in hujusmodi re apertis *Jugularibus*, eas à celeritate vires



acquirat sanguis, ut materiam aliquam in minimis ramusculis hærentem arteriolasque obstruentem percellere atque abigere possit: eodem planè modo ac *Saphenæ* sectio *Menses* deducit.

Ex quo illud intelligitur *derivationis* effectum subitum esse & maximè expeditum: in quo statu id advertere profuerit, si quando hoc consilium bene cesserit, in *recenti* obstructione valiturum: alioqui, si ea obfirmata atque inveterata sit, sanguis graviore impetu incurans vasa fortius premit, facitque ut humores in iis pertinacius subsistentes iter penitus claudant: Idem frequenter accidit ex *Saphenæ* sectione, quæ aliquando inconsultius facta *Menses* potenter suppressit: pari ratione ac medicamenta *discutientia*, quæ tempestivius adhibita tumorem prorsus dissipant, serius admota excitant atque attollunt, & in *Anginâ*, v. gr. *venæsectionem* vel scalpello, vel cucurbitis, vel hirudine factam in linguâ, in mento, in faucibus atque cervice, apud *Cælium Aurelianum* exoriente jam morbo imperari videamus, vigente prorsus prohiberi: idemque Author qui sectæ suæ, hoc est *Methodicæ*, vestigiis insitens in morbis quibuscunque venam non nisi *semel* secuit, in hoc post *quartum* diem incidi vetat; quanquam ante *tertium* diem, contra præscriptam ab

omnibus quos sequitur in omni morborum genere formulam , id fieri licere concedat.

Recentiores itaque medici, ut Tumorb-  
bus hujusmodi cum Inflammatione subortis  
meliùs occurratur, ordiendum esse à *revel-  
lentibus* præcipiunt; ut scilicet humorum  
impetu atque ardore jam elanguescente,  
obstructio his auxiliis labefactata levior  
tandem negotio à *derivantibus* funditus tolli  
queat. Eâdem gubernari ratione, ad ean-  
demque planè regulam dirigi debet curan-  
tis consilium, cùm deriventur humores ex  
*Jugulari*, à quâ veluti radice omnes istæ  
venulæ propagantur. Hinc in illustri illâ  
historiâ, quam de gravi oculi dextri inflam-  
matione ad hunc modum sanatâ narrat *Fa-  
bricius Hildanus*, primo die vena in brachio  
dextro lecta dicitur, proximo exhibitum  
*Catharticum*, tertio demum *Jugularis* aper-  
ta. Eodem fundamento nititur consuetudo  
illa, quâ, ingravescente *Anginâ*, post *re-  
vellentia* felicissimo successu *Jugularem in-  
tetnam*, circa inferioris maxillæ angulum,  
incidimus: nam quicquid contradicendi stu-  
dio opposuerit *Riolanus* <sup>a</sup>, coram *Chirurgis  
Londinensibus* in Theatro Anatomico haud  
ita pridem demonstravimus hujusce venæ  
ramum ad maxillæ glandulas, & ad fauces  
exporrigi: qui quidem non modò cum ar-  
teriâ

<sup>a</sup> Animad. in C. Bauhin. Anatom.

teriâ extrema *Carotide*, sed etiam cum externâ *Jugulari* concurrat: adeoque cum premente, uti diximus, *Anginâ*, pertunditur, idem efficit, ac si revera esset *externæ Jugularis* propago. Quod de venis etiam *Mammariis* in eodem morbo secandis scribit *Hippocrates*<sup>a</sup>, haud utique irrisione tam dignum est, quàm *Cælio Aureliano* videtur<sup>b</sup>. Nam & istæ, quemadmodum primus docuit *Fallopius*<sup>c</sup>, originem aliquando à *Jugularibus* ducunt.

Hæc ex *Jugulari externâ* sanguinis missio, non modò obstructions atque inflammationes extra Cranium obortas tollit; sed iis etiam, quæ *cerebrum* membranasque ejus corripunt, optimè medetur. Et sanè in his tutius multò adhibetur, illi utpote periculo minimè obnoxia, quod nonnunquam à *derivatione* metuendum notavimus. Quippe in *cerebri* morbis cum evacuentur *Jugulares*, fit a parte affectâ *revulsio*: quam rem paulò distinctius explicabo, quoniam nonnulla contrà disputari audia; quasi cerebrum hac evacuandi viâ non omnino levare possit, quia scilicet *externa Jugularis* nihil inde deferat, nec cum *interna Carotide*, quæ cerebrum irrigat, quicquam habeat commercii. Argumentum sanè speciosum! Sed *Anatomes* perito facilè ostendam, utut ratio illa, quæ

a De Morb. 3. 11. b Lib. 3. 4. c Obs. Anat.



quæ à vasorum structurâ petitur, sit verissimâ, tamen quod inde colligunt ita longissimè à veritate esse alienum, ut ob ipsissimam hanc rationem conclusio in contrarium duci debeat.

Hoc ut clarius eluceat, ex antedictis repetendum est, *Carotidem* Arteriam in duas dividi propagines, externam internamque: quarum hæc cum internâ *Jugulari*, illa itidem cum externâ summa ora conjungit. Cùm itaque internæ *Carotidis* ramusculos obsederit inflammatio, nîsus sanguinis, visque vasorum *Elastica*, tanquam paribus examinentur ponderibus, in æquilibratate quâdam quiescunt: diminuto altero, alterum augefcit: quòd si venam secando sanguinis, qui in cerebri vasa illabi consuevit, portionem aliquam detrahimus, vis illa, quâ moles sanguinea arteriolas premit, minuetur, & proinde calor, quæque eum sequitur raritas, decrescent; ita ut vasorum tunicæ quasi in libertatem vindicatæ fortius se contrahere valeant, & si quid minutissimis angustis inhæserit, exprimere.

Id etiam hâc viâ consequimur, ut evacuatione ex *Jugularibus* factâ, debilitetur illa, quæ sibi invicem humores adhærescunt, tenacitas: ita ut sanguis fluentior factus per vasa more solito facilius deferatur. In quibus quidem duabus rebus po-

tissimùm posita est *revellentium* omnium virtus.

Sed quò meliùs ea quæ dicta sunt huic argumento satisfaciant, rationem sic ineamus. Arteriæ *Carotidis* externæ internæque, si inter se conferantur, ferè æqualis est capacitas; itaque à trunco par sanguinis mensura in utramque immittitur: *Carotidis* porrò tam dextræ quàm sinistræ truncus, si res ad calculum exigatur, horæ parte quâlibet sexagesimâ accipiet uterque sanguinis uncias  $6\frac{1}{2}$ , cùm in Aortam, ut plerumque fit, influant uncia 66. Quantitas autem sanguinis in vas quodvis derivata hoc modo definitur. Scilicet *momento* sanguinis, si renixum omnem excluderis, respondet. Unde cùm exterior *Jugularis*, quæ cum externæ *Carotidis* ramo coit, secatur, Renixus, qui sanguini obsistit, in internâ *Carotide* major est quàm in externâ; visque tunicarum *Elastica* impedit, quò minùs in hanc propaginem sanguis liberè defluat, qui ideo in alteram, nempe *externam*, propellitur. Ita ut hâc ratione, cùm ad ora internæ *Carotidis* minuatur sanguinis pressio, fibrarum motrix facultas vim sanguinis, quâ unicè distenduntur vasa, excedat, & resecratis arctioribus viis amotâque materiâ obstructionem expediat.

Hoc verum esse clarius patebit, si modò  
ex-

exquisitius de hac re ratiocinari libeat. Itaque sanguinis *momentum*, si ad Renixum conferatur, sit ut 5 ad 1; quæ sanè, ut parcissimè dicam, minima reperietur proportio: in hoc statu si aperiatur *Jugularis*, copia sanguinis in interna *Carotide* fluentis, ad illam, quæ externæ illabitur, eandem rationem obtinebit, quam 4 ad 5. Quocirca aperto foramine, si, cum pars horæ tricesima effluerit, ab externâ *Carotide* in *Jugularem* externam deriventur unciae 13, eodem spatio interna *Carotis* recipiet uncias 10½. Tantillo temporis intervallo erit differentia unciarum 2½. Hinc satis liquet eam esse *revulsionum* omnium non modò maximè compendiosam atque expeditam, sed earum etiam, quæ à *cerebro* fiunt, fortissimam. Si quid ergo auxilii alia quævis venæsectio latura sit, hæc præ cæteris pollicetur.

Infirmissimum itaque est illud argumentum, quo contendunt nonnulli, hoc sectionis genere caput minimè levari posse, quòd cum externâ *Jugulari* nulla internæ *Carotidi* intercedat conjunctio: quod longè secus est; nam si quid illæ commercii haberent, nulla prorsus in hujusmodi re efficeretur *Revulsio*. Concedamus enim internam *Jugularem*, quæ cum illâ Arteriâ copulatur, aperiri posse: ex calculo, quo jam usi sumus, pla-



nè liquet, plus sanguinis, ( uncias nempe  $2\frac{1}{2}$  ) in internam *Carotidem* fluxurum, quàm qui venâ nondum sectâ se ingesserat: inde vis illa, quâ sanguis cerebri vasa comprimit, ad uncias 5 pertinet, si loco externæ *Jugularis* interna inciditur.

Supervacaneum videtur pluribus docere, quantum sit in hoc auxilii genere momentum, quoties quid à *cerebro* retrahendum est. Id ratio satis ususque ostendunt. Etenim quod in cane omni accidit suspendium passio, Anatomes perito satis indicat, quantum opis in his cerebri affectibus latura sit libera sanguinis ex *Jugulari* externâ eductio: hujus quippe venæ interclusio cerebri canini vasa sanguine obruit, mortemque more Apoplectico infert. Ita facilè ab his experimentis, uti primùm tracta est, sic & in majus provehi potest medendi via. Id tantummodo adjiciam, unum hinc idque illustre exemplum depromi posse, quàm longè medicam artem promovere queat de *sanguinis circuitu* doctrina, si modò lucem illam, quam immortale hoc inventum largitur, in medendi usum accommodare velimus. Nam apud eos, qui antea vixerunt scripseruntve, nulla certa aut vera de hoc medicinæ genere poterat esse cognitio. Illos quippe latuit omnino, cur in aliis *capitis* affectibus humores *derivet*, in aliis autem *revellat* *Jugularium*

*rium* sectio : quod nisi penitus perspectum fuerit, vix fieri potest, ut in alterutris vel tutò sanguis mitti queat, vel tempestivè. Itaque *Marcus Gatinaria*, sectioni huic maximè infensus, qui anno circiter 1440 scripsit, quemque centum fere post annis exscripsit *Jacobus Sylvius*, eam omni quidem in morbo, in *Apoplexiâ* <sup>a</sup> præsertim, prohibet: hoc potissimum argumento fretus, quòd sanguinem in cerebrum uberius transfundat. *Hollerius* autem, qui in eodem morbo *Jugularem* secari jubet, in eum opinionis errorem incidit, ut *derivandi* causâ id esse faciendum dicat. Etiam *Horatius Augenius*, qui grandi volumine omnes venæsectionis vias explicavit, disertè pronuntiat fieri nunquam posse, ut eadem vena simul & *revellendis* humoribus & *derivandis* inserviat.

Ita latè in omnem universæ medicinæ ambitum *Anatomica* notitia pertinet : sine quâ illa aut nulla omnino est, aut *Empirica*. Perpetuò quippe fluctuat artificis sententia, nisi artis fundamenta exquisitè percipiat : & si cui casu aliquo res bene cesserit, nullâ aliâ is laude dignus est, quàm quòd omne consilium in fortunâ posuerit.

Liceat hæc, quæ de *Jugularibus* secandis dicta sunt, exemplo illustrare; quod è mul-

H 3

tis

a Method. Practic. Apoplex.

tis ideo sumendum duxi , quoniam , experimento alterâ vice repetito , morbus tandem modo planè singulari abactus est. *Hippocratis* itaque ut institutum sequar , morbi formam paucis complectar.

Anno 1705 in eâ , quæ ad *Hispaniam* facta est , expeditione tam classẽ quàm castra *Britannica* invasit febris , continua quidem , ferè tamen interdiu remittens : & ad *Stationariam* , quam Annis 1685 & 1686 adumbravit *Sydenhamus* , proximè visa est accedere ; nisi quòd in illâ frigus calorem per vices exceperit , hæc calor tantùm remissione deferbuerit. Ineunte *Julio* , potissimùm increbuit ; nescio an in causâ fuerit præcalida illa , quæ modò præcesserat , tempestas. Accessio morbi subita & atrox : nam præter vulgares notas , uti sitim , inquietudinem , oculorum & præcordiorum gravitatem , linguæ scabritiem , artuum dolorem , corporis imbecillitatem , alvi desidiam , *cerebrum* etiam ingruentis mali indicia ferebat ; neque quenquam novi febre hæc laborantem , qui vel capitis dolore vel vertigine vacaret. In quamplurimis etiam ventriculus malè se habuit. Nonnullis lumbi , quasi instantibus *Variolis* , dolebant. Interdum levi quodam horrore febris accessit. Quando ad statum pervenerat , spirandi molestiam , tendinum subsultus , & deliria



ria ferè semper intulit, nisi arte tempestivè coercita. Increfcente morbo frequentes singultus, qui aliquando ad biduum durârunt citra ægroti periculum. *Athletici* præ aliis & acerbius affecti sunt, & perempti citius: cæteri ferè lentâ morte sublati. Nonnulli, cùm cessasse penitus videretur febris, dies quatuor vel quinque, sine dolore aut agrotatione, licet imbecilli, jacuerunt: deinde distentionibus nervorum repentè obortis, brevi expirabant. Atque hoc quidem, neglectis *Vesicatoriis*, præsertim obtigit. Convalescentibus aliquando supervenit ventris fluxus, qui tamen perrarò, nisi torminibus intervenientibus, mortem attulit. Aliàs, vires perquam ægerrimè redierunt, præcipuè *pituitosis*; quibus etiam diutius incubuit morbus. In perpaucis *Parotides*, aut abscessus circa Inguen orti morbum solverunt; quod sanè, quantum advertere licebat, unicum erat morbi remedium, quod natura subministravit: sed ne hoc quidem, nisi *Evacuantibus* parcius adhibitis, accidere solebat.

Hujusmodi febre correptus est D. *Pool*, in nave *Barfleur* Præfecti vicarius, cui D. *Cooper* Chirurgus pro Pharmacopæo fuit.

i. Die questus est de artuum doloribus, de æstu, & capitis gravitate. Pulsus velox

& validus ; nulla alvi dejectio. Itaque sanguis ex brachio missus est ad  $\frac{3}{4}$  xii.

2. Doloribus aliquatenus mitigatis, cætera ferè eadem. Accessit & nausea. Quare vesperi datum est *Vomitorium*, à quo non modò alvus dejecta est, sed & capitis levamen est subsecutum calorisque remissio.

3. Nox inquieta. Ventriculus meliùs se habuit. Sub noctem vehementer incalescebat. Pulsus celer, & inæqualis. In facie rubor maximus, & in capite dolor. Sitis intensa. Adhibitum est *Nuchæ Vesicatorium*. Temperatis medicamentis usus est; à calidioribus prorsus abstinuit.

4. Mane pulsus paulò pacatior. Sed post meridiem recrudescebant omnia. Redit capitis molestia, aliquando & delirabat. Urina pallidior, nec quicquam in eâ subsedit. Applicata sunt *Vesicatoria* ampla utrique brachio.

5. Per noctem multa corporis jactatio. Mane ferè eadem. Pulsus valens, velox, duriusculus. Itaque cùm frustra fuerint *Vesicatoria*, missus est sanguis ex *Jugulari*, unde caput maximè recreatum est, mensque sibi constitit. Æstus remissior, siti utcunque permanente. Ita ferè ad horas sedecim agebat.

6. Post mediam noctem iterum delirabat, aliena multa locutus. Febris, nullâ inter-

po-

positâ remissione, admodum ingravescebat. Injectus est *Clyster*, & admotum capiti raso *Vesicatorium*.

7. Eadem omnia. Nulla delirandi intermissio. In manibus insuper tendines subliebant. Spiratio nonnihil difficilis. Adhibebatur alterum *Enema*.

8. Calor vehementiùs excanduit. Major etiam tendinum subsultus. Lingua aliquando hæsit. Scintillabant oculi. Urina haud malè colorata, nihil tamen deposuit. Aptabantur utrique femori *Vesicatoria*.

9. Nihil omnino intellexit. Lecti fimbrias diduxit, & floccos vellicabat, cum antea intra verba desipuerat. Per vices aliquando singultu correptus est.

10. Quia omnia, etiam *Vesicatoriis* toties adhibitis, in pejus ruere visa sunt, & quia Pulsus adhuc satis valenter se habuit, iterum ex *Jugulari* eductæ sunt sanguinis  $\bar{\text{z}}$ xii. A quo quidem tempore statim ferè cessavit delirium, & cætera signa paulatim in melius mutata sunt, ita ut ex toto tandem secuta sit integritas.

Hæc, quæ de *Venis Jugularibus* dicta sunt, ad *Arteriæ Temporalis* sectionem perinde, & quidem propius, spectant. Hæc quippe apertâ, propter eum quo sanguis effunditur impetum, si modò pleno flumine exiliat, expeditissima omnium fit *Revulsio*.



*Arterias* satis frequenter secuerunt medici veteres; consuetudinemque eam ita apud *Ægyptios* invaluisse scribit *Alpinus*<sup>a</sup>, ut has illi haud rarius quàm venas scinderent. Cæterùm hæc sectio, ut feliciter cedat, non nihil difficultatis habet; etiam aliquando cum periculo fit: quare nolo in hoc argumento longus esse, præsertim cùm minimè futurum videtur, ut nostri unquam homines huic medicinæ generi assuescant.

a Medic. *Ægypt.* p. 60.

### COMMENTARIUS III.

#### *De Sudoribus.*

**N**Onnullos sudore primùm perfusos, dein febre liberatos memorat *Hippocrates*, five sudor ille revera morbum finiebat, five potius sub fine morbi obortus est, quod lib. 1, 6, 7. lib. 2. sect. 2, 7, 11, 12, contigisse constat. In quibus quidem ægrotis erumpente magis sanguine, quàm *sudoris* vi terminari videtur febris. Etenim sudor perpetuò apud *Hippocratem*, quantum ego percipio, non ut curandi instrumentum, sed tantùm ut præfagii nota proponitur. Igitur ille in libris, qui germani habentur, remedii, quod sudores provocet, nusquam meminit: etiam in iis, qui *Hippocrati* falso sunt

sunt adscripti, *semel* tantum facta est hujus, qui medicamentis perficitur, sudoris mentio. Author quippe libri *secundi Epidemiorum*<sup>a</sup> hoc imperat: at quâ demum medendi viâ sudores ciet? Cubantem scilicet *stragulis* prudenter operit, deinde *farinam coctam vinumque meracum* exhibet. Neque etiam hæc dari suadet, nisi in illis febribus, quæ à *lassitudine*, aut simili quâpiam causâ proveniunt, quales ferè sunt quæ vocantur *Diariæ*.

Adeò parum in usu apud veteres fuit intro sumpta ad sudores eliciendos medicina, ut de eâ verbum aliquod ne quidem apud *Latinum Hippocratem* reperiatur. Siquid ergo adversum has febres auxilii attulerint sudores, id omne à natura profectum esse videtur. In quibus fortè materia superans facilius per cutim dissipari poterat, vel propter cœli temperationem, vel propter bonos ægrotantium mores, quos neque desidia, neque luxuria vitiaverat. Certè, ut nunc est hominum vita, frustra vel à natura, vel ab arte hanc morbi solvendi viam expectamus: & si qua acerbior inciderit febris, verè mihi videor esse affirmaturus, rarissimè per sudores solos ad integritatem veniri.

Sed tamen ab *Arabum* usque temporibus cœpit in immensum serpere remediorum sudores

dores moventium varietas : ut vix ulla sit febris, adversus quam vel *Chymicorum* aliquis, vel Anicula paulò curiosior, nulla morbi habitatione, singulare *Antidotum* non adinveniret. Hinc consuetudo illa ad nos etiam defluxit, ut febricitantes *Cardiacis* maximè, utpote jucundam curationem promittentibus, uterentur. Ita facilè voluptatis causâ in errorem incidimus; qui nusquam periculosior est, quàm ubi de salute agitur.

Hanc medendi institutionem, ut nimiùm in calidioribus remediis positam, jure repudiat *Sydenhamus*: quæ tamen ex hodiernâ medicinâ non videtur penitus, uti debuit, exulâsse. Quid enim hac curandi ratione assequuntur medici, nisi ut calidissima quæque exhibendo, sudoresque affatim provocando, rapidior fiat sanguinis circuitus, quod & fatentur ipsi: unde, febre paulatim invalescente, & cerebrum tandem occupante, deliria nervorumque distentiones, si non accersi, saltem haud arceri videmus. Idque constanter experiuntur ii, qui in febribus acutis nihil nisi *Serpentariæ* radicem, *Salemque* de *Cornu Cervino* expressum, & similia, amant ingerere. Idem accidere solet, ubi in febribus *remittentibus Corticem Peruvianum* importunius adhiberi contigerit: cujus hunc ferè exitum percipiunt medentes, ut quæ antea paululum subsederat febris, jam, nulla  
inter-



interpositâ morâ, vehementiùs excandescat. Sed in hoc rerum statu quid demum consilii capiunt? Scilicet metu exterriti, inque maxima inconstantia versati, ultro citroque se agere necesse habent, & continuò aut ad *Vomitoria*, aut ad *Sanguinis missionem*, aut ad *Vesicantia*, tanquam ad extrema remedia, confugiunt. Hunc adeò fructum habet præpostera hæc medendi ratio, ut, unde incipere debuerint, ibi morbo jam consistente definant; & ea salutis præsidia alieno tempore frustra sæpius tentent, quæ Artis periti inter initia valetudinis magno cubantium commodo præcipiunt.

Est & alia huic diversa infania, quam insaniunt nonnulli, quorum in *Acidis* posita est omnis curatio; quique spem nullam nisi in *Aceto*, aut *Pomorum agrestium* succo collocant: quasi quia nefas sit ægrotum comburere, ideò protinus frigore enecare oporteat.

Nollem hæc, quæ hæctenus dicta sunt, ita accipi, quasi nulla in febribus curandis remedia, quæ sudores eliciant, suaderem. Etenim quæ mediæ materiæ sunt, & temperata habentur, multo cum emolumento adhiberi & posse, & debere haud inficior. Ista, de quibus antea dictum est, cum utrinque à mediocritate nimium absint, tanquam planè perniciofa, ex medentis supellectile penitus rejicienda sunt: his etiam, quæ blandiora

diora sunt, si iis solis rem totam committimus, parum tutò creditur. Sin præcesserint *Evacuantia*, & febris melius succurrit, & sudores evocant expeditius. Quod & de *Opiatis* verissimum est: quibus quidem nulla est medicina ad aperienda cutis spiracula efficacior.

## COMMENTARIUS IV.

### *De Vomitione.*

UNICA est apud *Hippocratem* Historia lib. 1. 13. in quâ, ubi præcesserat *Vomitio*, morbus solvi dicitur. Quod quidem observatum, in communem medendi usum traxerunt artis nostræ principes. Neque enim ullum est remedium sub initiis febrium æquè salutare; sæpenumero & necessarium est, siquando, quod plerumque fit, vel nausea, vel ventriculi gravitas, vel etiam capitis dolor invaserit. Quod medicinæ genus & apud vetustissimos *Græcos* haud infrequens fuit, & *Celsi* temporibus *Romæ* perquam familiare. Hâc quippe evacuandi ratione non modò primæ purgantur viæ, crudæque materiæ redundantia compescitur; sed cùm viscera musculique corporis vehementiore motu agitentur, ipsæque medicamenti particulae in sanguinem sese insinuent, ita demum resol-

vuntur

vuntur humores, ut liberior fit intra vasa tenuia circuitus, &, siquid superfluum sit per cuticulares meatus diffuat. Igitur in hac Historiâ, post vomitum excitatum, sudores multos consecutos esse testatur *Hippocrates*.

Ita medicamenti, quo vomitus cietur, interior est quædam actio: quæ nusquam aliàs se manifestiùs prodit, quàm in celebri illâ radice, *Ipecacoanbâ*. Hujus sanè vis in attenuandis humoribus eximia est; cui & fidem facit summa herbæ amaritudo, & vividus ille, qui apparatu *Chymico* elicitur, Sal. Equidem hanc radicem non parcâ manu adhibitam esse comperi, cùm nulla ferè vel per os, vel per alvum sequeretur purgatio: elapsâ autem unâ aut alterâ horâ incallescere cœpit ægrotus, ita ut, pulsu excitato, tandem in uberrimum sudorem colliquesceret. Atque in hoc, quantum ego conjecturâ assequi possum, præcipuè consistit egregia illa in *Dysentericis* affectibus virtus, quam sibi præ aliis vomendi instrumentis *Ipecacoanba* vendicat. Igitur à *Brasiliensibus*<sup>a</sup> præsentissimum habetur contra venena auxilium.

Dixi, sub *initiis* maximè febrium *vomitionem* esse tentandam. Neque in contrariam partem testis citandus est *Hippocrates*,  
li-

<sup>a</sup> Gal. Pison. Histor. Brasil.



licet circa *decimum quartum* diem evacuatione hâc morbum solvi dixerit. Nam mulier hæc, à *septimo*, febre planè libera fuit, tresque ita dies integrè egerat : *undecimo* autem, rigore correpta est, quem excepit æstus intensior : ita ut hæc febris ex *intermittentium* genere fuisse videatur, quæ quidem *continuae*, ut sæpe fieri solet, successerat. Adeoque novo huic morbo, circa principia, finem attulit *Vomitio* : quæ quidem ad extinguendas febres intermittentes semper cum fructu adhibetur, etiam & ad continuas valet, si morbus nondum inveteraverit.

Atque hæc sanè in febribus acutis facere oportet ; neque tamen ideo in morbis omnibus, qui febrem habent conjunctam, experiri convenit. Quid enim de iis censendum est, qui in *Pleuritide* v. g. contra *Celsi* præceptum<sup>a</sup> *Vomitiva*, eaque valentissima, præscribunt ? Quasi unquam vehemens illa lateris contentio, quæ inter vomendum oritur, morbum levaret ! Imò augeat necesse est. Nam eo remedii genere intempestivè adhibito, quæ in *pleuram* aut *pulmones* defluerat materia, altius multò impingitur, vasaque obstruit pertinaciùs. Quid de iis etiam, qui, *variolis* ferè jam ad maturitatem perductis, vomentia præcipiunt ? Cùm nulla

pror-

prorsus medicina humores potentiùs avertat, quàm quæ *vomitum* ciet: cujus sanè in revellendo vis ex hoc satis intelligitur, quòd scilicet *coxarum dolores*, atque *Oedemata* sæpius expugnet, aliis frustra diuque tentatis revellentibus. Hanc itaque ob causam, qui de curandi ratione accuratissimè scripserunt Authores, instante jam *Crisi*, *Vomitoria* planè prohibent: utpote quæ, *revellendi* vim cùm habeant, isti levationis viæ, quam, magistra optima medendi, natura molitur, proculdubio officiant. Inimò Viri Artis *Chirurgicæ* peritissimi, hoc sibi ut perpetuum proponunt; Ubicunque tumor aliquis ad suppurationem inclinaverit, ibi non modò à *Vomitoriis*, sed ab omnibus cujuscunque generis *evacuantibus* esse abstinendum. Quare, variolis jam mature-scentibus, nisi quid à suffocatione sit periculi, & ratione ipsâ, & universâ scientium voce damnatur *Vomitio*: quam tamen nonnullis eò usque placuisse vidimus, ut, sub ipso ferè mortis articulo, hoc perquam familiariter usi sint remedio.

## COMMENTARIUS V.

*De Excreatione purulenta : De Pleuritide  
- item, & Peripneumonia.*

**S**Put a quidem multa ejecit *Pythion* lib. 3. 1. in quo tamen morbus ita parum excreatione aliquâ materiæ solutus est, ut non nisi suppuratione coortâ tandem decesserit. Solus est *Anaxion* lib. 3. sect. 2 8. cui hâc viâ obtigit integra morbi liberatio. Sanè memorabilis est Historia, quam & sæpius retrahat *Galenus*, & quanto cum iudicio eam perlecutus est *Hippocrates*, ostendit; dicitque varias hîc commissas esse notas, quæ non sunt perpetuæ, ideoque nomen morbi à scriptore reticeri: quem ipse tamen *Galenus* pro germanâ *Pleuritide* agnoscit. De quâ quidem pauca distinctius proferam, quia huic argumento ab authoribus parum esse satisfacturo video.

*Pleuritis* adeò vera à *Pleuræ* inflammatione oritur: siquidem intra parietes hujusce membranæ (duplex enim est) Arteriola multæ à ramo intercostali deductæ effunduntur, quæ, levi sæpe de causâ nimium distentæ, obstrui solent, inflammationemque pariunt. Legitima *Pleuritidis* signa, quibus ea ab alio quovis morbo distinguitur, sunt



sunt quatuor, *dolor lateris vehemens atque pungens, spirandi difficultas, febris, & Pulsuum durities*; quod quidem ultimum inter proprietatis notas malim reponere, quàm, cum *Galeno, Tussim.* Cujus sanè sententiam uti sæpius datâ operâ aspernari & respuere, hominis esset valde arrogantis; ita in omnibus sequi velle, superstitiosus est. Neque enim Authores in medicinâ faciendâ, sed Rationis momenta quærenda sunt.

*Riverii Reformati* Editor, *Joh. Manelfum* secutus ( qui, repugnante omni medicorum scholâ; *serratum* Pulsum in *Hecticis* a solum, non in *Pleuriticis* agnoscit ) hanc pulsûs duritiem omnino explodit, tanquam rem in *Pleuritide* nunquam, nedum in alio quocunque morbi genere, observatam. Sed, præterquam quòd scriptores propè universi *Pulsûs duritiem* lateris dolori familiarissimam esse tradunt, usus ipse satis testatur eam perpetuò adesse, ubi paulò vehementiùs non huic modò *membranæ*, sed cæteris etiam, cerebri præsertim, insederit inflammatio. Et certè hujusce Pulsûs, si ad sensum provocamus, tam facilis atque expedita est distinctio, quàm aut validi, aut celeris, aut pleni.

Quòd si partium membranacearum naturam propiùs contemplari libeat, duritatis

hujus rationem protinus assequemur. Siquidem membranæ omnes sunt *Elasticæ*, ideoque à vi externâ diversimodè vel constringi, vel explicari solent. Hinc pelles animalium tam mortuorum quàm viventium, sese in arcum retrahunt, si calor aliquo modo accesserit: idque in omnibus corporibus, quæ flecti & resilire queunt, perpetuum est, ut, siqua eorum portio aut porrectior, aut contractior fiat, cæteræ omnes pariter de statu pristino declinent. Serici quippe aut Chalybis filum, Funis, vel Chorda musica, siquam in alterâ extremitate vim passâ fuerit, in alterâ vibrabit: quæ quidem omnia per totam æqualiter longitudinem aut intendi, aut remitti videmus. Siquam itidem membranæ partem vehementius pervelli & contrahi contigerit, quod reliquum est unâ conspiciat, & modo planè simili afficitur. Totius adeò corporis membranæ mutuum inter se invicem habent commercium, ab iisque propagantur omnes *Arteriarum* tunicæ. Inflammatione igitur obortâ, *Pleura* irritatur admodum & constringitur, eandemque rigiditatis speciem in *Arterias* derivat: atque hæc quidem *Arteriarum* contractio, quâ minùs flexibiles fiunt, digitoque segniùs cedunt, *duritatis* sensum efficiet.

Uti nulla legitima *Pleuritis* sine his, quas modo retuli, notis potest consistere; ita mul-

multæ aliæ affectibus, quos vocamus *Pleuriticos*, sæpius adhærescere solent: quæ tamen ad alium morbum, huicque in multis dissimilem, *Peripneumoniam* nimirum, pertinent. Illud jure aliquis mirabitur, tam confusam atque implicatam esse utriusque hujus morbi descriptionem, & à *Veteribus* & à *Recentioribus* traditam. *Veteres* quidem eos inter se distingui scribunt, sed easdem utrique notas assignant: idque facile animadvertere licet, quòd, quæ apud illos de *Pleuritidis* caractere leguntur, ad *Pleuritidem* quidem referenda sint, sed cum *Peripneumonia* conjunctam. Etenim *Peripneumonia* simplex atque incommutata in eorum scriptis occurrit; de *Pleuritide* verò, quæ *Peripneumonia* non habuerit adjunctam, nisi *semel* apud *Hippocratem*<sup>a</sup>, nihil usquam legimus. *Recentiorum* plerique vix ullum inter hos morbos discrimen ponunt, gradu tantum dissimiles esse volunt: nonnulli etiam ad *Pleuram* tantillum attendunt, ut in *Pleuritide* nullas ei partes concedant. Hinc adeò manavit omnis hæc obscuritas: scilicet. cum *Pleura* ita afficitur, ut in *abscessum* veniat, pulmones, uti loco proximi, ita &, si fabricam spectes, tenerrimi, labem facile arripiunt, *Pleuræque* adhærescunt: ita cum *Peripneumonia* *Pleuritidi* supervenerit, describitur ta-



men morbus, tanquam mera esset *Pleuritis*. Hocque perspicuum faciunt ii, qui mali hujus decursum scriptis explicant. Fatendum est frequenter accidere, ut pulmones unà laborent: sed id utique in *Pleuritide* minimè perpetuum est. Quod ut meliùs intelligi queat, haud alienum erit partium, quæ in his morbis affici solent, situm naturamque perpendere: quippe in hâc re eam nobis lucem impertiet *Anatome*, ut in alterutro morbo tum signorum causas, tum medendi rationes clariùs investigare possimus.

*Peripneumonia* itaque uno omnium consensu nihil aliud est, quàm pulmonum inflammatio: hanc a *Pleuritide* secretam atque liberam operæ pretium erit explorare, ut, quæ sui indicia vi suâapte proferat, videamus. Pulmonibus obstructis atque inflammatione quâdam correptis fieri non potest, quin primum morbi impetum sustineant *Bronchiorum* vascula: quibus supra modum turgentibus, interior *Asperæ Arteriæ* tunica ita comprimitur & vellicatur, ut musculis inde contractis, ac spiritu per os rejecto, *Tussim* provocet. Hoc onere oppressis pulmonibus, quidam gravitatis atque molestiæ sensus suboritur, &, aëre tum intromisso tum expulso citiùs, turbatior fit & magis festinata respiratio: ita ut, cùm calor, quem parit inflammatio, naturali intensior  
fit,

fit, spiritus etiam, dum emittitur, incallescere videatur. Et hic quidem in spirando fervor, tanquam perennis & constans *Peripneumonia* nota apud *Hippocratem* proponitur: etiam sola est, quæ non communiter & *Pleuritidi* conveniat, quemadmodum morbum hunc & ab illo & à veteribus cunctis descriptum accepimus. Cum itaque diutiùs invaluerit obstructio, quid factu facilius est, quàm ut vasorum aliquot, quæ agitari plurimùm interque se collidi diximus, rumpantur? Quorum tunicis dehiscentibus profluet suo tempore vel tenuis humor, vel sanies, vel pus, prout ulcerum ratio exigit. Ad hunc modum materia intra membranas *Bronchiales* accumulata, quæ natura iter ostendit, excreatione tandem egeritur. Igitur quando hæc simul cum *acutâ febre* concurrant, viz. *Tussis*, *pulmonum Gravitas*, *Spiritus calidior*, *Purisque rejectio*, propria & mininè eminentia sunt *Peripneumoniæ* indicia. Quorum quidem postremum non morbum modo indicat, sed & plerumque solvit; quippe ex *Peripneumoniacis* pauci, nisi subvenerit pectoris purgatio, evadunt.

Nihilominus ab omnium ferè ætatum scriptoribus, *Tussis* atque *spatorum Excreatio* inter signa, quibus secernitur *Pleuritis*, recensentur. Interdum sanè est, ubi *Pleu-*

*ritin* comitetur *Tussis*, cui tamen ex naturæ necessitate nulla est cum eâ cognatio: pulmones quippe & *Pleuræ* & *Costis* sæpius adhæsisse compertum est, minimè interim accedente *Tussi*: etiam ab *Empyemate*, in quo materia undiquaque diffuens pulmonum superficiem continuò premit, haud rarò abest *Tussis*. Quam tamen à *Peripneumoniâ* abesse non posse satis docet *Anatome*: & cuicunque harum structura partium vel mediocriter cognita sit, is intelligat necesse est, quàm parum in purgando pectore valeat sola lateris inflammatio, nisi & idem simul sit in pulmonibus vitium, sive, quod eodem redit, nisi adsit *Peripneumonia*. Ita ut hoc malo laborantes *Pleuripneumonicos* rectè dixerit<sup>a</sup> *Riolanus*. Hoc nimirum & ratio, & historia medica confirmant: nam multa *Pleuriticorum* cadavera secta sunt, in quibus *Pleura* quidem corrupta,<sup>b</sup> Pulmo adhuc integer repertus est: etiam ubi *Pleuritide* ægrotum periisse scribitur, pulmones nunquam intactos fuisse discimus, siquando  
 n & *Tussis* & *sputorum Fluxio* præcesserint<sup>c</sup>,  
 n Itaque optandum esset, ut, quemadmodum hæc sanorum, ita & illa morbidorum corporum accurata inspectio apud nos in consue-

<sup>a</sup> Anthropolog. de Pulmone. <sup>b</sup> Bonet sepulch. Vesling. Obs. 36. Bald. Bald. 45. 56. Prosp. Mart. in Hipp. 70. <sup>c</sup> Harder. Obs. Anat. Bonet. sepulch.



fuetudinem veniret : etenim res minime controversa est, lucem esse omnem ab arte *Anatomicâ* petendam, quâ Medicus morborum plurimorum & proprias sedes eruere possit, & signa legitima internoscere. Quam ob causam factum esse arbitror, ut *Celsus* elegantissimam illam humani corporis a descriptionem curandi præceptis inseruerit : utque, eadem vestigia persecutus, breve quoddam de partium structurâ commentariolum morborum Historiis præmiserit *Aretæus*.

Legitur apud *b Dodonæum* Historia *Peripneumoniarum* popularis, quæ tunc temporis, viz. annis 1557 & 1565 grassata est, in quâ comites perpetui aderant *Tussis*, *Purisque Excreatio* : Atque is quidem ad extremum narratiunculam suam sic claudit, quòd scilicet *morbum hunc non Pleuritidem, sed Peripneumoniam fuisse, mortuorum corporum dissectiones coram ostenderint*. Et hoc utique intelligi velle videtur, medicorum esse de eo, tanquam *Pleuritico* affectu, iudicium.

Hâc *Tussis* Expuitionisque ratione habitâ, uti alii veterum multi, ita *Herophilus* (quo nemo in scientiâ vel *Anatomicâ* vel Medicâ, si *Galenus* credimus, exercitior fuit) *Pleuritidis* sedem in pulmonibus sitam esse contendit. Argumentum ipsum, *Cælio Aure-*

*liano interprete, sic deducitur. „ a Dehinc  
 „ etiam Tussicula signum est ex antecedenti-  
 „ bus consequens morbum fibrarum pulmonis,  
 „ esudati corporis liquoris sive Cannæ guttu-  
 „ ris: singula etiam extussita de pulmone venire  
 „ manifestum est, qui neque venis neque arte-  
 „ riis neque fibris contiguus vel admixtus esse  
 „ lateri videatur, ut per ipsum latere accepta  
 „ excludi posse credamus. Et ea sanè est  
 hujus argumenti vis, ut, quæ ipse Cælius  
 contra disputat, nugatoria planè sint atque  
 infirma. Fatendum est quidem *Herophilum*  
*Pleuritidis* vocabulo abusum fuissè, qui ta-  
 men de tussiendo sputandique ratione rectis-  
 simè sensit: in eâ enim erat opinione, cùm  
 in tota pulmonum substantia vitium sit, o-  
 riri<sup>b</sup> *Peripneumoniam*; cùm in parte tantùm  
*Pleuritin*.*

Hunc de *Pleuritide* errorem renovavit an-  
 te duo ferè secula *Alexander Petronius*, &  
 à pulmonibus tumentibus urgentibusque  
*Pleuram* malum omne derivari voluit; mem-  
 branas scilicet negavit inflammari posse,  
 ideoque ita parum concessit auxilii aliquid  
 in sanguinis detractiōe situm esse, ut eam  
 in *Pleuritide* tractanda contumaciter repu-  
 diaret. Qua quidem in re eo usque proces-  
 sit hominis auctoritas dicam an confidentia,  
 ut *Romæ* Sæctam condiderit: exemplo pro-  
 pe

pe inaudito, ut, opinionem non absurdam  
modò sed jam pridem relictam revocando,  
Inventoris gloriam adeptus sit.

Explicatâ ad hunc modum morbi utrius-  
que historiâ, facilè apparet, quàm malè "  
*Pleuritidi* adscribitur, tanquam proprietatis "  
nota, *Puris Excreatio*: quamque ineptè at-  
que inaniter operam navent ii, qui vias,  
quibus hæc *Pleuræ* materia per pulmones  
deferatur, excogitant. Quorum alii eam  
à pulmonum tunicis imbibi, alii in sangui-  
nem resorberi putant: & quò meliùs sibi  
constet fabula, vasa huic fungendo officio  
perquam ingeniose assignant, aut venam  
scilicet *Azygon*, aut *Vertebrales*, etiam &  
*Bronchiales Arterias*, prout fert acumen ho-  
minum conjecturam modò huc, modò il-  
luc ducentium. Atque huic fundamento  
maximè nititur, quæ à scriptoribus medicis  
præcipitur curandi Ratio, tamen simplici,  
quàm in eâ, quæ *Peripneumoniæ* conjungi-  
tur, *Pleuritide*, ubi omnis ferè, quam ad-  
hiberi volunt, medicina ad sputa elicienda  
dirigitur: cùm tamen in simplici *Pleuritide*  
sæpenumero nihil coëat, quod expui de-  
beat; neque, si debeat, sine *Peripneumoniæ*  
interventu, sursum evocari possit. Adcò  
qui in istâ *Pleuritidis* specie hanc tantum-  
modo medendi viam sequitur, haud sanè  
intelligo, cur non idem & in pedum  
in-



inflammatione sputum moventia præscribat.

Frequens est hujusmodi *Pleuritis*, quæ etiam & à *Spuria*, ut vocatur, facile distingui potest: hæc aliquando in suppurationem abit; & materiæ vis vel in vacuum Thoracis sinum effunditur, vel aliquando etiam, citra tussim ullam purgationemve pectoris, aut per alvum, aut per vesicam abducitur. Idem & nonnunquam accidit, ubi parcius fuerit per sputa materiæ rejectio. Exemplo est *Pythion*, qui exorto post quadragesimum diem circa sedem abscessu, ita ut Puris plurimum cum Urina efflueret, ad sanitatem pervenit. Sunt etiam *Pleuritides*, quibus nulla supervenit suppuratio; quas cum *Tussi sicca* junctas describit sive <sup>a</sup> *Hippocrates* sive quis alius, & proinde *aridas* & *sine sputo* appellat. Hasque veras esse *Pleuritides* argumento est, quòd cum lateris dolore *Febris* etiam *invaserit*. Igitur eas *venæsectione* sæpius, medicamentisque *discutientibus* curari tradit. Hinc *Aretæus*, qui inter *Græcos*, ab *Hippocratis* laude propius abest, tum quòd eleganter admodum, linguâ *Ionica*, scripserit, tum quòd a se pleraque depromens, alienis vestigiis minimè insisterit, venam *primo die* aperiri jubet. Neque dubium est, in hac

*Ana-*

*Anaxionis* ægrotatione , eandem medendi viam ab *Hippocrate* fuisse institutam , & in principio quidem morbi , cùm nondum *octavum* diem attigerat , neque adhuc sputorum ulla fuerat maturitas. Ego quidem hac ipsâ , quæ proximè elapsa est , hyeme , *Pleuriticis* interfui non paucis , quibus nulla fuerit puris exspuendi significatio : qui tamen omnes , venâ ter aut amplius sectâ , admotisque *Vesicatoriis* , ad sanitatem pervenerunt. Et in hoc rerum statu non dubitans dixerim , *Oleosa* omnia , quæque ad sputum excitandam idonea habentur , per se ipsa , parum proficere.

Sunt fortasse , qui hæc , quæ paulò subtiliùs de his affectibus disceptata sunt , non ita multum ad curandi artem conferre existiment. Quorum tamen pace dixerim ad rem medicam plurimum interessè , ut certa nobis sit , tum de notâ morbi propria , tum de sede , cognitio. His quippe repertis , medendi facultatem feliciùs reperiemus. Igitur qui *Pleuritidis* naturam bene perspectam habet , facilè sentiet , quàm præsens inter initia sit à vena secta auxilium : hinc quippe ita pen let omnis ægrotantium salus , ut si ab hoc medicinæ genere discefferis , aliud frustra quæras. Hanc in *Pleuritide* tractanda viam tenuit *Sydenhamus* , sanguinemque liberrimè detraxit , de remediis ,  
quæ

quæ sputa extruderent, parum sollicitus. Eandem hanc viam nunquam deseret, cui corporis morbi que ratio explorata sit: quæ quam accuratè à medico intelligi debeat, hac ipsâ in re *Petroniani* isti insigne documentum reliquerunt. Nam ii, quia morbi sedem ignoraverint, neque ad *Pleuram* omnino pertinere putarint, ideo nec sanguinem quidem mittendum censuerunt. Ita opinionem falsam in re, ut videri potest, levissima magni errores consequuntur: & hæc præsertim circa morbos commenta id habent periculi, ut eorum artifices, cum mederi volunt, vehementer peccent, & cum *Petronianis* sola, quæ in medendo valitura sunt, præsidia aut negligant, aut planè rejiciant. Qui quidem quanquam optima petere videantur, non voluntate quidem, sed cursus errore falluntur.

## COMMENTARIUS VI.

*De Abscessu: deque Coli & Vesicæ  
Ulcere.*

Singularis est illa *Pythionis* historia, in principio *tertii* descripta: in quâ demum abscessus circa Sedem subortus, cum per Urinæ itinera puris plurimum effuderat, integrum feбри finem attulit. Qui notulas,  
quæ



quæ his Historiis subscriptæ leguntur, affinxit, hanc morbi liberationem *Urinæ copiosius effusæ* tribuit: id quidem perperam; neque enim ad urinæ quantitatem, sed ad qualitatem potius, utpote quæ fuerit purulenta, *Pythionis* sanitas referri debet. Neque leve est quod *Hippocrates* his in libris sæpius observat, Urinam, quoties materia illa purulenta per vesicam abducta est, cum difficultate & dolore reddi consueßse, ita ut Stranguria laboraverit ægrotus. Cujus rei rationem erit aliàs opportunior exponendi locus.

Morbos abscessu solvi satis vulgare est, qui frequentissime quidem febribus & variolis supervenit, maximè circa aures atque inguina. Nonnunquam & toto corpore diffusa excrescunt tubercula, quæ in Pus aliquando resolvuntur. At hæc circa Urinæ meatus suppuratio haud ita admodum frequens est, nisi in Calculosis: saltem quæ *febricitantibus* salutem præbuit, in medicorum monumentis perrarò legitur. Mihi fanè semel videre contigit, quod huic *Hippocratis* exemplo planè respondeat: ita tamen ut hoc intersit; quòd, utcunque abscessu facto paulatim decesserat febris, ægrotus tamen sanitati minime restitutus sit. Cujus quidem ægrotationis Historiam, quia similem neque in libris unquam invenerim,

neque

neque auditione acceperim , hoc in loco perscribere haud putavi alienum.

Vir & ingenio peracri, & studio flagranti, & doctrina eximia, & memoria singulari excellens, anno ætatis sexagesimo tertio, circa *Autumni* initium, valetudinem amisit. Urgebant nempe viscerum dolor, flatus, & quasi quædam convulsio: languescebat admodum stomachus. Post autem aliquantò aderat desidendi mingendique cupiditas; stranguria, dolor juxta inguen & circa glandem permolestus, præcipue post extremam mictionem gravissimus, in *Perinaeo* ad vesicæ cervicem pondus: atque hæc omnia & nova, & repentina. Urina primum difficilis, atque intercisa; deinde mox magno cum impetu & sonitu quodam, quasi ventus aliquis erumperet, excreta: in qua quidem color inerat naturalis, nihil tamen subsedit. Dolor aut resupinato, aut inclinato, aut etiam cum distenderetur vesica, levior. Atque hæc inter mingendum molestiæ ad vitæ usque finem perdurabant. Accessit interdum sitis.

Hoc ferè modo ad medium *Novembrem* traxit: quo tempore dolores statim exacerbescere sensit, siquid paulò calidius hauserat: per biduum vomitu omnia rejecit; cruciari sibi intestina, & abdomen vehementius tendi querebatur.

Nov.

Nov. 18. Inter mejendum dolor acerri-  
mus; febris cum siti latis acuta: quæ ta-  
men, die tertio elapso, aliquantulum remi-  
ferunt. Arenulæ aliquot asperæ, quæ ma-  
gnitudine caput aciculæ æquabant, ejectæ,  
color urinæ saturationior: in quâ subsedit plu-  
rimum muci glutinosi & subflavi, sangui-  
ne hinc inde, aliquando etiam carunculis  
ramentisve respersi: qui quidem à pure mi-  
nimùm aberat, nisi quòd neque læve ad-  
modum esset, neque malè olens. Cum  
Urinâ sæpe ejusmodi flatus proruperunt, ut  
æger quendam quasi crepitum reddere vi-  
deretur.

Nov. 26. Recruduit dolor; obortus est  
rigor; horrore totum corpus intremuit.  
Pulsus celer, & depressus; lingua arida. U-  
rina sanguine plurimùm tincta; quam qui-  
dem non nisi in lecto cubans excernere po-  
tuit.

Dec. 3. Dolorum requies; seu potius sen-  
sus obtusior. Caput quippe tentari cœpit.  
Febris, singulis diebus vesperi ingravescere  
sueta, tandem ferè prorsus elanguit. Spiri-  
tus paulò difficilior. Urinâ mordax, plane-  
que mali odoris: pus eâ largitate profluens,  
ut urinæ copiam propè excesserit. Huic  
malorum moli paulatim accessit sensuum stu-  
por. Ita in hoc Viro ille animi motus, quo  
nihil celerius aut acutius esse poterat, veter-



no tandem obtorpuisset. Quis autem non jure beatum illum dixerit, vel quòd vitam doloris expers tamdiu produxit, vel quòd, cum diutius haud sine dolore vivendum esset, vivere desiit?

Aperto cadavere, Urinæ iter accuratius pervestigatum est. Nam ad sectionem ita animo parati accessimus, quasi qui calculum effemus inventuri. Sed neque in vesicâ, neque in ureteribus, neque in renibus ipsis, ullum omnino sabuli, nedum Calculi apparuit vestigium. Dum ulterius viscera scrutamur, Colon ita pertinaciter vesicæ adhærescere animadversum est, ut ne cultro quidem facile dividi posset. Quâque in parte adhærescebat, in conspectum venit Diametri quasi sesquiuncialis ulcus rotundum, quod non modo *Coli* ipsius tunicas penitus absumperat, sed etiam vesicæ membranam extimam perederat. Hinc via per tunicam vesicæ mediam sive musculosam perforata est, quæ pennam anserinam reciperet: unde continuo pus ab ulcere intra vesicam defluxit, aditusque patuit, quo in Urinæ ductum ab intestinis commigrarent flatus; de quibus quidem, dum viveret, ægrotum somniâsse perperam credidimus.

Satis jam credo intellexit Lector, signa hîc omnia præcessisse, quæ Calculo in vesicâ sito propria habentur. De quo ne dubita-

re possemus, maximo sanè erat argumento, quòd ea se ita clarè prodidissent. Sed nos demum erroris coarguit, magister in morborum causis eruendis optimus, culter *Anatomicus*. Igitur in hujusmodi re, ubi incidèrit Calculi suspicio, nisi is inter explorandum *Chirurgi* manu deprehendatur, de eo non ita fidenter pronunciare convenit. Neque enim erubescendum est, si haud semper nobis liceat, quàm ratione morbos aut gignat aut abigat natura, suspicari: saltem honestius est nos aliquid nescire nos confiteri, quàm tandem in opinione fictâ atque vanâ convictos turpiter erubescere.

Sæpenumero mihi de his ipsis signis cogitanti non ita obscura videtur ratio, quemadmodum ea, etiam sine Calculo, pus suapte vi producere potuisset. Nam satis mihi videor intelligere, cur pus, interiorē vesicæ membranulam stimulans, tot tragoedias excitârit: cur eâdem de causâ mejendi ac desidendi cupiditatem, cur dolorem, etiam ad extrema glandis, commoverit: cur urinae ardorem stillicidiumque, aut circa vesicæ angustias subsistens, aut urethram deinde transfluens, invexerit. In hoc unicè hæreo, unde nimirum fieri potuit, ut tantilla puris effluxio alicujus ponderis sensum, eumque haud mediocrem, exciverit: nam aderat circa pubem gravitas continua, qualis Cal-

culo premente sentiri solet. In quamcunque partem hoc argumentum verso, fateor me-  
met mihi parum satisfacere ; quod igitur vi-  
ris in hoc scientiæ genere exercitioribus  
discutiendum relinquo, iis, siqua in re tam  
reconditâ rationum momenta proferre vo-  
luerint, gratiam habiturus.

## COMMENTARIUS VII.

*De Purgatione: Quam vim habeat in febre  
putrida, quæ Variolis confluentibus su-  
pervenit, inque capitis Erysipelate.*

**Æ**Grotis pluribus, nempe lib. 1. 10.  
lib. 3. 3. sect. 2. 9. ex *alvi resolutione*  
valetudinem esse restitutam constat. De  
quo quidem auxilio ita multa in *Epidemio-  
rum* libris habet *Hippocrates*, ut hanc om-  
nium frequentissimam fuisse animadvertat,  
quam natura in Morbis hisce liberandis mo-  
lita est, viam. Idem &, qui deinde secuti  
sunt medicinæ magistri, multiplici experi-  
mento comprobant: neque hîc quidem sub-  
sistens *Fernelius*<sup>a</sup>, febrem continuam aut  
*sudore*, aut *sanguinis profluvio*, aut *abscessu*  
denique solvi posse pernegat, „ *unâ inte-*  
„ *rim alvi spontaneâ solutione tutò ac perfe-*  
„ *ctè judicari pronuntiat. Ea quippe (inquit)*  
so-

<sup>a</sup> Meth. Med. 702



„ *sola potest putridam febris materiam per-*  
 „ *fectâ jam concoctione apparatusam pror-*  
 „ *sus excludere, atque viscera & majo-*  
 „ *res venas sordidâ illuvie obsessas, citra*  
 „ *virium & naturæ jacturam & offensionem,*  
 „ *expedire.*

Itaque naturæ consuetudinem institutumque imitatus, ipse aliquando *Hippocrates* eandem in acutis febribus curandi viam tentavit: cui & ex *Recentioribus* nonnullos neque infrequenter neque infeliciter instituisse video. Sanè siquid in his casibus præsidii à purgatione petendum sit, *Recentiores* eam satis tutò instituere posse videntur, & quidem meliùs *Antiquis*: hi quippe remedia in hoc genere non nisi acria maximeque valentia sequebantur; iis jamdudum in usum suppetunt, quæ lenissima sunt, quæque medentis arbitrio faciliùs obsequuntur.

Sunt sanè ejusmodi febres, quæ purgantia commodè recipiant; sunt etiam, quæ omnino desiderent. Tamen, cùm locus iste longè latèque pateat, hæc medendi ratio tam multas habet cautiones, ut neque ullæ de eâ satis accuratæ ab *Authoribus* tradantur regulæ, neque, nisi laboris ac judicii plurimum accesserit, tradi possint. Nam & perito ita suam in hâc re sententiam persequi, ne erret, haudquaquam facile: scriptis verò ita aperire, ut alii in errorem

non incidant , difficillimum. Itaque mendicantibus, ut hanc usu atque exercitatione consequi possint intelligendi prudentiam, relinquendum.

Hoc solummodo mihi nunc oneris suscipio , ut certum aliquod *februm* genus designem, in quo potissimum valitura sit *Cathartica* medicinæ virtus. Ita cum simplicissima sit quæstio minimeque involuta, magis expedita erit eorum, quæ dicenda sunt, explicatio. Atque ex *febris* quidem nullam aliam æquè purgationi opportunam reperio, ac eam, quæ *Variolas confluentes*, maturitate pustularum aut vigente aut jam inclinâtâ, semper excipit. Ea quippe febris uti omnium maximè putrida est, & periculi plena, ita præ cæteris curationem hanc aptius recipit. Morbus cum sit ille notissimus atque apud omnes pervulgatus, hoc eum in loco describere supervacuum planè videtur: ea tantum attingam, quæ ad hanc medendi viam propius spectant. Quam quâ demum ratione, quoque potissimum tempore sectari oporteat, ex propriis cujusque ægroti historiis dilucidius patebit, quàm si ea fuerit generatim atque universè explicata: hoc ut facerem, eò magis adductus sum, quòd in novo argumento id expectent lectores, id jure quodam desiderent. His igitur ut satisficiam, enitar.

*Historia Prima.*

Vir illustri loco natus, ætate florens & viribus, Febr. 3. 1709, *Variolis* correptus est: quæ quidem, dum erumperent, atrocissimum dorso dolorem intulerunt. Medici, qui inter initia affuerant, venam secari, vomitoriumque adhiberi imperabant.

Febr. 6. Per totum undique corpus, perinde ac faciem, multitudine ingenti effusæ sunt pustulæ, exiles, depressæ, confluentes; in genis quasi pelliculæ speciem præbentes: aliàs item, post primum in erumpendo impetum, lentè admodum evocatæ. *Dietâ* usus est tenui & temperatâ: *Fracastorii Confectio*, aquâ vel *Cerasorum*, vel *Lactis* soluta, maximè pro medicinâ fuit. Somnum quippe perdifficiliter capiebat: atque hoc non ex ægrotatione modò, sed ex naturali temperie profectum: ita ut, cùm non ita pridem febriculâ tentatus *Genuæ* decumberet, per septem serè continuos dies somnum vix viderit.

*Sputatio* ad triduum, utcunque mediocris, satis tamen feliciter processit; deinde ex toto intercidit. Ex quâ quidem re pessimum præsagium cepi: quanquam aliis aliter visum est, qui hanc in *Variolis* sputorum profluentiam ex naturæ, nescio quâ,



*malignitate* proficisci credunt. Certè, utut maligna sit, in hoc morbo, ubi confluxerint *Variolæ*, ferè necessaria habetur. *Sydenhamus*, qui *Variolas* exquisitissimè omnium descripsit, non nisi unum se vidisse perhibet, cui in hoc confluentium genere sputa non prodiissent: in quibus quidem pro more fluentibus ægroti salutem æquè verti, ac in eo, quòd aut facies rite intumesceret, aut pustulæ maturitatem haberent suam, judicavit.

Febr. 9. Pustulæ circa mentum ferè nigrae evaserunt: quæque in genis confluxerant, Pergamenam aut glaciem lævitate imitabantur. Fauces iis obsitæ condoluerunt: facies modicè turgebat. Vesperì, ad ciendum vomitum, exhibita est *Oxymelitis Scillitici* uncia.

Febr. 10. Visus est sibi aliquantulum recreari. Facies in tumorem magis elata, licet adhuc, quàm morbi natura exigeret, depresso. Sputatio rediit; elapsis autem horis circiter decem, prorsus decessit. Sub noctem, *Vesicatorium Nuchæ* appositum.

Febr. 11. Manus paululum intumescabant. Nequid verò in hoc difficili tempore (quippe *nonus* jam erat dies) deterius accideret, vesperi de *Vesicatoriis* brachio admovendis convenit. Neque hoc quidem nimis maturè factum est; nam & tendines sub-

subfilire, & labia convelli cœperunt. Noctem hanc in maximâ molestiâ egit: nimirum febris vehementer excanduit; accessit delirium, totiusque corporis tremor.

Febr. 12. Mane nec loquendi, nec deglutiendi facultas erat ulla: itaque de eo planè conclamatum est. Injēctus tamen est *Clyster*, unde alvus per commodè fluxit. Post meridiem, cū *Vesicatoria* nimirum jam optatissimè respondissent, ad se prorsus rediit: Febris, nervorumque distentio remiserunt. Pustulæ exarefactæ à capite deciderant: quod quidem undiquaque ulcusculis ita scatebat, ut, tanquam *Vesicatorio* erosum, tenuem humorem uberrimè funderet. Idem & in facie aliquantò post contigit, ubi recentis materiæ copia maxima sub crustâ jam siccescente exudavit.

Feb. 13. & 14. Febris inhærebat assiduè: pulsus tamen, qui, ex quo decubuerat, inæqualis admodum fuit, his diebus ad normam magis compositus. Tumor penitus subsederat. Medicamenta *Cardiaca*, & *Diaphoretica* per aliquot dies sine fructu fuerant adhibita: neque enim aut sudoris, aut madoris minimum erupit. Itaque *Clysterem* alterum suasi: sed hinc id periculi timebatur, nè, si alvum plus simplici vice moverit, mortem afferret. Cæterum applicatus est tandem; & ventre subducto, aliquantulum levamento fuit. K 5 Febr.

Febr. 15. Iterum vehementior tendinum subsultus. Delirium crebris intervallis revertebatur. Neque enim adhuc decesserat febris, neque illa medendi ratio, quam institueramus, quicquam profecerat. His adeò de causis, quia & sanguinis missio non satis commodè cessura videbatur, de ventre leniter ducendo sermonem intuli. Multa de periculo dejectionum responsa: eamque curandi viam à se fuisse tentatam, neque tamen unquam satis ex sententia processisse. Quam tamen à me aliquoties feliciter esse usurpatam dixi; nullumque aliud medicinæ genus relinqui, quod in his ferè desperatis ægroti rebus valeret. *Variolæ* quippe partes suas dudum expleverant; neque spes ulla reliqua erat, per cuticulares meatus aliquid amplius excludi posse: in eo nimium diu à nobis elaboratum est; clareque apparuit materiam hanc purulentam, à quâ & fomitem feбри & pabulum suppeditari in confesso erat, per aliquas corporis vias abduci oportere. *Clyster* alvum bis solverat; unde neque fluxûs periculum, neque ulla virium jactura. Scire vellem, quam demum ob causam, post *Variolarum* decessum, *purgantia* præciperent omnes omnium gentium medici, nisi quòd materiæ hujus reliquias à sanguine exterminari voluerint, quæ, si intus delitescerent, essent læturæ. Dominus *Bus-*  
*siere,*



*fiere*, qui ægroti ulcera curabat, nepotis sui historiam narravit, qui ex *Variolis* febricitans, hâc purgandi ratione, die *decimo septimo*, ad integritatem pervenit. Propugnatum est pro medicamentis *Cephalicis*, quæ delirio tremoribusque nervorum tollendis habentur idonea: quæ quidem medendi ratio, ut ut bene cesserit, morbi ramos amputare potuisset, non omnes radicum fibras evellere. Nam utcumque cætera conquiescerent, malorum omnium causa, Febris, perstitisset. Nihilominus *Spiritum Cranii humani*, *salemque Armoniacum Volatilem* præscripsimus.

Febr. 17. Mane cum febre & convulsionibus graviùs luctabatur, evasitque planè veternosus: à triduo nullum opiatum sumferat. Itaque rursus, ut purgaretur, institi: sed eodem ac priùs modo occursum est. Novum argumentum ex hoc *Comatis* accessu natum est, periculum scilicet esse, ne si duceretur alvus, nimio æger fluxu interiret: hujusmodi enim fluxum in *Comate* inter notas maximè lethales haberi. Quâ quidem argumentandi viâ minùs mihi satisfactum esse fateor, quod ipsum hoc *Coma* nihil aliud esset, quàm alterius morbi nota: quòd si morbus fuisset primarius, ne tum quidem rectè interdiciendum esset purgantibus: quæ ab omnibus medicis in utum duci video, cum in *Comate* alvus parum liquida extiterit.

rit. Quid quòd in *Comate* tantum absit, ut illa ventris resolutio semper cum periculo fiat, ut aliquando suâ sponte oborta morbum summoverit. Sed fidere *Cephalicis* commodissimum visum est: ad quem finem *Julapium* est ordinatum. Post meridiem febris ita invalescebat, ut in easdem æger angustias deductus esset, quibus *sexto* abhinc die conflictabatur. Itaque de eo, ut hâc ipsâ nocte morituro, prælagium factum est; cognatique, tanquam extremo munere functi, discesserunt. In hoc rerum discrimine, an medicina posset quicquam proficere, valde dubitatum est: certè siqua subesset salutis spes, in eo maximè posita esse videbatur, ut flueret alvus. Hoc ut efficeretur, diu à me flagitatum est: quod si fuisset effectum, viribus nondum attritis, poterat prodesse. In summo tamen periculo præstaret anceps experiri remedium, quàm nullum. Pronuntiatum est esse moriturum, sive purgaretur sive non: purgari tamen nullatenus concessum: id enim esse affirmabant, ut extra artis regulas positum, ita rationibus suis incongruum. Ad extremum verò ita convenit, ut horâ nonâ hoc sumeretur *Catharticum*.

℞. *Decoct. Sen. Gereon.* ℥iiij.

*Sal. Mirabil. Glauber.* ℥j.

*Aq. Cinnamom. Hord.* ʒvj. M.

Trium

Trium ferè horarum spatio, alvus ingenti copiâ bis descendit : dejectionesque hæc cum solidæ & nigræ, tum admodum foetidæ fuerunt. Dominus *Bussièrè*, qui unâ aderat, testis est, quemadmodum convulsiones illi co remiserunt. Febris plurimum inclinata, pulsusque valentior factus. *Coma*, quo graviter laboraverat ægrotus, evanuit: post aliquot horas, non eâ quidem quâ prius vehementia, recurrit.

Febr. 18. Omnia in deterius ibant, febrisque præsertim acriùs exarsit. Itaque alterâ vice *Nuchæ* admotum est *Vesicatorium*. Vesper, cum ultra spem adhuc vitam traheret, cumque, quid valere posset medicina, etiam nunc experiri commodum videretur, de *Flore Sulphuris* injecta est mentio. Quærenti mihi, quid tandem esset id, quod ea medicina efficere possit, responsum est eam fortasse posse ventrem solvere, posse etiam tuberculum extrudere: esse enim in propellendis humoribus efficacem. Fuisse nuper in re simili adhibitam, unde alvus creberrimè fluens ægrum ad sanitatem perduxit. Siquidem illa alvum moverit, satis eam mihi placere; eam quippe unicam evacuandi rationem reliquam esse, quâ ægro salutem polliceri posse videbamur. Itaque *Sulphuris* drachmam partitis vicibus sumpsit. Quæ quidem alvum minimè solvit. Me-  
diâ



diâ ferè nocte, cùm ex *Vesicatorio* profluxerat humor uberrimus, mente omnino constitit: nullum delirii, neque *Comatis* vestigium: Convulsiones haud antehac ita mediocres: Febris mirum in modum tenuata; pulsusque tum viribus valentior, tum intervallis distinctior. Facies, quæ consanuisse videbatur, novâ materiæ accessione recrudit. In eodem planè statu ad horas circiter triginta permansit.

Febr. 19. Magnam ex valetudine in melius mutatâ voluptatem captavimus, naturæque, suo ut fungeretur munere, permisimus. Vesper, cùm de curandi ratione consilium esset initum, occasionem arripui de fructu illo, quem ex *Evacuantibus* percipimus, pauca loquendi: edisserens id apertissimis indiciis significari, ut eadem illa medendi via, ne recurreret morbus, teneretur. Contrà disceptatum est: verum quidem esse, quod morbus multò levior fieret: id tamen neque à *Vesicatorio*, neque à *dejectionibus*, sed à *sulphure* profectum. Rem maximæ difficultatis esse, ubi plura adhibentur remedia, dignoscere, utri in morbo liberando primas deferre oporteret. Esto: at quotidiano usu comprobatum est, Febrem ac delirium *Vesicantibus* remediis *purgantibusque* tolli solere, *sulphuris* drachmâ extinguì posse hætenus inauditum. Ea qui-

quidem quæ procurata est alvi dejectio, quamquam morbi impetum omnem haud penitus fregerat, magnâ tamen ex parte levârat: unde venter non supervacuo modò, sed & noxio illo onere liberatus est, neque ullum secutum est, quod tantopere timebatur, incommodum. Vires instaurâsse potiùs, quàm exhaustisse videbatur purgatio; quæ si non fuisset adhibita, periculum esset, ne ægrum sola *Vesicatorii* vis ex hac crudeli necessitate minùs eripere potuisset. Certè si illa materiæ putridæ moles, per alvum effusa, intus adhuc restitisset, spirandum vix erat, aliam quamvis medicinam quicquam profecturam. An non plus immineret periculi à tantâ intro conclusâ putredine, quàm à medicinâ, quæ eam ex intestinis eliceret? Rem enim ipsam satis loqui, naturam nimio oppressam pondere succumbere: variolarum maturatione materiam illam, quæ fovit atque aluit morbum, non satis fuisse exhaustam: & quam porrò viam esse reliquam, hoc quo maximè opus erat efficiendi, nisi ut per alvum lenis atque continua fieret purgatio; quam quidem sine ullo vitæ discrimine fieri licebat. Etenim id facile erat advertere, quòd *evacuatione* quâcunque factâ, sive ea *Vesicantium*, sive *Clysteris*, sive *purgantium* ope processerit, ad tempus saltem val levaretur morbus, pulsusque perpetuò

tuò invalesceret. Quod ad *purgantia* quidem spectat, eam præ aliis medendi rationem, in putridis hisce febribus, quæ variolis superveniunt, suadet *Sydenhamus*: eandemque mihi à se sæpius institutam narravit, vir in re medicâ celeberrimus, *Radclivius*, qui in Remediis adhibendis, summâ suâ cum laude nec minori ægrotantium comodo, hoc sibi unicè proposuit, ut naturam per omnia ducem sequeretur. Profectò tantum abest, ut hoc curandi genus recentior excogitatum fuerit: cum morbo ipso vetustate potest contendere. *Rhazes* enim, qui inter *Arabas* & auctoritate fuit & antiquitate princeps, quique primus omnium non modò Variolas descripsit, sed duo quæ nunc sunt earum genera<sup>a</sup> explicuit, historiam hanc singularem literis configuravit. „<sup>b</sup> *In puellâ* (inquit, postquam „ variolarum pustulæ deciderant) *remansit* „ *tamen aliquid Febris acutæ*, & putavi „ quòd esset residuum humorum non educ-  
 „ rum per egestionem, & non poterat subito „ & semel in totum purgari propter debili-  
 „ tatem virtutis ejus; feci tamen ipsam as-  
 „ siduare Aquam Fructuum quindecim die-  
 „ bus in Aurorâ, & Ptisanam, & assole-  
 „ bat ex hoc bis in die, & fuit mundificata „ perfectâ mundificatione. Hæc *Rhazis* mo-  
 nu-

<sup>a</sup> De pestilent.<sup>b</sup> Mirab. Cur.



numenta fusiùs illustravit *Zacutus*, iisque, quæ ex hâc Historia notavit, animadversionem adjecit perappositam, eamque sanè haud futilem; „ *a Licet ulcera in cute non*  
 „ *omnino deleta sunt, medicamentum cle-*  
 „ *menter expurgans semper erit utile, quia*  
 „ *tunc non curamus Variolas, sed novum*  
 „ *morbum; qui cum à pravo humore ori-*  
 „ *ginem ducat, si non expurgetur, damna*  
 „ *potest committere, quæ difficilem postea,*  
 „ *aut nullam admittant correctionem.*

Sed demus nullum habere autorem, nullo exemplo fieri hoc purgandi institutum, tamen vel ex hoc, quod nos ipsi fecimus, experimento satis elucere arbitrabar, cur hâc nunc potissimum viâ insistendum esse statueremus. Quæ, si in hac morbi gravitate semper esset nocitura: mortem maturâsse debuerat, non ægrum in spem sanitatis crexisse. Quod si ei nullas in præsentî periculo depellendo partes concedimus? Id saltem negari non posse, tutissimè eam posse adhiberi: eam jam fuisse adhibitam, unde valde levatus est morbus, nec quicquam incommodè cessit. Adeò inanis erat nimii fluxûs timor. Tamen de hoc etiamnum timere non est desitum, utpote à quo, si intervenerit, æger maximè esset periclitaturus. Id quoque haud prætermissum est,

L

mul-

multa esse à *Sydenhamo* prolata & venditata, quæ nullo fundamento niterentur: veluti quæ de *Equitatione* scripsit, tanquam, sicut in Febre intermittente *Cortex Peruvianus*, item hæc in Tabæ non dubiè valeret: id quidem quotidianâ experienciâ refelli. Quid in cæteris scriptis præstiterit *Sydenhamus*, me non est decernere: in his quæ ad *Variolas* spectant, eas ita amplè atque accuratè pertractavit, ut omnibus in eodem argumento versatis jure anteponi debeat. Ea verò, quæ apud illum de *purgantibus* in hoc Variolarum statu adhibendis leguntur, in eo opere proposuit, quod extremum a publico dedit; quasi ultimum esset animi sui judicium, quod longinqui temporis usu atque periclitatione firmaverat. In quâ quidem medendi ratione ita parum temere processit, ut, si verum dicere liceat, non satis audax fuerit; nam eam nimis arctis conditionibus astringit, nec nisi *faceffente morbo*<sup>b</sup>, nisi *die decimo tertio*, nisi *præmissâ venæsectione*, fieri patitur: cùm & sine sanguinis missione, & ante diem decimum tertium, & in summo morbi impetu tutissimè factum esse viderimus: sed hanc nimirum ille, uti ferò admodum senex didicerat, ita paulò timidiùs & diffidentiùs adhibebat.

Sed iterum de *sulphure* agitata est quaestio:

a Schedul. Monit.

b 91. ibid.

stio: magno esse argumento, cur eâdem utendum sit medicinâ, quod tam prosperè cesserit: nullam aliam esse regulam, quam in remediis deligendis sequi oporteret: id quoque eò fortasse accessurum, ut à *sulphure* expelli possit tuberculum. Parum ex re fore arbitrabar, ut exhiberetur *sulphur*: quia nisi id alvum solveret (quam ab eo minimè solutum iri experimento satis constabat) calorem excitaret, febremque denuo accenderet; quam quidem semper à *Diaphoreticis* exacerbuisse comperimus. At contrâ affirmatum est, id in *refrigerando* valere, *Oleumque* ex eo perquam frigidum solere exprimi. Certè, si urumque ex viribus æstimemus, *Oleum* à *Floribus* longè discrepat: siquidem in re *Chymicâ* versatum minimè latet, partes duas, easque plurimùm diversas, in *sulphure* contineri; & quò *Oleum* rite elici possit, necesse esse, ut igne partes eæ, ex quibus *Flores* maximè constant, in sublimē ferantur: itaque, si refrikerit *Campana*, *Oleum* non ita commodè secernitur. Ex centum *sulphuris* nativi libris, *Olei* circiter quinque proveniunt; ex totidem, dum *Flores* sursum evehuntur, quod *Caput mortuum* audit, non nisi ad viginti libras assurgit. Ita cùm ad partes volatiles ferè nullam rationem habeant fixæ sive acidæ, *sulphur* ipsum, ut calidum, perpetuò describitur: &



nullum credo scriptorem extitisse, qui id inter *calefacientia* non recensuerit. Si refrigerandis humoribus aptissima esset medicina, quomodo eadem in propellendis, uti dictum est, vim haberet? Calidum esse, effectus ipsi demonstrant; nam & sudores evocat, & abscessus cuticulares maturat. Tuberculo quidem nihil optatius esse: cujus tamen cum nulla esset significatio, intellectu difficillimum esse, quomodo id tandem *Flos sulphuris* efficeret.

At *sulphure* in malignis febribus usus est *Hippocrates*: id quoque pro vero perperam sumitur. Nam quamvis historia clarissimè docet, quàm mirabiliter in peste sananda excellerit *Hippocrates*, tamen, quâ ille medicinâ id præstiterit, prorsus ignoratur. Sanè in *Hippocratis* scriptis nulla hujusmodi invenitur mentio. Neque in medicorum veterum monumentis ulla extat memoria, eum hoc remedio pestem dispulisse. *Helmontius* utique, scriptor pene fanaticus, hoc *Hippocratis* arcanum ab *Angelo* indicari fingit: \* quam quidem fabulam, tanquam res esset seria, exscribit, suisque insuper commentariis illustrat vir bonus, *Kircherus*. Ii tamen id esse exhibendi in peste *sulphuris* consilium declarant, ut sudores provocentur; ostenduntque, quo demum modo illud parari debeat,

ut

\* Tumul. Pestis.

ut commodè cedat. Recentiores plerique ad eundem finem *sulphuris Florem* in peste præcipiunt; itaque apud eos in *Diaphoreticorum*<sup>a</sup> classe locatur. Sed quid si *Hippocrates* in malignis febribus *sulphur* præscripserit? Quorsum id exempli his ægroti rebus aptum esset, & conveniens? Si hujusmodi argumentis uti libeat, multa itidem exempla proferri posse, ubi in iisdem febribus magno emolumento fuerit *purgatio*: quæ quantum vel in summo discrimine valeat, luculentum specimen exhibuit *Riverius*<sup>b</sup>. Quin ex hoc ipso *Flore sulphuris* aliquo fuit alvi solutæ promissio: quòd si probaretur dejectio, modò eam *Flos* ille concitâssêt, cur non medicinâ uti liceret, quæ eandem certo movere potuerit? Num ab *Electuario Lenitivo*, vel re simili quâpiam, ventrem bis descendisse magis nocuerit, quàm si itidem à *Flore sulphuris* bis descenderat? Hunc saltem ægroto cuidam adhibitum humores vehementer expurgâsse: id satis argumento esse, quòd ne nimis quidem in hoc morbo fluxus semper cum periculo fieret. Et sanè usum hoc abunde testari, quemadmodum in hâc febre putridâ, etiam ubi res in ultimum discrimen adducta esset, alvus suâ sponte fluens, aut *Clystere* ultra morem irritata, salutem attulerit. Ægrum ne nunc

L 3

qui-

quidem planè desperatum esse; sufficere ei vires, hoc medicinæ genus sustinere tempusque finire, ut experiri possit. Nam & languore vacabat, & à febre tempora satis liberaliter quieta habuit: pulsus valentior factus, ad naturalem tarditatem propius accessit: in Urina quod subsedit valde probabile. Etenim Urina in toto morbi decursu optima sui signa præbuit, licet aliquando in *Comatis* accessionibus paulatim, interdum & sine voluntate destillaverit. Ita hunc, & proximum diem agebat. Repetita sunt remedia jam præscripta: nam neque de *sulphure*, neque de *purgantibus* convenit.

Febr. 20. Vesperi in deterius vergebant omnia. Vix impetratum est, ut *Clysterem* sumeret: qui ne nimium prodesse videretur, semidrachmâ *sulphuris* quàm maturrimè adhibitâ præcautum est.

Febr. 21. Mane, ex advigilantium sermone intelleximus eum, *Clystere* reddito, levatum esse, & noctem placide duxisse. Tanti fuit *sulphur* cepisse! Sed res multò secus deprehensa est: nam & *Coma* redierat, & jam cætera omnia mala ingravescebant: in urinâ nihil quicquam desedit. *Vesicantiâ* utrique femori sunt admota. Circa meridiem *Calomelanos* gr. viij. præscripsimus, cum *Electuarii Lenitivi* ḡss. in  
*Aqua*



*Aquâ Lactis* solutâ. Sed alvus minimè fluxit. Itaque vesperi, *Clystere injecto*, ne tum quidem nisi parcè commota est.

Febr. 22. Noctem inquietus egerat; mente admodum turbatus est: & jam illico moriturus videbatur. Mediâ tamen circiter nocte, iterum eadem ad alvum ciendam sumpsit. Unde ter illa dejecta est: quod quidem in ipsis mortis faucibus luctantem ita parum præmaturè sustulit, ut

Febr. 23. Mane delirium prorsus evanesceret; neque animi deliquium, neque convulsionis quid aderat. Sed pulsus debilis, & vires penitus exhaustæ. Ad hunc modum cùm vitam aliquamdiu pertraxisset,

Febr. 24. Desideratus & à suis & ab omnibus, interiit. Qui idem dies, si *Sydenhami* computum sequamur, est morbi *Vigesimus quartus*, nam *Februarii primo* invasit morbus, *tertio* eruperunt Variolæ. Ita ut *triduo* terminum illum excesserit, quem ut huic morbo ultimum ponit *Sydenhamus* <sup>a</sup>.

Historia hæc à me paulò latiùs atque proluxiùs deducta est, eo tantùm animi consilio, ut, quia neque ex consuetudine esset, neque communi medicorum sententiæ congrueret hoc purgandi institutum, quid hoc tandem valeat efficere, aut quid inde

boni expectare conveniat, Lector ex hâc explicatione distinctiùs factâ internoscere possit. Quod quidem medicinæ genus ita parum usu esse receptum fateor, ut minimè mirer plerosque huc admodum adversari. Liberum cuique suum sit judicium: nec dubito quin ii, à quibus dissenseram, habeant ea argumentorum pondera, quibus sententiam suam tueantur. Sua illis placuit opinio; mihi fortasse nimium mea. Siquid liberius sit dictum, id non contradicendi, sed veritatis in re tam gravi aperiendæ studiodictum putetur. Fortasse magis acriter animo meo hâc in re obsecutus sum, tum quòd de hujus medicinæ commoditate mihi persuasissimum esset, tum quòd juvenem illum Nobilem, uti par erat, coluerim & dilexerim maximè. Sed huic, unde nihil nunc præter mœrorem luctumque duci potest, argumento supersedeamus.

Ut itaque eo, unde defluxit, redeat oratio; mihi sæpiùs usu venit, ut in hoc *Variolarum* statu, ubi pustulis exarescentibus *Febris* nihilo secius invaluerit, ad *purgantia* confugerem. Quæ ita periculo vacare, ita commodè adhiberi posse expertus sum, ut multorum vitas ab hâc maximè medendi viâ conservatas esse haud absurdè dixerim. Quò autem medicinæ hujusce instituendæ & tempus & ratio meliùs dignosci queant, liceat

liceat hanc ex multis historiam, eamque, ut mihi videtur, satis singularem excerpere.

### *Historia Secunda.*

. . . . . *Browne*, Domini *Pampfylde Baronetti*, qui jam ex *Variolis* convaluerat, famulus in eundem morbum incidit. Jan. 6. 1710 Pustulæ sese circum tempora extulerunt: quæ deinde, pro more morbi progressæ, non modò faciem omnem, sed & artus undique & pectus ingenti copiâ occupabant. Erant autem & mole exiguæ, & confluentes: quoad cætera, non mali moris.

Jan. 9. De faucium tumore, & deglutiendi difficultate querebatur: quibus, *Vesicatorio* applicato, levatus est. Ad *duodecimum* diem sine ullâ gravi molestiâ satis commodè pervenit; pridie, *Glande* subditâ, alvum bis dejecerat. Jam exaruerant omnes pustulæ: ex facie tumor decessit, etiam in manibus aliquantulum resedit. *Duodecimo* autem die ex quo eruperunt, (qui est *Sydenhami decimus quartus*, quique apud eum, *in crudiore genere*<sup>a</sup>, ut periculosus maximè notatur) *febris* vehementer exarsit, cum pulsu celeri & depresso: cutis quasi flammâ admotâ excanduit: subsiliebant ten-

L 5

dines;



dines; accedebant delirium, & spirandi difficultas. Nox proximè elapsa somnum nullum attulerat. Re in hoc discrimen adductâ, sanguinem mitti jubet *Sydenhamus*<sup>a</sup>; neque, priusquam is missus fuerit, alvum ullo modo duci<sup>b</sup> concedit. Sed ea moderatio, quam is secutus videtur, haud semper est aptissima: igitur, licet venam aliquando secare plurimum profit, tamen ab hac regulâ mihi discedendum putavi, tum quia ex *Pulsu* sanguinem haudquaquam mitti oportere judicabam, tum quia sæpe aliàs percepi vires ex alvo leniter subductâ minus quàm ex missio sanguine imminui; etiam & neglectâ sanguinis missione, hanc purgandi rationem feliciter posse teneri.

Quamobrem die *decimo tertio*, *Januarii* scilicet decimo octavo, cepit *Extract. Rudii* gr. xvi. in *Aq. Pæon. C.* soluta. Unde alvus *quater* liquida, mucosa, graveolentia demisit. Illico invaluit *Pulsus*: delirium tamen, & convulsiones perstiterunt. Vesperis, brachiis apposita sunt *Vesicatoria*; & *haustu* somnifero usus est, cui & in noctes proximas assuevit.

Jan. 19. Mane idem in omnibus Tenor, quanquam humores effusissimè eduxerant *Vesicantia*: horâ decimâ cepit *Electuarii Lenitivi* ℥ss in *Aquâ Lactis* solutam: unde  
alvus

alvus *bis* mota levamento fuit. Vesperi tamen cum febre exacerbescebant omnia. Igitur utrique femori ut adhiberentur *Vesicatoria*, jussi. Noctu alvus *sexies* fudit prioribus similia.

Jan. 20. Mane, *Pulsus* valens magis & sedatus; cerebrum aliquâ ex parte levatum, non prorsus liberum. Tremores perstabant. Medicinam ex *Fracastorii Confectione* maximè compositam, quæ neque fluentem alvum nimis reprimeret, neque vires ultra modum atteri pateretur, mane & vesperi ad diem unum & alterum præscripsi. Hodie tamen *bis* defecit. Noctu venter *octies* solutus.

Jan. 21. *Pulsus* fere in ordinem adductus, cætera item in melius ibant. Hodie *quater* fluxit alvus.

Jan. 22. Febris, cum reliquo malorum agmine, decessit. Æger quotidie vires sibi instaurari sensit, quanquam per tres hinc secutos dies alvus sæpius descenderit, tandemque integrè convaluit. Id in hac historia maximè notari debet, quòd *quatri-dui* spatio, dum & febris plurimum sæviret, & vires vehementer essent afflictæ, alvum ferè *tricies* dejecerat; unde tamen nunquam ne quidem languescere sibi visus est.

Teste Antonio Baller, *Pharmacopæo*.

Ex

Ex hoc uno licet exemplo discere, quàm opportunè feбри huic putridæ occurrant purgantia: quamque nullo fundamento nitantur *Canones* illi, ut vocantur, ab Authore nupero positi, <sup>a</sup>, „ *Catharticum nempe, saltem violentius, nullatenus exhibendum esse, priusquam appetitu & temperie integrè restitutis constet venenum foras pernitus expulsum esse, ut spiritibus labefactatis venenum intus cohibitum Ossium cariem, Hypercatharsin, sive grandem aliquem morbosum affectum inducat.* Multa fanè frequenter incommoda Variolis superveniunt, multa ille in *Historiis* recenset: sed ut liberè dicam quod sentio, magna mihi eorum pars videtur accidisse hac potissimum de causâ, quòd non satis maturè facta fuerit *purgatio*. Saltem in *duobus* iis *Historiis* <sup>b</sup>, in quibus scribit, *morbo ipso finito* <sup>c</sup>, *usum Cathartico- rum prorsus deleterium fuisse, Cariemque ossium induxisse*, summâ cum suâ injuriâ incusantur *Cathartica*. Nam legenti credo facilè patebit, *Venenum*, ut cum Authore loquar, vim suam *deleteriam* penitus insinuâsse, antequam exhiberetur *Catharticum*: neque extinguì potuisse, si id non fuisset exhibitum. Sed sit fanè ille, sicut fuit, huic purgandi modo infensissimus; sive quòd ii ob insolentiam rei ipsa medendi ratio

<sup>a</sup> Pyretolog. 313. <sup>b</sup> Ibid. 59. 60. <sup>c</sup> Ibid. 312.



tio haud arriserit, sive ii fortè, qui hac usi sunt, minus placuerint : nos cum eo, usque dum *Venenum* istud ægrotos occiderit, ne expectemus.

Quæcunque tamen sit de his quæ dicta sunt legentium opinio, gratiam apud eos me esse consecuturum satis scio, si super hâc re Virorum in arte Medicâ illustrium sententias patëfecero. Quod igitur hujus argumenti reliquum est, ex eorum doctissimis, quibus me cohonestare dignati sunt, *Epistolis* petatur.

A M I C I S S I M O V I R O ,

J O H A N N I F R E I N D , M. D.

**G**Ratias tibi ago Vir Charissime, quòd singularem *Variolarum confluentium* mecum communicaveris Historiam; utque melius constet, quàm planè Tecum sentio, de *Cathartorum* usu ac necessitate, *insecundariâ*, quæ istius morbi declinationem comitatur, *Febre*, mitto ad Te ægri cujusdam, qui meæ curæ commissus est, casum; cujus conditio sub morbi finem eadem pene erat ac illius à Te memorati: quin & morbus ipse, cùm in altero stadio satis levis, in altero esset gravissimus, notatu videbatur haud indignus.

Apr.

Apr. 9 Juvenem annorum 13 occupavit illa *Variolarum* species, quas *Cohærentes* nominat *Martenus*: Invasit etiam delirium, quoad diem usque Apr. 12. perstitit, etsi 10 admotæ erant *Vesicatoria*.

Apr. 16, nono scilicet die, à *Variolarum* eruptione, primo mane subsedit faciei intumescencia; pustulæ crusta prorsus obductæ sunt, & pene extrapericulum collocari videbatur æger. Tempore autem pomeridiano ex improvviso ingruerant tremores, & per omnes ferè artus spasmi: præcipuè verò convellebantur cervicis, & capitis muscoli. Suppressus fuit omnino Ptyalismus, detumuerunt manus, vehemens etiam supervenit Febris, cum pulsu inæqualiter citato, & delirio frequenter recurrente. Exhibitus est hac nocte *Bolus Cardiacus* cum *Julapio*; applicata etiam subter axillas *Vesicatoria*.

Apr. 19. Mane aliquantulum remiserunt spasmi, Febris autem hætenus permansit.

Habitâ pulsus ratione, sanguinem vix tutò detrahendum judicavi; itaque ut aliqua saltem fieret *Evacuatio*, *suppositorium* præscripsi, quo semel tantum, sed largâ satis copiâ, subducta fuit alvus; unde se plurimum refici confessus est juvenis. Vesperis repetita sunt medicamenta *Cardiaca*, & *Hauftus Paregoricus*.

Ad mediam noctem satis placidè dormivit, tremoribus & spasmodis prorsus immunis; qui tamen proximo mane circiter horam tertiam, cum magno impetu denuo redierunt.

Apr. 20. Pleræque ex facie deciderunt squammæ; omnes ferè per truncum corporis exsiccatae sunt pustulae; quæ per manus & brachia dispergebantur, flaccidæ erant & prope exaridæ; Febris interim haudquaquam remisit.

Cùm itaque compertum esset, quòd, priori nocte, multò meliùs post *sedem* se habuerit ægrotus, *Enema* hodie injiciendum decrevi, quod alvum aliquantò magis subduceret, quàm *suppositorium* pridie præscriptum. Rejecto *Enemate*, iterum exhibitus est *Bolus Cardiacus* cum *Jalapio*: & ob hanc profectò causam in *Cardiacis* assumendis persistendum esse censui, quoniam ex eorum usu modici perpetuò elicerentur sudores, unde ad aliquod temporis spatium sublati sunt motus Convulsivi, etsi Febris neutiquam decesserit, nisi post *evacuationes per alvum* factas. *Enematis* usum tres satis largæ insecutæ sunt dejectiones, sine minimo virium dispendio; dehinc etiam evanuit delirium; Febrisque remisit, vel potius ex toto quievit.

In hoc igitur rerum statu, autoritate  
*Mor-*



*Mortoni* permotus, statui mecum experiri, quid ad recidivam hanc febrim abigendam valeret *Peruvianus Cortex*, quem per intervalla administrandum curavi.

Die autem 21, Febris & spasmi iterum vehementer urgebant: alterum itaque injectum est *Enema*, eodem ac prius successu: Hodie & deinceps per triduum repetitus est *Cortex*; statò tamen tempore & Febris, & spasmi quotidie revertebantur.

Postquam igitur satis exploratum esset, quòd *Febris* non obstante *Cortice* quotidie rediret, etiamsi medicamenta *Cardiaca* officio suo in sudoribus ciendis plenè satisfecerant; *Catharsi*, quæ hætenus feliciter cesserat, rem omnem tutissimè committendam judicavi: vesperi itaque die 23 *Lenitivam* potionem præscripsi, alteramque proximo mane denuo exhibui: hisce assumptis, quatuor largas admodum & foetentes sedes excrevit juvenis, neque ullam postea persensit vel Febris, vel spasmorum accessionem.

Hæc habui Tibi in præsens impertienda; quibus, uti arbitror, satis intelligi queat, non modò quàm efficax medendi methodus in hujusmodi Febre sit *Catharsis*, verùm etiam quàm parum valeat, neglectâ *Catharsi*, quodvis aliud remedii genus. Abunde mihi fuerit, si hæc Tibi arrideant

( 177 )

Ratiocinia : siquid enim unquam in Rei  
Medicæ usum ex me profectum fuerit, id  
omne illi semper acceptum referam, quòd  
mihi tecum per multos annos intercessit stu-  
diorum consortio.

V A L E,

*Vir Amicissime,*

*Et amare perge*

*Tui Anantissimum,*

Oxon. ex Æde Christi  
20. Jul. 1710.

RI. FREWIN.

M

Tibi

Tibi roganti semper facilis, inter plures à me cursim collectas, has duas præcipuè, quia proximè recentiores, Historias medicinales, utcunque imperfectas, Vir literis omnibus eruditissime, summo opere conabor tibi fideliter impertire.

*Variolis* populariter grassantibus, de *Evacuationibus* & variis *evacuandi* methodis in hujusce generis exanthematis, æque ac in aliis putridis, ut aiunt, febribus sermonem tecum amicè habui: ideò uti nostra hæc familiaris disceptatio, ita etiam & hystoriæ sequentes ad fœdum hunc *Epidemicum* morbum propriè & præsertim spectabunt.

Duos abhinc menses ad generosam quandam annos circiter triginta vel quadraginta natam *Variolis*, iisque maximè *confluentibus*, laborantem advocatus, (uti moris est inter medicos in hoc morbo) *Alexipharmaca*, eaque lenia præscripsi usque ad sextum vel septimum diem; postea applicabantur *Epi-*  
*spastica* nachæ, & brachiis, & *Ægrota* post *Bolum Cardiacum* singulis noctibus haustum superbibebat *Paregoricum*. Undecimo die, cùm febrilis adhuc æstuatio maximas inquietudines & Medico & adstantibus crearet, & ægrota decrescente pulsu, & lingua arida adhuc nigrescente dejectiones, ex quo eruperunt exanthemata, nullas haberet: *Enema* ex Oleo lini, syrupo de spi-  
na



na Cervina, & decocto communi pro Clysteribus, injiciendum curavi. Brevi temporis spatio deiciente bis vel ter alvo, maxima foetidæ & purulentæ materiæ quantitas ab intestinis exoneratis fluebat. Exinde durus mollescit pulsus, lingua madescit arida, febrilis denique æstus sævit mitius. Febricitat (fateor) adhuc ægrota, non verò febre æstuat, ideò ab *Alexipharmacis* (ut antea dixi) lenibus bis vel ter in die nondum abstineo, nec ab haultu *Paregorico* nocte. Die autem *decimo tertio*, quoniam Febris adhuc persisteret, ab eâque planè periculum immineret, Catharticum (ut memini) sequens exhibui,

℞. *Man. optim.* ʒj *Dissolve in Aq. Lactis Alexit.* ʒiij. *Colaturæ adde Pulp. Cassiæ* ʒij. *Aq. Pæon. comp.* ʒss. *M.*

Quod ad tres, vel quatuor vices placidè exoneravit intestina: postea indies decrescens febris, brevi tota evanuit, & post tres vel quatuor potiones purgantes debito temporis intervallo exhibitas, tuta evasit ægra, & incolumis.

Historiam alteram juvenis breviter tibi narrabo. Rure enutritus hanc adit civitatem, forsan amicos visurus. Post aliquot dies variolis maximè malignis correptus est; quinto die ad illum advocatus *Alexipharmaca* præscripti, *Epispastica* applicanda cu-

ravi. Die undecimo *suppositorium* ad alvum toto morbi curriculo adstrictam, sollicitandam applicui; die proximo *Enema* injiciendum curavi. Sed neque à febre, neque à cæteris, quæ supra modum urgebant, symptomatis liberatus est: nam ardor erat intensissimus; accessit spirandi difficultas; intercurfabatque aliquando delirium. Itaque in *Evacuantibus* spem omnem positam esse ratus, die *decimo tertio Catharticum* lenne exhibui: quo altera vice repetito, ægrotus, variis, iisque periculosis angustiiis ereptus, tandem plenè convaluit. Atque hanc quidem medendi methodum (quæ *Cathartici* potissimum nititur) uti in compluribus tentavi, ita rarissime suo destitutam esse successu expertus sum.

Non pluribus te morabor. Accipe ergo æquo animo hoc meum obsequium tuæ amicitiae, tuis meritis, tuis denique postulatis debitum: Nullum enim officium, Amice charissime, à me frustra requires, si quid erit in quo tibi queam gratificari.

*Tibi devinctissimus,*

Datum ex Ædibus nostris  
10. Junii 1710.

H. LEVETT.

Ro-

Rogas (Vir ornatissime; ut sententiam meam de usu *Phlebotomiæ* & *Catharsis* in *Variolis confluentibus*, post plenam Pustularum eruptionem, tibi per literas notam facerem: Voto itaque tuo, verbis si minùs idoneis, iis tamen, quæ mihi occurrunt, respondere conabor.

In *Variolis confluentibus*, quamdiu faciei tumor & inflammatio manet, & saliva rectè fluit, à *venæ sectione* & *Catharsi* (pari ratione ac furunculo maturante) prorsus abstinendum esse duco. Scilicet ne istæ evacuationes, materiæ morbidæ à massa sanguineâ separationem, & per pustulas, tanquam per tot *Phlegmonas*, (cui unico hoc tempore Natura incumbit) ejectionem obturbarent. Adest enim, medici est, non obstare Naturæ.

Insuper, procedente morbo, si eo tempore, quo facies detumere, & Ptyalismus decrescere incipit (quod die nono, vel decimo, vel saltem undecimo ab eruptione accidit) si his, inquam, diebus manus debito modo tumeant, & nulla malæ notæ appareant symptomata, haud omnino (me iudice) vel *Phlebotomia*, vel *Catharsis*, adhuc indicatur; sed totum negotium rectè committitur Naturæ. Interim tamen in hoc morbi statu *Enema* quotidie injiciendum præscribo, quo alvum faci-



bus exonerare, & febris furorem coërcere curo.

Attamen facie, diebus prædictis criticis, detumescit, quoties (quod nimis frequenter evenit) pustulæ corporis non turgent maturo pure, nec manus intumescunt; unde (nempe à materiâ morbidâ in sanguinis massâ remanente, eamque inquinante) ardens febris nascitur; Respiratio brevis & frequens oritur, corporis jactatio, & obstinata (Narcoticis incassum exhibitis) vigiliæ urgent; quoties equidem diris his symptomatibus vexatur æger, medico incumbit per *venæ sectionem* & medicamenta leniter *purgantia*, sæpiusque debitis intervallis repetita, humorem peccantem detrahere, & eo, quo possit, modo laboranti subvenire.

In *Variolis* denique *confluentibus*, licet facies & manus, & pustulæ corporis debito modo ac tempore intumuerint, & saliva satis copiose statuto tempore fluxerit; si tamen, Ptyalismo desinente, & dictis partibus jam subsidentibus, febris utcunque (quod in hac morbi specie ut plurimum accidit) gravior assidue inhæreat, & symptomata, ex hac nata, (utpote anhelosa respiratio, vigiliæ, anxietates, cum pallidâ & dilutâ urinâ) indefinenter urgeant ægro-  
tantem; rebus sic stantibus, necesse habet  
me-

medicus sanguinis quantitatem *venæsectione* minuere, (nimirum ut exinde pars reliqua magis placide per vasa fluat) & materiam morbidam (quæ per pustulas, jam induratas & crustâ obductas, amplius transire nequit) *Catharsi* læpius repetitâ evacuare. His enim evacuationibus omiſſis, semper evenit ut vel memorata symptomata indies augeantur, & inter diem *duodecimum*, & *vi-cesimum quartum* lethalia evadant; vel humor putridus in pulmonibus extravasetur, eorumque vesiculas corrumpat; unde ægrotus miseram vitam paulisper trahit, & brevi moritur tabidus.

Anhelosæ respirationi, Crisi superveniente (quo vix ullum pejoris ominis signum hic morbus habet) *Phlebotomia*, feliciter ac unice occurrit; quæ nisi, hoc urgente symptomate, confestim peragitur, fatum aditans ulteriori deliberationi raptim præveniet. Licet autem sanguinis missio respirationi difficili subvenit, *miſtum* tamen *cruentum* (quoties hoc morbo laborantes invadit) non modò non cohibet, sed augeat, & mortem in procinctu stantem accersit. Hoc tamen funestum fati impendentis prænuntium (*Camphorâ* bis in die exhibitâ, & acidis largâ manu propinatis) amovi, ægroque brevi morituro ad tempus succurri: sed, ut vera fatear, ne unum quidem variolis affectum,

cui urina cruenta fluxerit, diem *decimum sextum* ab eruptione supervixisse notavi.

Nec à sanguinis detractiōe, quoties impedita *Respiratio* hanc suadet, Pulsus humilis & angustus me terret. Quippe sæpius observavi vacuato sanguine Arteriam fortius vibrasse: unde constat Pulsus obicuritatem non infirmitati virium, sed humoris lædentis oneri deberi. Ut canque rebus in lubrico stantibus, satius est remedium anceps experiri, quam nullum.

Compertum habeo nonnullos medicos *Catharsin* in *Variolis* vehementer improbasse: Essentiam enim hujus morbi in malignitate quadam circa Cor delitescente hi ponunt; & statuunt medici esse officium hanc malignitatem *Alexipharmais* calidioribus ad extrema propellere, ideoque medicamenta *purgantia* culpant, utpote quæ virus à circumferentiâ (uti loqui amant) ad centrum revocant. Veruntamen hæc hypothesis fallaci nititur fundamento. Morbus enim, de quo agitur, est ex genere *inflammatorio*; proinde nullus hunc scitè curat, nisi qui sanguinis ebullitionem compescit, & eo modo putridi humoris separationem, & per pustulas expulsionem promovet. Enimvero dum febris furit, ac sanguis nimis celeri & turbido motu agitur, nequit Natura particulas morbias segregare, & per ha-

bitum



bitum corporis protrudere, quod non nisi  
 sensim, & lentis passibus perficitur. Quo-  
 ties autem præ ingenti materiæ morbidæ  
 copiâ, totam colluviem per pustulas elimi-  
 nare non potis est Natura licet etiam in-  
 cumbit medico laboranti opem ferre, &  
 corruptum humorem arte educere, quem  
 ejicere non valet Natura. *Catharsis* vero,  
 utpote evacuationem huic indicationi ap-  
 prime accommodatam, ipsa Natura, tanquam  
 digito, monstrat. Siquidem in *Variolis*  
*confluentibus*, quoniam putridi humoris e-  
 jectio non æque feliciter procedit per humi-  
 les ac depressiores hujus speciei pustulas, ac  
 in alteris *discreti* generis majoribus; ideo  
 providens Natura *Ptyalismum* substituit,  
 qui excretionis per pustulas defectum com-  
 penset. In teneris autem *infantibus* (qui  
 exspuere nesciunt) *Diarrhæa Ptyalismi* vi-  
 cem supplet, quæ hunc morbum jugiter co-  
 mitatur, ac in his ad vitam conservandam  
 æquè necessaria est, ac Salivatio, aut pustu-  
 larum elevatio in *adultis*. Ideoque qui has-  
 ce dejectiones *Astringentibus* perperam ex-  
 hibitis cohibet, ægrum infantem certò ex-  
 tinguit. Cùm itaque in *Infantibus* hoc  
 morbo affectis partem materiæ morbidæ,  
 quam ex toto per pustulas ejicere non va-  
 let, Natura ipsa per *alvum* ex instituto de-  
 jicit; haud mehercule incongruum quid ag-

greditur medicus, qui, Naturæ vestigiis infistens, etiam in *adultis* humorem peccantem, quem per corporis habitum nequit, medicamento *Cathartico*. per interiora detrudere conatur.

Ex prædictis ideo liquet, quòd in *Variolis confluentibus*, post Crisin imperfectam, *Phlebotomia* & *Catharsis* ad ægrotantis salutem ut plurimùm requiruntur. Horum sanè usus ratio suadet, cui suffragatur experientia: plures etenim hâc methodo orci faucibus ereptos novi.

Habes, Vir eruditissime, meam de quæstis sententiam, licet minus ornatè, fideliter tamen enarratam; & *Praxim* per plures annos huic opinioni sedulò accommodavi, neque aliquid ex eventu hucusque observavi, quod animum aut praxis rationem me mutare inducat. Sum tibi

*Amicissimus,*

Dabam sexto Iduum  
Septemb. 1716.

SALUSBURY CADE.

VIRO

VIRO DOCTISSIMO

JOHANNI FREIND

RICHARDUS MEAD

S. D.

**F**Idem tandem libero, Amicissime Vir, & Rationem, quam in *Variolis* curandis teneo, unà cum Exemplis aliquot quæ hanc illustrent simul & confirmant, quæ à me petiisti ut chartis mandarem, ca nunc ad Te mitto.

Sermo noster erat, uti memini, de Morbo, ubi ad summum incrementum pervenit, & quo modo eo tempore continendus sit æger; dixi me jam ab aliquot annis usu comperisse, commodissimum esse, plerisque saltem in casibus, *alvum ducere*; nunc, quo consilio, & quâ cum cautione id primum fecerim, describam breviter.

Medicos nostros ita plerunque sollicitos habet *Pustularum* consideratio, ut ab omni fere vacuatione periculum esse putent, nimirum ne ab hac Materiæ corruptæ concoctio turbetur, aut in partes propulsio prohibeatur.

In *Faciei & Manuum intumescentiâ* spem  
om-



omnem ponit *Sydenhamus*; cùm tamen mori videamus quotidie, quibus cutis etiam ad summum intumuit, & ipso fatente, plurimis in Casibus nullâ Arte promoveri possit salutaris ille *Tumor*.

*Mortonus*, dum in committendis cum *Veneno Morbido Spiritibus Animalibus* totus est, ita calidissimis Alexipharmacis, *Copiis*, si Diis placet, contra *Deleterium Hostem Auxiliariis*, assiduè pugnat, ut novas in sanguine turbas cieat, & accendat quam reprimere debuit Febrem; hinc illæ ipsæ, quas adducit, *Historiæ* palam faciunt, plerosque, quorum curam habuit, *ægrotos* aut excalefactos interiisse, aut saltem *ὡς διὰ πυρὸς* evasisse.

Mihi res hæc sic se habere videtur; in *Confluentibus Regularibus Sydenhamo* dictis, cum jam inclinato Morbo, detumuit facies, accedit, ex corruptâ Materiâ, aut in Pus nondum versâ, aut ex *Pustulis* in sanguinem rejecta, *Putrida Febris*, quæ calore, inquietudine, similibusque indiciis se prodit, & nisi succurratur, intra biduum triduumve plerumque ægrum è medio tollit, interdum verò ad plures dies protrahitur.

Utcunque verò varia jam insint & succedant *Symptomata*, illud tamen omnibus commune est, ut *Exinanitionem* aliquam deside-

fiderent. Plerumque fit , ut æger *nono* aut *decimo* , à primâ Pustularum eruptione , die , cum Linguâ aridâ , Pulsu Arteriarum vehementiori , & spiritu difficiliore , incalescat ; ubi hæc adfunt , immisso sub vesperam ad ventrem solvendum *Clystere* , postero die leni *Potione Cathartica* Alvum duco , vesperi *Hauftum Narcoticum* , si opus fuerit , fumentum do.

In hoc Morbi genere Manus & Pedes *intumescunt* : adeò verò non cohibet aut reprimat hunc *Tumorem Purgatio* , ut illum post hanc feliciùs procedere semper observaverim.

Evenit autem non rarò , maximè in pessimæ notæ morbo , ut cum Pulsu Arteriarum exiguo & languido , sine ullâ insigni Manuum *intumescentiâ* , febricitet ægrotus , & imminutis admodum viribus torpeat magis , quam calore uratur.

In hujusmodi *Ægitudine* , imponenda sunt Brachiis & Cruribus *Emplastra Vesicatoria* , neque tamen ab omni *Purgatione* abstinendum est , sed ea esse debet lenissima & viribus *Ægrotantis* accommodata , & per intervalla repetita ; eo enim magis necessaria est , ubi non *intumescunt* Partes , *Ventris Solutio* , quoniam in plerisque his casibus , etiam ipsa , quæ in Pustulis est , sanies magnam partem in Pus non convertitur

Illud in universum hic tenendum est, majorem jam habendam esse *Virium* ægri, quam *Pustularum* rationem: Peracta jam est omnis quæ per cutem fieri potest morbidæ materiæ propulsio; per alias igitur vias ducendus est, qui periculum minatur noxius humor. Cessant ab Officio nunc *Salivæ Canales*, quique à primis ferè morbi diebus magnâ copiâ per hos fluxit, viscidus jam haret, & vix exspuitur liquor. *Urinæ* Excretio, si forte fuit per aliquot dies larga & benigna, sæpiùs tamen illa hoc tempore cum difficultate & solito parciùs redditur. Restant igitur expurgandæ *Intestinorum Glandulæ*, quæ eo sunt corruptis humoribus è sanguine derivandis accommodatiores, quo naturâ crassiorem lentorem expellunt.

Id verò monuisse debueram, non hoc tantum tempore, sed & nullo non morbi die, ægro protinus mittendum esse sanguinem, si respirandi difficultas urgeat, si supervenerit *Phrenitis*; aut alia quævis nimii fervoris Febris se prodant indicia.

Ex innumeris *Exemplis*, quæ mihi quotidiana experientia suppeditat, pauca tantum seligam, ut quomodo hæc medicina ad varios & difficillimos casus accommodetur, ostendam.

Adolescenti annorum ferè sedecim, nono ægri-



ægritudinis die *intumuerunt* admodum caput & manus, accessit verò febris, cum magno Præcordiorum æstu, spiritu difficili & delirio. Missò quamprimum è Venâ brachii ad ʒxvj. sanguine, dedi *Pil. Ruff.* ʒss. & elapsis horis decem, cùm nondum responderet alvus, *Elect. Lenitiv.* ʒvj. largiter purgatus *haustum* sumpsit *anodynum*; hinc adeò se remisit Febris, & levata sunt symptomata, ut, præter spem, brevi convalesceret, licet in misellum adeò sævierit morbus, ut, vitiatâ à *Pustulis* in utroque oculo *Tunicâ Cornea*, visu privatus vitæ dulcedinem amiserit.

In uno atque altero adolescente eodem ferè modo laborante feliciter expertus sum, minimè ab hac medicinâ abstinendum esse, etiam si (quod non rarò fit) crebra in *Pustularum* intervalis *Exanthemata* erumpant, & *malignitatis* nomine adstantes terreant; hæc enim non Febrem solvunt, sed *materiæ morbidæ* copiam & lentorem indicant; quo magis necessarium est, interposito tempore, *Alvum* sæpiùs ducere.

In Puellâ quinque annos natâ apparebant inter *Pustulas* à primis decubitûs diebus hic illic *Maculæ Purpureæ* & *Lividæ*; manus verò nono die *intumuerunt*; die decimo, assumpto *Electuario Lenitivo* mota est alvus; postero die, Frons, quam alba qua-

quasi vesica obduxerat , livore decolorata est: hanc *Spiritu Vini* tepido foveri jussi; singulis noctibus medicamento *Narctico* conciliatus est somnus; *decimo quarto* die, nunc primùm imminuto manuum tumore, iterum *purgata* est; ut & die *decimo sexto*; jamque quæ faciem exasperaverat *crusta* nigra dehiscere cœpit, & tardè licet dirupta certam tamen spem salutis ostendere.

Accidit interdum, sed rarò, ut sub finem ægritudinis *repullulet* quasi morbus, & succedentibus sub crustis, quibus obducta est cutis, novis Pustulis, *renascatur*; unde pro humoris abundantia etiam ultra *vice-simum* diem porrigitur malum; illud nuper vidi in nobili fœminâ annorum quadraginta, quæ opimo corporis habitu, etiam *tertium* succrescentibus Variolis materiam suffecit; facta hinc est per omnia membra continuata *Exulceratio*, ad diem usque *vice-simum* & *octavum* se excipientibus crustulis, ita ut ex longo decubitu *ulcera* in lumbis *gangrænæ* metum attulerint. Die *duodecimo*, leni potione *purgata* est; *decimo quinto*, subsidente qui ad hunc diem duraverat, manuum tumore, iterum alvum subducere necesse habui; &, interjectis tribus vel quatuor diebus, *Purgationem* repetiit ad usque morbi exitum; restituto tandem in integrum, post longam valetudinem, ulcerato corpore. Om-

Omnem de *Purgatione* dubitationem tollit nonnunquam in gravissimis Casibus ipsa Natura, dum in interiora noxiam materiam depellit, continuato per plures dies *Alvi Fluxu*; hoc cum fit, ita nunc *comprimi*, nunc *solvi* debet venter, ut ne nimix dejectiones vires prosteruant. Incolumis hoc modo evasit nuper admodum Nobilissimus adolescens; annorum 18. Huic Facies *sexto die*, sine ullo Tumore, *Chartæ Pergamenæ* speciem referebat; *Suppurationis* signa nulla erant; quapropter imposita sunt membris *Emplastra Vesicatoria*, quæ solito plus humoris educere observavi. Die *nono*, manibus nihil prorsus intumescantibus, supervenit *Diarrhæa*; hanc sumptum sæpius cum *Confectione Fracastorii Rhabarbarum* ita compescuit, ut ter tamen quaterve quotidie minimum dejiceret Æger; *decimo quarto die*, ruptâ in Facie *Membranâ* tenui sanie erosa subius apparebat cutis, non ante *Vicesimum* diem deciditibus penitus *squamulis*; alvus verò, per omne id tempus, eo quod dixi modo, fluebat.

Et sanè, ut finem tandem faciam, vix quenquam graviter hoc morbo correptum saluum fieri vidi, nisi cui, declinante Febre, aut largiter *profluens Urina*, aut *Resolutus Venter*, salutis fuit. Ut de *Infantibus* nihil

N

di-



dicam, quos per totum morbum *cita Alvus* periculo plerumque liberat.

Hæc habui, Vir eruditissime, quæ tecum super hac re communicarem; Tu illis sic utaris velim, ut dum nostras has rationes acri Tuo judicio perpendis, quantum momentum eæ habere possint etiam in aliis interdum Febribus, quæ difficulter & tardè solvuntur, dispicias. Mihi certè ita feliciter cessit hæc medendi via, ut humani generis interesse putem, ut illa publici juris fiat. Sed de hoc Tu statues, ut voles; ego satis superque habeo Tibi morem gessisse, & quanti Tua mandata faciam hoc officio comprobâsse. Vale, & me Tui amantissimum, quod facis, ama.

Dabam Calend. Septemb. 1716.

Historiam, quam mecum communicavit vir doctissimus *D<sup>us</sup>. Gibbons*, Lectori non inuidebo. Est enim rarissima. Is, cùm *Oxonii* ageret, accersitus est, ut cuidam ex *Variolis* novem jam dies laboranti succurreret. Erant illæ confertæ plurimùm, depressæ, confluentes; facies ad eum modum  
iis

iis undique obfita, ut apum favos planè referret. Febris vehemens & continua, ita ut æger jam animam acturus videretur. Itaque cùm nihil ampliùs per cuticulares meatus egeri poffe perciperet Vir experientiffimus, aliam fibi aggrediendam effe viam, quâ naturæ opitularetur, propofuit. Eâ adè nocte *Opiatum* præfcripfit; mane proximo, die fcilicet *decimo*, lene *Catharticum*; unde alvus fatis probè respondit. Repetitum eft *Opiatum*, & *undecimo* etiam *Catharticum*: *duodecimo* iterum inftituta eft *purgatio*, tanto quidem cum ægroti comodo, ut febris, quanquam haud penitus decefferat, plurimùm tamen fe remiferit. Igitur cùm & fanguis abundaret, & vires fufficere viderentur, die *decimo tertio* venam fecuit: idem experimentum *decimo quarto*, & *decimo quinto*, ut magno cum iudicio, ita infigni cum fructu tentavit. Nam his demum *Evacuationibus* per *sex dies* continuos factis, ægrotus morbo liber evafit.

VIRO CLARISSIMO

RICHARDO MEAD, M. D.

JOHANNES FREIND

S. P. D.

**S**Inas me, Vir amplissime, literarum officium non modò à Te poscere, sed Tibi invicem referre: quòd enim quædam de *Variolis* à Te scripta in publicum dari concesseris, non tam meo unius, quàm legentium omnium nomine gratiæ solvendæ sunt; quos facilè video, cùm Tuarum rationum, tum Authoritatis Tuæ momento impulsos, in eandem Tecum ituros esse sententiam.

Etenim quod ad *Alvi ducendæ* consilium attinet, satis luculenter explicasti, quam aptissimè id cum naturæ motibus consentiat; quæ ipsa per se hanc morbi abigendi viam sæpenumero tentat, arte tentatam vix unquam incommodè fert. Nam uti nemo ferè est ita morbo debilitatus, ut hanc alvi dejectionem, saltem quæ paulò leniùs fit, sustinere non possit; sic & ab eâ, modò mediocritate aliquâ temperata sit, vires refici potius quàm minui experimentis constat. Cujus rei exemplum mirificum præbuit Puer undecennis,



nis, quem nos nuper conjunctis utriusque nostrum consiliis periculo maximo eripuimus: quod quia multa in se contineat minimè vulgaria, id mihi veniæ dabis, ut Tecum morbi ejus memoriam paucis recolam.

Erant in illo Puerò acervatim diffusæ per universum corpus pustulæ: naturæ ordine ita minimè servato, ut, cùm in Facie cohærescerent tantum, circa artus multis in locis confluerent. Cutis sicca, &, squammarum instar, rigida. Factâ eruptione, *Febris*, quod rarissimè fit, nihilo minùs remissa. Procedente morbo, sputatio nulla omnino: Puris vestigium ferè nullum: ex Vesiculis tamen plurimæ tenui atque acri admodum humore refertæ, ita ut, cùm disrumperentur tandem, Cutim, perinde ac affusò *Vitrioli Oleo*, eroderent. Quare artus omnes *Cerato* undique obduci necesse fuit. *Sexto* die, aderat perpetua mingendi cupiditas, quæ ad quatrimum permanfit. Urina interim non nisi parcissimè demissa est. *Octavo*, efflorescebant per Variolarum interstitia novi generis pustulæ, *Milii* seminibus haud absimiles. Quæ quidem cùm ad Variolas accesserint, uti & illa micturiendi molestia, inter Notas pessimas vulgo habentur Facies nullo modo intumuit, febrisque inhærebat assiduè; pulsus tum celer, tum & aliquantulum languidus. Duas, quæ præcesserant,

noctes infomnis egit ; sicut interdum aliena loqueretur. *Vesicatorio* admoto, paulò magis ad quietem compositus. *Nono*, alvus ter descendit. Itaque, cùm neque pustularum ulla esset maturitas, neque quicquam ultrà per cutem à sanguine abduci posset, id nostri esse muneris nos rati, ut naturæ ductum sequeremur, hanc ventris resolvendi viam institimus. *Vesperis* scilicet, *Rhabbarbari* ʒj. præcepimus: unde, *decimo*, quater mota est alvus. Eâdem medicinâ itidem adhibitâ, *undecimo*, quinquies; *duodecimo*, ter; *decimo tertio*, *Rhabbarbari* ʒss. mane sumptâ, quinquies; *decimo quarto*, bis deiecit. *Decimum quintum & sextum*, maximâ cum molestiâ & vigiliis traduxit. *Febbris* quippe, quæ jam à primo morbi accessu continenter inhæserat, nondum deferbuit. Pulsus tamen paulo magis invaluit. *Decimo septimo*, ima Calcanei pars ita Sphacelo correpta est, ut immisso specillo nullus excitaretur sensus. Is ad Periosteum usque pervadens, ipsum os tantùm non attigit. Sed neque casus hic satis acerbus nos ab instituto nostro deterruit: nam quanquam, si Sphacelum spectemus, nulla magis aliena fortasse videatur medendi ratio, quàm quæ *Purgatione* instituitur: tamen cùm virium redintegratio in eo jam erat sita, ut modicè flueret alvus, non fuit quòd, superveniente etiam

Spha-

Sphacelo, ab hoc auxilii genere desisteremus. Itaque *Rhabbarbari* gr. xij. sub noctem exhibitis, *decimo octavo* alvus bis mota est. *Decimo nono*, *Febris* multò remissior. Quare *Rhabbarbaro* ad ʒj. repetito, die *vicefimo*, quinquies defecit. Pars corrupta atque emortua ab integrâ carne, rite jam inflammata Purisque aliquantulum exstillante, cœpit discedere; neque ultrâ serpebat Sphacelus. *Vicesimo tertio*, consistentia & solida ter alvus extrusit. Tamen neque adhuc *Febris* penitus conquieverat. Igitur *vicefimo quinto*, *Decoct. Sen. Gereon.* ʒij. cum *Mannæ* ʒss. præscripsimus, quibus venter sexies fusus est. Ab hoc tempore *Febris* omnino evanuit; & de Puero, quem suspicio aliqua fuit in *Tabem* incidere posse, nobis jam affulsit certa redituturæ sanitatis fiducia.

Vides, Vir Amicissime, quàm liberè utar patientiâ Tuâ, recensendo ea, quæ Tu omnium optimè intelligis: quod tamen à me faciliùs feres, dum, ut alii ea intelligant, laboro. Reperiuntur scilicet variæ admodum atque multiformes Variolarum species, quarum dissimilitudines, etsi inter se magnæ sint, hætenus haud satis diligenter sunt à scriptoribus animadvertæ. Ad quas omnes tamen, ubi jam exarescentibus licet pustulis adhuc incubuerit febris, præsens ab *Evacu-*  
*antibus* est auxilium: ea autem *evacuandi*

via, quæ per *alvum* fit, non modo ægrotos à mortis discrimine, circa *nonum* aut *undecimum diem*, sæpenumero liberat, sed malorum illam congeriem, quæ Variolis ferè succrescere solent, omnia alia medicina potentiùs avertit.

Id suspicor nimium frequenter fieri, ut morbus hic pro insanabili habeatur, cum tamen, (saltem si diutiùs traxerit) curationem recipere commodissimè possit: At certè Medici est, non omnem protinus spem abjicere, sed Artis præsidia omnia, quæ aut comprobârit usus, aut ratio suggererit, experiri. Præsertim cum experiundi opportunitatem morbus ipse exhibeat: fit enim plerumque, ut is non repentino aliquo impetu ægros interimat, sed ad plures dies, ad *viceesimum*, ad *tricesimum*, etiam aliquando ad *quadragesimum* detineat, ita ut tandem planè *Hæctici* contabescant.

Quibusdam religio est ventrem ducere, priusquam ex toto decesserit febris: etiam depulsâ jam febre, non nisi post multos dies *purgantia* præcipiunt. Id quo consilio faciant, haud intelligo: nam si absit febris, certè primo quoque tempore alvus cieri debet; si adsit, vix ullâ aliâ viâ ad sanitatem pervenitur. Idem, ubi febris ultra morem sævierit, in eo spem ferè unicam ponunt, si aut uberius manaverit Urina, persisteritque vel artuum tumor, vel salivæ fluxio: quidni verò & per *intesti-*



*stinorum* itinera liceat febrilem hanc materiam abducere? Sed nolo cum his incertamen venire: ne & cum iis aliquando disceptandum sit, qui Variolas aut arte præcaveri, aut etiam oculatione traduci posse contendunt.

Tu abunde intelligis, quàm nullo cum fructu, vel potius quanto cum periculo, *Diaphoretica*, *Alexipharmaca*, *Cortex Peruvianus* &c. quibus innituntur unice, in hac morbi asperitate ingerantur: idque Tibi notissimum est, *Purgatione* rite instituta, nulla ferme alia *Cardiaca* à natura desiderari, nisi quæ sint ex *Opio* confecta.

Vale, Vir egregie, atque ut facis, perge Artis nostræ tum scientiam excolere ingenio Tuo, tum dignitatem Tui celebritate nominis tueri.

Dabam 6<sup>to</sup> Cal.

De 1716.

Est & aliud morbi genus, idque satis periculofum, in quo etiam, cùm minime deferbuerit febris, ita mirifice proficiunt *Purgantia*, ut aliquando sine iis ad sanitatem perveniri non possit. Morbus is est, capitis *Erysipelas*; à pluribus quidem scriptoribus, maxime ab *Hieronymo Fabricio*, am-

ple pertractatus; à quibus tamen omnibus, in eo quod ad *Purgantia*, in medio febris impetu adhibenda, pertinet, exquisitius quiddam & distinctius requiro. In quâ quidem re ita lente ac dubitanter proponunt omnia, ut plerumque ipsi sibi non diffidant modò, sed & dissentiant: alii quippe *Purgantia* non probant, nisi bile abundet corpus, magnusque affectus sit; minusque vacuari, magis refrigerari<sup>a</sup> debere contendunt; etiam ut in refrigerando vacuandoque conveniant, in sudoribus<sup>b</sup> plus auxilii, quam *purgatione* poni volunt: alii, quamquam *Purgantia* aptè ministrari posse fateantur, tamen cùm *Febris* intensior sit, ita ut *Delirium* & *Phrenitidem*<sup>c</sup> accersat, *medicamentis malignitati resistentibus* utendum esse potiùs censent; neque priùs esse *purgandum*, quàm resinctus sit febrilis ardor<sup>d</sup>, saltem si qua admoveantur *Purgantia*, *Scammoneata* propter *febrem* omnino fugienda pronuntiant. <sup>e</sup> *Sennertus* morbum hunc *Germanis* familiarissimum esse scribit, ideoque illius *curationem tutius à Germanorum experienciâ & observatione*, quàm ab *exteriorum libris* peti posse<sup>f</sup>: qui autem, ipse *Germanus*, pleraque, quæ de

a Tagault. Instit. Chir. Lib. 1. 8. b Paræus de Tumor. lib. 6. 15. c H. Fabric. Chir. Part. 2. lib. 1. 9. d Wiseman. e Fallop. Tumor. P. N. cap. 12. f Febr. lib. 2. 16.

de *Erysipelate* tradit, à *Fabricio Italò* mutatur: ita tamen, ut de *Purgatione*, quam aliquando ille, consistente jam incremento morbi, præcepit, ne verbum quidem fecerit. *Etmullerus* denique, idem *Germanus*, ubi caput occupaverit *Erysipelas*, *internis sudoriferis Cephalicisque* remediis rem geri oportere dicitur, *Purgationem* verò quamcunque summe vitari. <sup>a</sup> Ita ferè in ultimo morbi discrimine, vel nulla dant scriptores consilia, vel timiditatis atque hæsitationis plena: quasi, cùm in præcipiti res sit, medicum minùs esse audacem deceret, quàm ubi nulla est periculi suspicio.

Sed ut complectar, quod proposui, brevi; satis mihi experimentis esse edoctus videor, ut pronuntiem in *Capitis Erysipelate*, siquando cerebro tentato oborietur Coma, delirium, nervorum distentio, aut nullam subesse salutis spem, aut *Purgantia* maxime profectura: neque in his rerum angustiis expectandum esse, quod & in *Variolis* experimur, dum vel Febris lenita sit, vel Tumor plane subsederit. Nam *Cardiacis refrigerantibusve* remediis contra Febrem pugnare, *Topica* admoveere, quid demum aliud est, quàm nugas agere, donec in medio curationis cursu æger intercitat? Quòd si morbum jam ad extrema perductum submo-

movere possit *purgatio*, certe eadem temporiùs adhibita, ne is ita longè serpat, præcavebit. Hæc itaque ut exemplo illustriora fiant, quod recentissimum est minimeque vulgare, subijciam.

Virgini, generosa admodum stirpe ortæ, facies *Erysipelate* correpta intumuit: levis horror & febricula pro morbi more præces-  
ferant.

Proximo die non facies modò, sed circa aures atque collum, cutis cum rubore turgescibat. Febris invaluit. Aliquantulum per intervalla delirabat. Applicatum est *Nuchæ Vesicatorium*.

3. Ita processit tumor, ut ingentem in molem accreverit. Qui cùm & intensius rubesceret, videri poterat ex eo genere *Erysipelas*, quod *Galenum* secutus *Phlegmonodes* appellat *Fabricius*; purum quippe, sub illo Authore <sup>a</sup>, in facie nunquam fere reperitur. Sub noctem penitus delira evasit. D<sup>nus</sup>. *Burges* Pharmacopæus *Vesicatoria* brachiis admoverat, *Clysterasque* ingesserat; qui quidem nullo cum fructu sunt rejecti

4. Exasperata sunt omnia. Cùm eam primò, pomeridianis horis, inviserem, delirium erat cum febre vehemens: multa locuta est, sed omnia incondita. Nonnunquam quasi veternosa jacuit, nervorum disten-

<sup>a</sup> Part. 2. lib. 1. 8.



stentionibus, circa manus præcipuè & humeros, subinde obortis. Tumor fere idem, nisi quòd perpaululum de rubore decesserat. Pulsus non tam validus, quàm concitatus. Itaque statim utrique Cervicis lateri admovenda curavi *Vesicatoria*; de quibus sanè apud Authores, quos supra posui, literam inveniri nullam vehementer admiror: præsertim cùm id auxilii genus in hac, siqua in alia morborum specie plurimùm valeat; sed quia, cùm ita in propinquo videretur exitium, neque sic profici posse conjectabam, nisi alia in subsidium veniret materiæ avertendæ via, hujusmodi *Purgatio*, hora tertia Pomeridiana, instituta est.

R. *Decoct. Sen. Gereon.* ℥iij.

*Tinctur. Sacr. cum Vin. alb. pp.* ℥j.

*Syr. de Rhamno Cathartic.* ℥vj. M.

Unde alvus quidem minime descendit. Itaque circa mediam noctem *Tincturæ Sacræ* ℥ij. propinatæ sunt.

5. Omnia eadem, nisi quòd quietior, seu potius morbi gravitate obtusior, jaceret. Alvus adhuc adstricta. Quare ad meridiem *Catharticum* aliud exhibitum est; quod fuit hujusmodi.

R. *Tinctur. Sacr.* ℥ij.

*Syr. de Rhamno Cathartic.* ℥j. M.

Sed

Sed ne nunc quidem venter descendit. Vesperis adhibita sunt cubito utrique *Vesicatoria*.

6. Idem omnium status; Calor tantum mitescere visus est. Mane primo repetitum est *Catharticum*, quod jam proxime præceptum est. Unde alvi perpauca dejectio, sed quæ parum auxilii tulit. *Clyster* acris itidem frustra injectus. *Purgantia* hoc ordine ideo sumenda iussi, quia neque ab hac medendi via, dum responderet, disistendum esse; neque, si illa non responderint, alio modo succurri posse significavi. Itaque licet *quater* tentata frustra fuerit, in eâ tamen ut pertenderem, mihi persuasissimum erat. Siquidem in hoc morbi statu res perinde se habet atque in *Variolis*: nam neque per *Tumorem* dissipata est, neque alio fere modo averti potest febrilis materia, nisi aperiatur per *Glandulas intestinales* via.

7. Tandem, rebus indeterius ruentibus, sequenti medicamento usa est,

R. *Pil. ex Duobus* gr. xv. in *Aq. Theriacal.* ℥j. solut.

Syr. *Se Rhamno Cathartic.* ℥ss. M.

Hinc alvo *quinq̃ies* subducta, ad se rediit: sed nullam eorum, quæ ab his *Sex* diebus acta sunt, memoriam retinuit. Tumor subsedit, Febrisque ita decessit, ut eodem *Cathartico*

*ibartico* bis iterum exhibito, pristinae prorsus sanitati restitueretur.

Id utique medicinae genus, cujus non exigua pars constabat ex *Scammoneo*, quod plerique ut hoc in morbo planè perniciosum repudiant, ægrotam summo periculo liberavit. Ita Authorum vel maxime celebrium decreta Medica haud ita facilè recipienda sunt, quæ non multiplex usus firmaverit.

### *De Excretionē Intestinali.*

Quoniam multus de *purgatione* sermo incidit, plurimumque momenti in eâ situm esse diximus, opportunum erit purgandi rationem omnem paulò altius repetere. Quod eò minùs hoc in loco alienum videbitur, cùm alii hoc evacuandi genus nimis facilè contemnant, alii id quod per *Urinæ* itinera fit, vel etiam quod *Clystere* efficitur, huic longè præ se ferant antepondere.

*Peyerus*, qui intestinales *glandulas* primus detexit, hoc iis munus tribuit; ut humorem chylo diluendo elaborandoque idoneum suppeditent. Ab hoc fonte proficisci arbitrat, ut, cùm exhibetur *Catharticum*, tanta dejectionum copia descendat. Quam tamen humorum abundantiam, siue naturæ lege, siue artis auxilio, ab his glandulis

ex-

excerni posse negant nonnulli: qui de naturali quidem excretionem hanc maxime ob causam dubitasse videntur, quòd nequaquam intelligerent, quemadmodum ex hac ferè una scaturigine adeò ingentem retrimento- rum vim derivare queat *Catharticum*. Quæ dubitatio facillime tolli potest, si rem hanc ad calculum exigamus.

*Sanctorii* leges *Staticæ* ostendunt evacuationem alvinam, si cum cuticulari conferatur, esse ut 1 ad 10: ea itaque horarum viginti quatuor spatio erit ut 34. 36. 3j. gr. 4. ad 348; horæ autem unius spatio, ut 34. gr. 16. ad 348. In regionibus frigidis ob perspirationem parcius factam paulò altius fortasse assurgit hæc per alvum evacuatio: quam quidem ii, qui de his rebus disputant, cum eâ, quæ per Glandulas fit, excretionem temere confundunt: sed quam longè hæc à se invicem discrepent, satis erit diligenter attendentem penitus videre. Cutis quippe intestinorumque eandem ferè constat esse fabricam, & glandulas alterutrinque scaturire: quæ quanquam nudo oculo minùs pateant, Microscopii tamen ope in conspectum facile veniunt. Atque hæc quidem quòd melius fiat per intestinâ excretio, provide à natura cautum est, cùm vasa sanguinea in eorum Tunicas ingenti multitudine diffuderit. Cutis, si media quadam via ra-  
tionem



tionem conficimus, continet uncias quasi 2640. quadratas: Intestina, cùm eorum longitudo sit ferè pedum triginta, ambitus autem mediocritate quâdam æstimatus unciarum ferè quatuor, Cylindrum constituunt in quo Unciæ 1440. quadratæ continentur. Ita ut superficies intestinalis, si cum cuticulari comparetur, plusquam dimidii rationem obtineat. Sed quia Glandulæ non ita confertim in intestinis ac in cute reperiuntur, superficies, ex quâ humoris aliquid egeritur, eâ proportionem æstimetur, quam habet 1. ad 4. Horæ igitur spatium si cutis 948. ejiciat, ex intestinis profluent 231. Neque hanc facilè quispiam Lymphæ effluentis copiam intestinis denegabit, qui secum reputet, quàm multò ampliùs in his, quàm in cute vasorum excernentium ora dehiscant: atque hæc quidem ex glandulis ipsis, quæ magnitudine valde exsuperant, perspicuè liquet.

Ita si hanc rationem sequamur, longè plus, quàm quod naturali dejectione effunditur, ab his glandulis suffici & posse & consueffe percipimus. Cùm verò alimenti reliquæ magnam in dejectionibus partem, etiam maximam, cùm hæ solidæ sint, fortiantur, ostendi facilè potest, quòd materia illa, ab intestinorum glandulis derivata, ita parum ex toto foras excluditur, ut unà cum

O

Chylus

Chylo in vasa *Lactea*, inque sanguinis vias remigret: eodem planè modo, ac *Lympha* ex infimi ventris partibus redire consueverit. Igitur, uti experimentis constat, quando-cunque haud suppetat qui in vasa *Lactea* derivetur Chylus, ea *Lymphæ* hujulce ex glandulis expressæ sunt plenissima.

Hæc cùm minùs animadversa fuerit distinctio, eos in errorem induxit, qui, cùm quæ sit commodissima evacuandi via differant, a *rationem secretionis circularis ad ventralem majorem esse statuunt, quàm rationem centum ad unum.* Nam adhibito Cathartico, intestina jugi irritatione pervulsa, non modò alimenti reliquias, sed id omne, quod à glandulis excernitur, demittunt. Ita ut hanc unam ob causam a medicinâ purgante *quadruplo* major efficiatur evacuatio, quàm quæ in naturali statu contingit.

*Purgantia* duobus potissimùm modis vires suas exerunt; vel ut stimulo quodam irritantia intestinorum tunicas, vel ut sanguinem velociùs circumagentia: ea quæ valentiora sunt, utrumque efficiunt. Stimulus quidem, quo pollent purgantia, non modò *Lymphæ* copiam majorem ex glandulis exprimit, sed & humores ita revellit, ut ad harum ora glandularum minùs quàm alibi uspiam impedimenti sit, exitusque facilior;  
huc

huc igitur ii uberiùs confluunt, five quod idem est, sanguinis celeritas his in locis incitatur: pari ferè modo, ac Cutis, *Vesicatorio* erosa, serum effundit. Quæ in sanguinem se insinuant Purgantia, ut velociùs ille decurrat, faciunt, quia & stimulum augent, & humorum cohærentiam attenuant atque dissolvunt. Hoc satis patet ex calore, quem excitant Purgantia; immo *Pulsus*, quæ & valentior, & plenior, & concitator fit, idem indicat.

Quantum hinc, nempe ex sanguine velociùs actò, ad alvi fluxionem accedat, hujusmodi ratiocinium facilè ostendet. Arteriarum *Mesentericarum*, quibus intestina irrigantur, amplitudo ad *Aortæ* basineam habet rationem, quam 1 ad 10. Cùm igitur experimentis constet horâ quâlibet in *Aortam* derivari sanguinis 34000, istæ Arteriæ eodem temporis spatio 3400 in intestina deferent. Aliquid etiam huc ex uno aut altero *Cæliacæ* ramulo advehitur. Naturalis, quæ inde fit per glandulas, excretio non nisi ad 24 pertingit. Ratiocinandi gratiâ si ponamus sanguinem duplo citiùs ferri (quem sanè ita ferri, adhibito valentiore *Cathartico*, pulsus demonstrat) Arteriæ *Mesentericæ* singulis horis 3800 apportabunt, iisdemque intervallis fere 24. excernent Glandulæ. Quippe excretio quæcunque, si cætera sint

O 2

paria,

paria, solâ *velocitatis* regulâ metienda est. Sin *triplo* increseat velocitas, quod propter stimulum, saltem ad ora glandularum, fieri haud absurdè quis concesserit, effluent 336. Quòd si itidem Vasorum excernentium Diametri *duplo* ampliores fiant, (quod, ubi paulò acrius fuerit *Catharticum*, contingere minime dubium est) intestinorum glandularis excretio ad 3144 assurget, id est quantitatem à naturâ præfinitam *duodecies* excedet. Ita hâc ratione, *octo* horarum spatio, dum munus suum obeunt purgantia, ex his glandulis elici possunt 348.

Sed dum evacuationem istam, quæ Purgantibus fit, æstimamus, *Bilem* haud oportet negligere. Itaque si intra horam, ipsa Naturæ vi, *Bilis* drachmæ duæ, uti ostendit Vir in his rebus peritissimus D. *Jacobus Keil*, in intestina profluant, *Catharticum* exhibitum 36 a Jecinore eliciet, si modò, uti diximus, tripla sit in sanguinis cursu Velocitas, Vasorum interim Diametris minimè dilatatis. Hinc, alvo per artem concitata, dejectiones ferè biliosæ reperiuntur. Id autem animadvertendum est, *Bilem*, quò magis festinatè aut ubertim effluat, dilutiorem evadere. Ad hunc modum per has intestinorum vias, quanquam neque alimenti reliquias, neque succum *Pancreaticum* æstimaveris, à *Cathartico* expurgari possunt lib. iiijss. Vas  
fis



sis autem simul ampliatis, copiosior multò erit humorum effluxio, scilicet in ratione Diametrorum duplicatâ. Quæ cum ita sint, perspicuum est, quàm minime idem à *Clysteribus* expectandum sit: qui quidem alvum stercore obstitam satis commodè eluunt, atque liberant; sed neque bilem elicere, neque has Glandulas, quæ in *Ileo* potissimum sitæ sunt, ullo modo possunt attingere.

Ita quando vel morbus intestinis penitus infederit, vel vehementior fuerit purgatio, si celerius æquo sanguis fluat, aut Vasorum ora patecant latius, ad gradum multò altiore perducì potest hæc per Glandulas excretio. Exemplo sit morbus, quem *Choleram* dicimus: in quâ incredibile prorsus est, quanta humorum copia à stimulo illo eliciatur, quem *Fructus Horarii*, aut aliæ quævis cruditates intestinis admovent. Ora autem Glandularum multò amplius, quàm à naturâ constituta sunt, distendi posse satis manifestum est ex alvi fluxione, non *Symptomaticâ* modò, ut vocatur, sed & *Criticâ*: quarum quidè hæc materiam illam, in Fauces pulmonesque frigore rejectam, ita sæpe expedit, ut perspirationis Vicaria evadat. Scilicet eadem humorum copia, quæ trans cutim eliminari debuerat, per has glandulas exitum quærit: quæ sanè ubi ob-

O 3

tingit

tingit evacuatio, naturalem hujusce Lymphæ fluxum *decies* superat.

Tam perpetuâ naturæ lege progreditur hæc per intestina excretio, tamque chylo rite elaborando necessaria reperitur, ut si fortè obstruantur hæ glandulæ vel occallescant, oritura fit aut alvi adstrictio incurabilis, aut morbus *Cæliacus*: quo quidem præcipue in morbo contingere hoc docent Mortuorum sectiones. Cum autem ad tempus aliquod breve permanferit hæc glandularum obstructio, vel earum aliqua portio ita glutinosi humoribus occlusa fuerit, ut Lympha, alimento subigendo comminuendoque necessaria, haud satis suppetat, oritur illa morbi *Cæliaci* species, quæ sanationem recipit; quamque à *fluxu Chyloso* distinguimus, qui, si propriè loqui libeat, ducit à *Lacteis* obstructis originem.

Si Glandularum, Lymphæque, quam ejiciunt, usum attentius exploremus, causam hujus morbi penitus assequemur: neque ullo opinor argumento clarius doceri posse, quantum ad medicinam non intelligendam modò, sed adhibendam conferat *Ars Anatomica*, quàm hæc Glandularum *Peyeri* *marum* notitiâ. Etenim Veterum monumenta intuenti facilè patebit; quàm perperam ii, ne dicam quam absurdè, morbum *Cæliacum*, *vel quia temperies nimis frigida esset atque hu-*

*humida, vel quia vis retentrix debilitaretur, nasci voluerint. Sed hanc Caliginem dispulit Anatome, quæ fabricam intestinorum distinctius explicando, morbum hunc ex eo proficisci clarè ostendit, quòd humor ille, à Glandulis exprimi solitus, aliquâ saltem ex parte intercludatur. Itaque ea remedia, quæ alvum leniter irritant, glandularumque ora detergunt, in hoc morbo vim habere maximam comperimus. Ita morbi exquisitior notitia ad curationem bene instituendam rectissimâ nos deducit viâ: in quâ ut defecerunt Veteres, ita malè susceptam medendi rationem tenuerunt, utpote Astringentibus unicè innixam. Quis enim non videt eos hanc ideo amplexos esse, quòd opinioni isti congrueret atque faveret, quæ morbi causam in quâdam intestinorum Ατονίᾳ sive imbecillitate posuerit? At profecto si quis hunc curandi modum persequi velit, neque aliquid quicquam in remediis nisi Adstringendi vim confectetur, quod fecerunt Methodici, næ is Glandulas non deterget, sed obstruet: ita ut morbus hoc medendi instituto non tam abigi posse, quàm confirmari videatur.*

Sed sit hujus disquisitionis modus; satis enim jam exposuimus, quo demum naturæ artificio peragatur, quibusque usibus inferuat hæc glandularis excretio: quòd si quæ

Q 4.

dicta.

dicta sunt probè teneantur, rationem eorum, quæ magno cum judicio de *Purgantibus* notavit *Verulamius*, facile erit intelligere.

„ *Fidenter (inquit) dicimus<sup>a</sup> Purgationes re-*  
 „ *petitas atque factas familiares, longè magis*  
 „ *ad diuturnitatem vitæ facere, quàm exerci-*  
 „ *tia & sudores. Etenim certissimum est per*  
 „ *sudores & per spirationes exteriores, non so-*  
 „ *lum humores & vapores excrementitios ex-*  
 „ *halari & absumi; sed unà etiam succos &*  
 „ *spiritus bonos, qui non faciliè reparantur.*  
 „ *In Purgationibus autem, si non fuerint ad-*  
 „ *modum immoderatæ, non item; cùm super*  
 „ *Humores præcipuè operentur.* Hæc ille suo philosophandi more. Qui autem rationes ad hanc rem *Anatomicas* accommodat, faciliè perspiciet, quomodo hic purgantium usus non ora modo *Lacteorum* aperiat atque abstergat, sed glandulas à crassis humoribus, quibus sæpe obstrui solent, liberet: ita ut eæ jugi tenore *Lympham* perpetuò suppeditent *Chylo* conficiendo destinatam, à quo & omnis manat nutritio, & vita ipsa propagatur. Ita maximè hâc purgandi ratione insecundâ valetudine cavetur, ne adversæ præsidia consumantur.

<sup>a</sup> Hist. Vit. & Mort. 163.



## COMMENTARIUS VIII.

*De Urinæ profluvio.*

**P**Lures apud *Hippocratem* ex Febre post *Urinæ* profluvia evasisse legimus: qui quidem uti in *Urinis* notandis multus est, ita ex his præcipuè curandi indicia traxisse videtur. Utrùm verò in *Febribus* urinam moventia adhibuerit, planè non constat. Neque enim adhuc reperta est medicina, quæ in ejusmodi casibus *Urinam* ita potenter eliceret, ut ab eâ speraretur, qualem à purgatione percipimus, materiæ febrilis detractio. Itaque si *evacuationem* spectemus, parum est, in *Febrium* tractatione, *Diureticis* fidendum. Neque hujus rei obscura est ratio, partium fabricam contemplanti: quippe, utut *Arteriæ Renales* ferè *Mesentericas* capacitæ æquent, paremque fortassè sanguinis portionem excipiant; tamen, cùm in *Renibus* multò pauciora sint, quam in *Intestinis*, ad humores excernendos vascula, non perinde larga utrinque secutura est evacuatio. Id insuper tenendum est, non eam, quam *Vomitória* atque *Purgantia* possident, virtutem itidem *Diureticis* inesse, ut medentis consilio semper respondeant. Ea quidem *Urinam* aliquando mirificè movere

posse confiteor; sæpius tamen spem fallere, experimentis comprobatum est: quod in Aquâ intercute & Urinæ difficultate, in quibus potissimum morbis desideratur hoc à *Diureticis* auxilii, nimium frequenter solet contingere. Ita ut hodie hæc medicinæ pars, quæ ad Urinas provocandas pertinet, sit omnium maximè manca.

Invaluit jamdudum consuetudo, ut qui *Variolis* aut *febris* correpti decumbunt, largis admodum crebrisque potionibus utantur. Quæ quidem consuetudo non noviter, ut quidam putant, instituta est, sed ab ipso olim *Hippocrate* planè tradita: nam ille, ut *Victum*, quo in *Acutis* morbis uti deceat, accuratius præciperet, varia *Sorbitio-num*, *Ptisane* præsertim, genera descripsit; ita ut, qui *Regimen*, ut vocatur, temperatius dilutiusque primum apud nos induxerunt, id ferè omne ex hoc *Hippocratis* libello hauserint. Et certè hæc medendi ratio fructum habet uberrimum. Nam & dilutis illis potionibus mitescit febrilis ardor, & sanguinis moles ita tenuatur & comminuitur, ut per vasa liberius devehiri possit, & siquid superflui sit aut per cutis aut per Urinæ meatus egerere. Neque tamen ideo, quòd Urinam moveant, potiones hæc inter *Evacuantia* protinus reponendæ sunt. Quippe non tam vi aliquâ *Diuretica* hoc faciunt;

quàm

quàm quia dilutissimæ sint, uberrimeque ingestæ Ita quamvis effusissimè proruperit Urina, fieri potest, ut nullo modo exhauriantur Vasa, in quibus eadem humorum mensura cursu perenni circumfluit. Igitur contenti simus bono eo, quo præstant hæ positiones, quòd *diluant* scilicet : *evacuandi* virtutem, quam negavit natura, iis ne quæramus affingere.

## COMMENTARIUS IX.

*De Vesicantibus, quæ Cantharidas recipiunt.*

**P**ercursis jam omnibus *evacuandis* viis, quas aut Natura tentavit, aut ejus interpretes optimus in usum deduxit *Hippocrates*, liceat unam adjungere, tanto viro incognitam: quæ, utcunque excogitata recentius, non ultimum tamen in *Febrium* restinctione locum vendicat. *Vesicantia* à me intelligi, nemo est qui ignorat: quorum cum materia multiplex sit, de iis tantummodo sermonem instituemus, quæ *Cantharidas* recipiunt. Hæc quippe uti valentissima sunt, maximèque efficacia, ita morbi vim allevant modo quodam expeditiore magisque inopinato, quàm cætera quæcunque *Evacuantia*, venæsectionem si exceperis, solent.

*Can-*

*Cantharidas* quidem, ut medicinam introsumendam, sæpe commendat *Hippocrates*; ad *Vesicas* excitandas nusquam adhibuit: quanquam aliquid de earum virtute, vel *Hippocrates*, vel alius quispiam, etiam cum Cuti admoventur, odoratus esse videatur; qui enim libellum de *Superfoetatione* scripsit, illas inter alia irritandi instrumenta, ad purgandum Uterum, *Pessò* immisceri præcipit. Primus has cuti capitis affricari, ad ulcuscula inurenda, jubet *Aretæus*; cuius etsi incerta sunt tempora, *Galeno* saltem aut supparem, aut eo etiam antiquiorem suspicari licet: is adeò eas in *Epilepsiæ* tractatione b utendas suadet, monetque, ut triduo antè lacti assuescat *Epilepticus*, ne *Vesicam* lædant *Cantharides*. Eandem in hoc morbo, ut & *nervorum resolutione* curandis rationem tenuit, referente *Ætio*, c *Archigenes*, cui ut sectâ, ita & ætate erat conjunctus, quantum conjicere licet, *Aretæus*. Deinde *Galenus* Emplastra ex muscis hisce confecta ad *Areas*, ad *Scabiem*, ad *Impetiginem*, bene usurpari posse tradit: sed ille, uti rectè animadvertit Cl. *Clericus*, (cui de *Medicina veteri* accuratissima debemus commentaria) hoc auxilii genus in plerisque morbis vel parvi admodum

a De Superfoetat. 25. b Curat. Diuturn. Morb. l. 4.

c Tetrab. 2. Sermon. 2. 28. & 50.



dum fecit, vel, ut ex scriptis constat, tanquam periculi plenum haud sæpe tentavit. Qui *Galenum* insecuti sunt *Græci*, uti nec in aliquo ferè quocunque, ita nec in hoc ipso argumento quicquam novi afferunt: itaque & *Arabas* frustra consulueris, qui, utcunque in medicamentorum formulis concinnandis feracissimi ingenii sint, quantum ad hanc rem attinet, more suo *Græcorum* vestigiis inhærent. Apud *Latinos Cantharides* nullo ferè in pretio fuisse videntur: earum ipse *Celsus*, qui in *Sinapismis* multus est, haud scio an alias uspiam quàm in *Papulis* detergendis, *Miconem* secutus, meminerit. *Cantharidas* quidem illitas prodesse, ad *Lepras*, & *Lichenas*<sup>a</sup>, item ad *tela extrahenda*<sup>b</sup> valere scribit *Plinius*: unus *Scribonius Largus*, *Cerato* admittas, tamquam *stigmatibus*<sup>c</sup> tollendis utiles, deprædicat.

Hic ferè apud veteres *Cantharidum* cuti impolitarum usus; isque sanè perrarus, utpote qui, non nisi in *frigidis humoribus*, maloque jam *inveterato*, locum haberet. Nec liberius diu etiam post renatas literas adhibiturum est hoc medicamento genus: ita ut *Fernelius* id non nisi in <sup>d</sup> *Cæcitate* & <sup>e</sup> *Hydrope* præceperit, edixeritque *prudenter eo atque arte summa esse utendum*. *Fernelio* quidem æqualis *Hollerius*, scriptor sanus imprimis,

&

& in veterum scriptis versatissimus, ad *Lethargum* excutiendam, *Cantharidum* pulverem *Phænigmo* admisceri jubet; quamquam, qui *Hollerii* scriptis *adversaria* attexit, *Duretus*, *Sinapismos* minimè usurpandos esse moneat in *Lethargo*, quòd conjunctus cum febre sit, quæ hæc calida respuit<sup>a</sup>. Illa autem, quam cum *Paræo* \* tentavit *Hollerius*, mirabilis est curatio: nam Fœminæ nobili, cui vultus circum undique *pustulis* ardentibus, & , tanquam in *Elephantiasi*, admodum fœdis deformis erat, persuaserunt, ut universæ faciei *Vesicatorium* ex *Cantharidibus* imponeret. Unde ea quidem tantis doloribus tantâque febre correpta est, ut ferè nulla esset de salute relicta spes: sed cùm eam ex hoc periculo egregia viri utriusque ars liberâisset, evanuit in perpetuum, quæ antè faciem occupabat, deformitas. Idem *Hollerius*, de *Pyroticis* verba faciens, vesicarum, quas *Cantharides* excitant, ope,,  
 ,, *xarios*, *Podagricos*, *Hemicranicos*, *Ceph-*  
 ,, *algicos* sæpenumero relevari dicit; repur-  
 ,, gari viscera, atque omnino corpus sordibus  
 ,, & excrementis liberari, SEXCENTA de-  
 ,, nique vitia vetusta contumaciaque percu-  
 ,, rari<sup>b</sup>. Id adeò præterire non possum, omne hoc de *Cantharidum* virtute præconium,

<sup>a</sup> Edit. 1577. 31. <sup>b</sup> Institut. Chir. 3. 5.

\* *Paræ.* lib. 20. cap. 28.

nium, in iisdem *Hollerii Institutionibus Chirurgicalis*, quæ cum *Tagaultii* scriptis Anno 1543. primùm prodierunt, quam etiam editionem secuti sunt *Gesnerus* atque *Uffenbachius*<sup>a</sup>, omnino desiderari. Unde jure quis suspicetur, medicinæ hujusce usum post id demum temporis increbrescere cœpisse. De quâ tanta tamque absurda eâ tempestate invaluit suspicio, ut *Adolphus Occo*, qui anno circiter 1560. floruit, *Cantharidas*, ne in perâ quidem gestari finiret, cùm quendam, qui eas ita gestâisset, sanguinem minxisse constaret<sup>b</sup>. Sed hæc sunt non differentium medicorum, sed somniantium commenta.

Quòd si recentioris memoriæ scriptores adeamus, ab hoc medicinæ genere multos, etiam seculi *decimi septimi* initio, abhoruisse reperiemus: eamque non nisi timidè admodum & cunctanter admoveri consuisse docent tum alii, tum præcipue *Banzerus Augustanus*, qui *Vesicatoria Coronati latitudinem vix excedere debere* pronuntiat<sup>c</sup>. Quinimo ea *Thaleri* magnitudine metitur *Etmullerus*, & in morbis, *febris* præsertim, tractandis ita frigidè ac non absque metu quodam medico laudat, ut hanc medendi rationem *Italibus* potiùs, quàm *Popularibus* suis fa-

<sup>a</sup> Scriptor. Chirurg. <sup>b</sup> Schenk. lib. 7. Obs. 37.

<sup>c</sup> Fabric. Recept. lib. 2. f. 2. 21.



familiarem velit <sup>a</sup>. Atque ea quidem apud *Germanos* ita parum exulta est, ut in magnis illis *Sennerti* voluminibus, omni medicamentorum farragine refertis, *Vesicantium* tamen mentio rarissimè occurrat: quanquam ille quidem se iis *sexcenties* usum esse narret<sup>b</sup>.

Quæramus itaque, quid illa *Felix prole virum* protulerit *Italia*. Cùm & *Patavii* & *Venetiis*, Ann. 1575. & 1576., acerbissimè sæviret pestis, à medicis omni diligentia investiatum est, quâ potissimum ratione malum illud aut depelli possit, aut præcaveri. Pestem hanc accuratissimè descripsit Vir eruditionis summæ, *Hieronymus Mercurialis*, & qualis ad eam curandi via accommodari debuerit, fusiùs docuit: interque auxilia, quæ huic morbo insigniter prosunt, hujusmodi *Vesicantia*, ut præstantissima, commendat <sup>c</sup>. Is utique ea inter *Italos*, uti reor, princeps invexit; neque sanè hoc illi quicquid est laudis invidendum est, quanquam antea idem medendi modus, tum à *Marsilio Ficino* <sup>d</sup>, tum ab *Alexandro Benedicto* <sup>e</sup>, ad *Carbunculos* pestilenciales curandos prædicetur; & superiore seculo, ut ipse ingenuè fatetur <sup>f</sup>, à *Jacobo de Partibus*, *Galliarum* Regis Archiatro, in iis quæ de <sup>g</sup> peste

com-

<sup>a</sup> Comm. in Schröed. de Compos. Medic. <sup>b</sup> Lib. 6. p. 8. cap. 26. <sup>c</sup> De peste. c. 26. <sup>d</sup> Epidem. Antidot. 15. <sup>e</sup> De Pestilent. <sup>f</sup> Ibid. <sup>g</sup> Comment. in Avicen. supra primam quarti.



commentabatur, sit descriptus. Haud ita multò post, Anno scilicet 1590., *Pisauri* pestis erupit, ita ut *Urbinatium* Dux universos scholæ *Patavinæ* medicos consulendos censuerit, quò meliùs invalescenti malo occurreretur. Sed iis inter se de Remediorum, *Vesicantium* præsertim, commoditate differentibus, *Hercules Saxonia*, ut sententiam suam tueretur, de *Phænigmis*; quatenus ad *febres pestilentes* curandas pertineant, disputationem edidit. Hinc tantæ eâ de re turbæ coortæ sunt, ut summâ medicorum disensione certaretur: adversantium agmen duxit *Alexander Massarias*, acriterque *Vesicantia* impugnavit; tum quòd æmulatione quâdam ductus *Saxoniam*, utpote ætate minorem, non tulerit, tum quòd non nisi in veterum vestigiis stare voluerit. Quid autem melius ab homine sene præjudicatisque opinionibus occupato sperandum, qui se cum *Galeno* malle errare, quàm cum recentioribus vera sentire gloriatus est? Sed omnia quæ contra disputata sunt, refutavit *Saxonia*, libellis tribus de *Vesicantium* usu editis: in quibus quidem totum hunc locum ita copiosè pertractavit, ut, qui eum consecuti sunt, sequerentur planè, nihilque ferè huic argumento adjecerint.

Ab hoc itaque tempore consuetudo invaluit, ut inter *Vesicantia* principem semper

per locum tenerent *Cantharides*: quas quam plurimis in morbis, *febris* præcipuè, proficere testetur experientia; quâ tamen vi, quo demum modo humores attingant, ac commoveant, nemo satis adhuc explicavit. Quid incute efficiant, ita oculis omnium expositum est, ut medicinæ scriptores ad hoc unicè attendere videantur: & in ipso quasi limine subsistentes, quicquid uspiam à *Vesicantibus* venit auxilii, ab unâ *seri evacuatione* derivare satis habuerint. Hoc à *stimulo*, quem admovent *Vesicantia*, & ab humorum, uti loqui amant, *Fusione* proficisci volunt; ita ut, cùm quasi aculeis quibusdam pungatur cutis, *serum* exsudet. Sanè fatendum est propter hujus, quo cutis foditur, *stimuli* vim, uberiùs istuc, quàm pro more, confluere humores: neque tamen ideo effluere *Serum*, cætero sanguine intus coërcito, quòd ut ii comminiscuntur, id præcipuè modo quodam peculiari à *Cantharidum* particulis aut *imbibatur*<sup>a</sup>, aut *alliaciatur*<sup>b</sup>, credendum est. Nam cùm perpaululùm erosa sit vasorum tunica, non aliâ quam tenuitatis suæ ratione elabitur *Serum*; Globuli autem, qui sanguinem rubore tingunt, cùm foramina ista mole exsuperent, exitum reperire non possunt. Atque hoc qui-

<sup>a</sup> Willis. *Pharm. Rat.* p. 2. Andr. Cæsalp. *Specul. Art. Med.*

quidem perspicuum faciunt eæ, quæ igne excitantur, *Vesicæ*: cujus viscilicet ad eundem planè modum diuulsa, quæ vasorum ora defendere debuerat, *Cuticula*, sero viam aperit.

Ita cùm & dolorem concitent, & *Serum* eliciant, magno in morbis adjumento sunt *Vesicantia*: & hæc quidem *seri* evacuatio indicii cujusdam loco habenda est; nam, nisi id eruperit, parum ea feliciter cessura rectè auguramur. Tamen intra hos limites minimè consistere videtur *Cantharidum* virtus: quæ tam latè patens tamque mirifica est, ut nullatenus explicari queat, nisi rationem eam, quâ non cutim modò, sed & sanguinem afficiunt *Cantharides*, assequamur. Nam si eæ ideo proficerent, quòd *Serum* evocarent, eadem sanè *seri* copia per *Urinæ* iter exclusa pariter prodesset. Atqui in omni ferè morbo *seri* tantundem per meatus istos ejicere licet, quantum *Vesicatorio* admoto educitur; sed in nullo fructum inde æqualem percipi posse, experimentis constat. Id utique satis apparet, introsumptæ quam vim habeant *Cantharides* in evacuandis humoribus, in obstructionibus expediendis, in sanguinis cursu incitando: itaque ad *Menses* ciendos, ad *Hydropem* expurgandum, ad foetum excludendum, ad lumbricos evocandos, ad venenum ra-

bidu canis perdomandum, ad cuticulares denique meatus, inveterascente jam impetigine, adaperiendos, à Veteribus usurpari solebant. Verique simile est eas. etiam cum cuti admotæ sint, altiùs pervadere, humoresque eodem planè modo commovere. Aliter enim quomodo contingeret, ut in Pleuritide, in Peripneumoniâ, in Distillatione, in Gravedine, nervorumque distentionibus egregiè valeant *Cantharides* cui appositæ? Ut dolores, coxarum præcipuè, pervetustos tollant, obstructionsque liberent? Ut, iisdem apposis, humores sese ad perspirandum magis accommodent, ut sudores faciliùs fluant, ut pustularum omne genus à cute promptiùs foras emicet? Atqui hæc sic fieri solere ex usu quotidiano abunde discimus.

¶ Ii quidem, qui interiorem hanc *Vesicatorii* vim aut negant, aut prætereunt, tamen cum de cruciatu illo atque exulceratione, quæ inde in Urinæ meatibus sæpe oriuntur, explicationem instituant, fatentur ipsi *Cantharidum* particulas in sanguinem penetrâsse: quorum sales acerrimi cum iis, quos ferturina, adhæserint, has tragædias excitant. Ita ferè qui rationem malè semel institutam mordicus tenet, in eas delabitur difficultates, unde expedire se vix potest, nisi à seipso dissideat ipse, secumque discor-

det.



det. Quòd si in partibus à cute longè distitis, earum virtus ita vehementer se exerit, quid causæ est, cur in cæteris locis cessare eas, & quasi ab opere feriari arbitremur? Quid obstat, quò minus humorum mutationem aliquam moliantur, quæcunque demum per vasa permeant? Certè incommoda, quæ *Vesicantium* aliquando usum consequuntur, non aliâ ratione explicari possunt, quàm quòd *Cantharides* in sanguinem, eo quo diximus modo, vim exercent. Hoc autem posito fundamento intellectu erit facillimum, quare *Hæcticis* (præcipuè si sudoribus colliquecant) *biliosis* item, iisque, qui ad febriles æstus naturâ suâ feruntur, interdum noxiæ sint; etiam ubi corpus plenius fuerit, si scriptoribus habenda sit fides, nisi venam secueris, periculosæ: siquidem, cùm sanguinis molem admodum attenuent cursumque intendant, *Febres, inflammationes, & deliria* pariunt; vel, quòd in *Hæcticis* contingit, eas opes, quas vitæ sustinendæ natura destinavit, per cutis spiracula nimis effusè dissipant. Pari modo in *lentis Febris*, in quibus *Pulsus* imbecillus languidusque deprehenditur, siquid auxilii tulerint *Vesicantia*, cum illico invalescere sentimus: quod à perpauculâ *feri* detractio-  
ne proficisci omnino incredibile est.

*Bellinius*, qui in eo, quòd stimulet, *Ve-*

*ficantium* vim omnem esse positam contendit, eâdem etiam de causâ *Pulsus* excitari pronunciat. Sed id utique libenter quærerem, num idem & cæteri stimuli efficiunt? Num aut *Cæustica*, aut *Fonticuli*, aut *Setacea*, aut etiam ipsa, quæ *Cantharidum* expertia sunt, *Vesicantia*, eâ stimulandi virtute polleant, ut *Pulsus* non modò ad tempus attollant, sed ita instaurent, ut cursum ille suum tenere possit naturalem? *Purgantia*, quæ sanguinis vias haud attingunt, stimulum intestinis admovent: unde tamen nihil quicquam virium *Pulsus* acquirit. Sanguinis quidem cursum, ad glandularum ora, paululum incitant; molem ipsam humorum non ita afficere posse videntur, ut aliquid inde ad *Pulsus* robur accedat. Itidem *Aqua bulliens*, aut carbo ignitus & pruritus in cute & *vesicas* commovet; ita tamen, ut ne minimum sanguini motum afferat. Itaque cùm in morbis quàm plurimis, iis præcipuè qui caput impetunt, expeditum nec opinatum levamen præbeant *Vesicantia*, non tam quòd aut *revellant*, aut *irritent*, aut *evacuent*, quàm aliâ quâdam virtute id videntur esse consecuta. Quòd si animum ad hanc, quæ interiùs exercetur, vim adverterimus, *Vesicantium* rationem omnem assequemur; &, quo demum modo ad curandos morbos feliciùs accommodari possint, ju-

judicabimus, Certè hinc lucis aliquid erui poterit, quâ id tandem, in quo medicorum diligentiam desidero, effici queat, ut accurata de *Vesicantium* in *Diuturnis affectibus* usu præcepta tradantur, quæ & perspicuitatem habeant, & quasdam errare in medendo non patientes vias.

Sed ut ad locum, qui est in manibus, aliquando revertar in *Febribus acutis* tutum maxime atque expeditum auxilium præstant *Vesicantia*; quæ quidem, licet materiam febrilem à *cerebro* potentissimè avertant, fluxiones tamen cæteras, *Sudorum* præcipue atque *Urinæ*, sæpenumero juvant, saltem nullo unquam modo reprimunt. Neque in eo percuriosius hærendum, ut semper ad ægroti *habitum* aptentur: quæcunque enim fuerit corporis constitutio, utcunque sive *bile* sive *tenui* sanguine fervidior, si febris ultra morem sævierit, levia incommoda non tanti sunt, ut de vitâ interim ipsâ non simus solliciti. Sæpissime enim in id discriminis res venit, ut nihil, nisi à *Vesicantibus*, spei reliquum sit: quod quidem in *Podagricis*, ubi, quæ ad extrema corporis defluere solebat, materia in caput incubuerit *febremque* accersiverit, ut frequentissime fit, sic & nuperrime exemplo maxime memorabili factum est: scilicet dum, præ nimio cavendi desiderio, à *Vesicantibus* prorsus abstinetur,

paucissimis diebus compertum est, quàm vana fuerint magnifica illa salutis aliunde derivandæ promissa. Idem in *Variolis*, *Morbillis*, *Febre* sive *Scarlatinâ*, sive *Erysipelatosa*, quotidie experimur: in quibus morbis licet sanguis ardentius æstuet, incitatusque feratur, hoc tamen auxilii genere haud dubitanter neque infeliciter utimur. Quare nequaquam audiendi sunt ii, qui in *affectibus nervosis*, in *febris ardentibus* & *continuis*, etiam si *sopor*, aut *delirium* accesserit, *Vesicantium* usum repudiant.

Id utique haud temere quis dixerit, hâc plures, quàm aliâ ullâ medendi viâ, ex *febris* liberos evasisse; etiam ab hâc, quàm à reliquis omnibus, pluribus sanitatem esse restitutam liquido possum confirmare. Igitur ad curandas *febres*, quæ Annis 1674, 75, 79, 85, populariter grassatæ sunt, *Vesicantia* adhibuit *Sydenhamus*: id quidem optimo consilio: sed quare in cæteris prætermiserit, haud satis intelligo; cùm alii, de quibus ille meminit, *Anni* nullam febrem intulerint, in quâ non æque profutura fuissent *Vesicantia*. Quorum sane vis in omni morborum *Acutorum* tractatione ita latissime patet, ut eum, qui has *Hippocratis* Historias diligenter perpenderit, febrem haud opinor aliquam reperire posse, in quâ non huic



huic maxime auxilio locum esse fateatur. Neque tamen is sum, qui, cum *Cæcilio Foliota*, *Hippocraticam Historiarum correctionem* in me temere velim suscipere, ut appareat, quomodo illos curare potuisset Hippocrates, quos *mortuos scribit* <sup>a</sup>. Id saltem haud inverecunde mihi videor esse dicturus, ægrotis istis hanc unam, si modò ulla fuisset profectura, prodesse potuisse medicinam.

Illud autem præ aliis commodi habet hæc evacuandi via, ut nunquam non tutissime in usum duci possit: Cæterarum quippe ita perdifficilis & lubrica est ratio, ut nonnunquam eæ, ubi atrocior fuerit morbus, non sine periculo tentari possint; id quod in *Venæsectione* sæpe experimur. Quotusquisque tamen est, qui, ut à *Vesicantibus*, sic & à vena secandâ, utcunque plus discriminis habente, abhorreat. Sed hoc fortasse ægrotantium imbecillitati dandum; ut, cum suadente naturâ dolorem maxime reformident, etiam à medicinâ, quæ vix sine aliquo dolore proficit, refugiant. Eadem in medente mollities adeò non ferenda, ut maxime in vitio sit: quem sane, humanissimum licet, ubi vitæ periculum immineat, potius Tormenti vicem præbere decet, quàm huic cubantium timiditati subscribere.

Sed

Sed ut huic de *Evacuantibus* sermoni finem aliquando imponam ; hæc tibi sint, benigne Lector, quæ exposui, quasi indicia fontium illorum, ex quibus *acutarum Febrium* omnis haurienda est curatio. Nam & præcipua evacuandi genera, quo demum tempore, pro multiplici morbi naturâ, adhibenda sint, & quâ moderatione, cùm adhibeantur, uti deceat, câ quâ potui brevitate persecutus sum. Tui erit rationum momenta ita expendere, humorumque inclinationem omnem ita acriter atque attento animo intueri, ut, quâ maxime viâ detrahi possit febrilis materia, solertius perspicias. Hoc unum Tibi spondeo, Te experiundo comprobaturum, quod *scilicet ex febribus multæ Evacuantibus solis, etiamsi haud alio fueris remedio usus, cedere consuescant; vix ullæ autem, quæ paulò vehementius invaluerint; medicinâ qualicunque, si ab hoc Evacuandi instituto discesseris, restingui possint.*

F I N I S.

## I N D E X

## COMMENTARIORUM.

- COM. 1. **D**E Ratione scribendi,  
*Quam in Epidemiarum  
 Libris tenuit Hippocrates. p. 89.*
- COM. 2. *De Sanguinis Missione, præ-  
 sertim de Venarum Jugularium Se-  
 ctione. 101.*
- COM. 3. *De Sudoribus. 122.*
- COM. 4. *De Vomitione. 126.*
- COM. 5. *De Excreatione purulentâ:  
 De Pleuritide item & Peripneu-  
 moniâ, 130.*
- COM. 6. *De Abscessu: Deque Coli  
 & Vesicæ Ulcere. 142.*
- COM. 7. *De Purgatione: Quam vim  
 habeat in febre putridâ, quæ Va-  
 riolis confluentibus supervenit, in-  
 que capitis Erysipelate. Quædam  
 etiam de Excretionem Intestinali. 148.*
- COM.



COM. 8. De Urinæ profluvio. 217.

COM. 9. De Vesicantibus, quæ Can-  
tharidas recipiunt. 220. 19





